

Siunnersuummut nassuiaatit

## **Nassuiaatit nalinginnaasut**

### **1. Aallaqqaasiut**

Piniarnermut aallaaniarnermullu inatsimmi pingaarnertut siunertaavoq Kalaallit Nunaanni piniarneq aallaaniarnerlu pillugit Inatsisartut inatsisaannik paasiuminartumik, ullutsinnut nalequttumik atoruminartumillu pilersitsinissaq.

Tamassuma saniatigut nunatta piniagassatigut pisuussutaanik nalequttumik nungusaataanngitsumillu atuinermik aallaaveqartumik kiisalu aningaasaqarniarneq suliffissaqartitsiniarnerlu mianeralugit Kalaallit Nunaanni inuiaqatigiit malittarisassanik peqarnissaat Naalakkersuisut siunnersuut aqutigalugu siunertaraat.

Aammattaq Kalaallit Nunaanni Aalisarnermik Nakkutilliisoqarfik sakkussaannik nutaanik arlalinnik nakkutilliisutut oqartussaannerminni ajornannginnerulersitsisinnaasunik atortulersorneqarnissaat siunertaavoq, taamaalillutik inuit ingerlatseqatigiiffillu piniarnermik aallaaniarnermillu malittarisassanik unioqqutitsisunik ajornannginnerusumik pineqaatissiisinnaasarniassammata. Nakkutilliinermik oqartussaasoq sunniuteqarluartoq, illersorneqarsinnaasumik pisuussutinik atuneq pillugu takorluukkap piviusunngortinniarnarani attatiinnarniarneranilu pingaarutilerujussuit ilaattut Naalakkersuisut isigaat. Naalakkersuisut taamaamat pingaartippaat piniarnermik aallaaniarnermillu nakkutilliisut pitsaasumik nakkutilliisinnaatikmullugit nakkutilliinissamut sakkussanik nutaanik peqalernissaat.

Erseqqissarneqassaaq piniarneq aallaaniarnerlu pillugit inatsimmi atuuttumi aalajangersakkat amerlanersaat uani siunnersuummi allanngortinnagit ingerlateqqitaammata. Nutarterinissamik aamma inatsisitigut nalilersuinissamik, aaqqissuinissamik kiisalu Inatsisartut inatsisaata ataqatigiinnerusup, Kalaallit Nunaanni piniarnermut aallaaniarnermullu pingaarnertut toqqammavinnik aalajangersaasut, qularnaarnissaanik siunertaqarluni siunnersuummi aalajangersakkat nutaat piviusunngortinneqassapput.

Taamaalilluni Inatsisissatut siunnersuut innuttaasunut oqartussanullu ullutsinnut naleqqunnerusunik paasiuminarnerusunillu maleruagassanik pilersitsinissamik kissaateqarnertut kiisalu piniarnermut aallaaniarnermullu inatsimmi atuuttumi amigaatit pissusissamisunngitsullu iluarsineqarnissaannut kissaateqarnertut siunnersuut isigineqassaaq.

### **2. Siunnersuutip imarisai pingaarnertit**

#### **2.1. Aallaaniarnermut allagartamut 15-inik ukioqalereersimanissamik piumasaqaat**

Inuussutissarsiutigalugu piniarnermut allagartartaarnissamut piumasagaatitut ukiutigut piumasagaat minnerpaamik 15-inik ukioqarnissaq siunnersuummi eqqunneqarpoq. Utoqqaassutsimut piumasagaat aamma immikkoortoq 2.2.-mut ataneqarpoq piniagassat killilersukkanut akuersissummik tunineqarsinnaanermut ukiunut taaneqartunut piumasagaammut. Sunngiffimmi piniarsinnaanermut allagartamik pissarsisinnaanermut minnerpaamik aqqaneq-marlunnik ukioqalereersimanissamik piumasagaat attatiinneqarpoq.

## 2.2. Piniagassat killilersukkanut akuersissuteqarnissamut utoqqaassutsimut minnerpaamik ukioqarnissamik piumasagaat

Piniagassat killilersukkanut akuersissutinik suliarinnittarnerup agguassisarnerullu assigiissaarnissaannut atatillugu piniagassanut killilersukkanut akuersissutinut tamanut minnerpaamik 15-inik ukioqalereersimanissaq atuutilersinneqarpoq. Manna tikillugu tuttunik nujuartanik umimmannillu aallaaniarnermut akuersissuteqarnissamut minnerpaamik ukioqalereersimanissamik piumasagaammi 16-inik ukioqarnissaq piumasagaataanikuuvoq, siunnersuummili piniagassat killilersukkanut tamanut aallaaniartarnek aalajangersimasunik ukioqalereernissamik piumasagaat taamaaqataanik 15-inik ukioqalereersimanissamut inissinneqarpoq.

## 2.3. Akiliisitsilluni piniariartitsisartunik akuersisarnek aamma angallassisartunik akuersisarnek

Akiliisitsilluni piniariartitsisartunik akuerisaasunngortitsisarnermi maleruagassanik aamma akiliisitsilluni piniariartitsinermi angallassisartunik akuersisarnermut maleruagassanik aalajangersaanissamut tunngaviusussamik pilersitsisoqarpoq. Piniarnermik aallaaniarnermillu inuussutissarsiornermi ilaatigut aningaasaqarnikkut suliffissaqartitsiniarnikkullu pissutsit pingaartinneqassapput.

## 2.4. Uumasunik ajornartorsiutaasunik illersuineq isumaginninnerlu

Uumasunik ajornartorsiutaasunik isumaginninnermut atatillugu maleruagassanik aalajangersaanissamut Naalakkersuisut tunngavissaannik pilersitsisoqarpoq. “Uumasut ajornartorsiutaasut” pingaarnertut pineqarput uumasut kiisortut ajornartorsiutaasut, qimaatinniarneqaraluarlutik inoqarfinnut pisartut inunnt, uumasutitut pigisanullu ulorianartorsiortitsisinnaasut. Taassuma saniatigut pineqarput uumasut kiisortut uumasogatigiinnut nujuartanut neqissaqarniarnermut pingaaruteqartunut uppersarneqarsinnaasunik ulorianartorsiortitsisut.

## 2.5. Uumasunik pissatanik aamma piffissap piniarsinnaatitaaffiup avataani pissatanik passussineq

Inuk uumasunik allap pissataanik sulilu uumasunik takunnittoq, uumasunik toqutsinissamut pisussaaffilerneqarpoq. Uumasunik pissanneqarsimasunik piniarnissamut piffissaliussap avataani takunnittoqarpat, sapinngisamik uumasup toqunneqarnissaa suli piumasagaataavoq. Pisuni taamatut ittuni uumasooq tamaat Namminersorlutik Oqartussat pissavaat, tassanilu

Aalisarnermut Piniarnermullu Naalakkersuisoqarfiup aalajangissavaa uumasooq tamaat taassumaluunniit ilaa qanoq pineqassanersoq.

#### 2.6. Piniarnermik aallaaniarnermillu nakkutilliineq sunniuteqarluartoq

Siunnersuut aqputigalugu siunertarineqartoq tassaavoq, piniarneq aallaaniarnerlu unioqputitsisumik, nalunaaruteqarfiunngitsumik imaluunniit pissusissamisunngitsumik ingerlanneqarnersoq pillugu nakkutilliinermi, sapinngisamik pitsaanerpaanik atortunik nakkutilliinermut oqartussaasup peqartilernissaa, matumani inuit pigisaanut illunut isersinnaanermut aamma angallatinik nakkutilliisummik ikkussuisinnaanermut tunngasut ilanngullugit.

#### 2.7. Allaffissornikkut akiligassiissutinik tunniussisarneq

Allaffissornikkut pillaammik akiligassiisarnissamut arsaarinninnissamullu periarfissaq atuutilersinneqarpoq, tassunga ilanngullugu nalilinnik arsaarinninneq. Inatsisartut inatsisaata susassaarfiini tamani periarfissaq siunnersuut atorlugu atuutilersinneqarpoq, taamaalilluni inatsisartut inatsisaanni nalunaartussaaneq tunisisinnaanerlu pillugit maleruagassat unioqputinneqarnerat tunuliaqutaralugu akiligassiissutit imaluunniit arsaarinninnerit allaffissornikkut akuersissutigineqarsinnaassalluni.

### **3. Aningaasaqarnikkut allaffissornikkullu pisortanut kingunissai**

Maannakkut pisussaaffiusut siunnersuut aqputigalugu ukununnga atassuteqartut ingerlateqqinneqarput:

Pikkorissartitsinerit ukununnga tunngasut akiliisitsilluni aallaaniartitsineq, arfanniarnermi qamutilinnut qaartartortallit passunnissaannut, piniarneq pillugu qarasaasiatigut toqqorsivimmik aqutsineq, nannut amiinik assartuinnermut aningaasartuutit, arfermik toqungasumik kalinneq il.il. kiisalu ingerlatsineq allaffissornerlu pillugit pikkorissarnerit.

Inatsimmi atuuttumi pisussaaffiit allaqqasut ingerlateqqinnissaannut atatillugu pisortanut aningaasaqarnikkut allaffissornikkullu kingunerisassat ullumikkut pissutsinut sanilliullugit, amerlinissaat naatsorsuutigineqanngilaq.

Taamatuttaaqaq allaffissornikkut akiligassanik tunniussisarnissamut periarfissaq, pisortanut aningaasaqarnikkut allaffissornikkulluunniit amerlanerusunik kingunerisassanik pilersitsissasoq naatsorsuutigineqanngilaq, soorluttaaq periarfissaq politiinut nalunaarutiginninnermut tunngatillugu isumalluutinik amerlanerusunik piumasaaqatitaqassasoq naatsorsuutigineqanngitsoq.

Taamaattoq Inatsisartut inatsisaat suliassaqarfinni marluusuni aalajangersakkanik ilaqarpoq, pisortanut aningaasaqarnikkut allaffissornikkullu kingunerisassanik ilaqaratarsinnaasunik. Suliassaqarfiit marluk siunnersuummi pineqarput, taakkunungalu maleruagassanik amerlanerusunik aalajangersaanissamut Naalakkersuisut pisinnaatinneqarput:

1. § 19 aallaaniarsinnaanermut misilitsinnerup pilersinnissaanut tunngasoq.
2. § 24, imm. 5, eqqiluisaarneq pillugu pikkorissarnissaq pillugu piumasaqaatip atuutilernissaanut tunngasoq.

Periarfissanut marluusunut tunngatillugu pisortanut aningaasaqarnikkut allaffissornikkullu kingunerisassai pillugit apeqqutaalluinnaqqissaassaaq, siunissami aallaaniarsinnaanermut misilitsinnermik pilersitsinissamut aamma suliffeqarfinnut, paaqqinnittarfinnut neriniartarfinnulluunniit tunisisinnaassagaanni eqqiluisaarneq pillugu pikkorissarnermut peqataanissaq pillugu piumasaqaatinik aalajangersaanissamut iluseq aalajangersimasoq qanoq ittoq pilersinneqassanersoq Naalakkersuisut kissaatigineraat.

Aallaaniarsinnaanermut misilitsittarnerup pilersinnissaanut tunngavissaq § 19-imiittoq, 1999-imi Inatsisartut inatsisaat aqutugalugu atuuttunngortinneqaqqaartoq, atorneqassasoq aalajangiunneqarpat pikkorissarnernik aamma aallaaniarsinnaanermut misilitsinnermik il.il. pilersitsinnermut ingerlatsinnermullu aningaasartuutit tamanna malitseqarsinnaavoq. Iluseq aalajangersimasoq siuliini taaneqartoq toqqarneqartoq, aallaaniarsinnaanermut misilitsinnermik pilersitsinnermut ingerlatsinnermullu aningaasartuutit qanoq annertutigisumik pisortanut aningaasaqarnikkut allaffissornikkullu kingunerisassaannut apeqqutaalluinnassaaq. Aallaaniarsinnaanermut misilitsinnermut akiliuteqartitsisarnissamut Naalakkersuisut aammattaaq periarfissinneqassapput, tamakkiisuusumik ilaannakuusumilluunniit aallaaniarsinnaanermut misilitsittarnerup pilersinneqartunut ingerlanneranullu pisortat aningaasartuutaannut matussusiisinaanissamut. Taamatuttaaq aningaasartuutit tamakkerlugit pisortanit akilerneqarnissaat Naalakkersuisut toqqarsinnaavaat. Kiisalu aallaaniarsinnaanermut misilitsittarnermik atuutilersitsineq, Namminersorlutik Oqartussanut kommuninullu allaffissornikkut kinguneqaateqarsinnaavoq. Iluserli aalajangersimasoq toqqaasooqartinnagu, kinguneqaatissat qanoq annertutiginnissaat missingersorneqarsinnaanngillat.

Suliffeqarfinnut, paaqqinnittarfinnut neriniartarfinnullu toqqaannartumik tunisisinnaassagaanni, eqqiluisaarneq pillugu pikkorissarnermut peqataanissamik piumasaqaammut piginnaatitsissut, siunnersuummi § 24, imm. 5-i, atorneqarnissaa aalajangiunneqassappat, inuussutissarsiuugalugu piniartunut pikkorissartitsineq pilersinneqartariaqassaaq. Eqqiluisaarneq pillugu pikkorissarnermut tunngatillugu akiliutissap akiligassanngortinnissaanut periarfissiissut ilanngunneqanngilaq, tamatuma kingunerisaanik pikkorissartitsisarnissat pilersinnissaannut ingerlanneqartarnissaannullu aningaasartuutit tamakkerlugit kiisalu aningaasartutit allat attuumassuteqartut pisortanit akilerneqartarnissaat naatsorsuutigisariaqarpoq. Siuliini taaneqareersutut, pisortanut aningaasaqarnikkut allaffissornikkullu kingunerisassai eqqarsaatigalugit, eqqiluisaarneq pillugu pikkorissarnermut aalajangersakkanik atulerneqartussanik atuutilersitissanersut aamma sunik qanorlu Naalakkersuisut toqqaanissaat apeqqutaalluinnassaaq.

Ataatsimut isigalugu taamaalilluni siunnersuut pisortanut allaffissornikkut imaluunniit toqqaannartunik aningaasaqarnikkut kingunerisassaanik sunniuteqassanngitsoq naatsorsuutigineqarpoq. Taamaattoq pisortanut kinguneqaataasinnaasunut tunngatillugu maleruagassanik atuutilersitsisinnanermut siunnersuut Naalackersuisunut periarfissiivoq. Kingunerisassalli taakku aalajangersaganngorumaartussat ilisimaneqalereersimatinnagit nassuiarneqarsinnaanngillat.

#### **4. Inuussutissarsiortunut aningaasaqarnikkut allaffissornikkullu kingunissai**

Nalunaarusiat il.il. ingerlanneqareersut saniatigut siunnersuutip inuussutissarsiummut aningaasaqarnikkut allaffissornikkullu kinguneqaatinik allanik pilersitsinissaa naatsorsuutigineqanngilaq.

Aallaaniarsinnaanermut misilitsitsisarnissap pilersinnissaanut siunnersuutip § 19-iani periarfissiissutaasoq atorneqarnissaa aalajangiunneqassappat, aallaaniarsinnaanermut misilitsitsinerup ingerlanneqarneranut atatillugu akiliummut, inuussutissarsiutigalugu piniartut aningaasartuuteqartalernerannik kinguneqarsinnaavoq. Akiliutissap qanoq annertugisinissaa maanna oqaatigineqarsinnaanngikkallarpoq, tassa Naalackersuisut aalajangersakkanut kissaataat apeqqutaasussaammata. Taamaattoq piniartut annikitsumik ataasiartumik aningaasartuuteqarnissaat naatsorsuutigineqarsinnaavoq.

Suliffeqarfinnut il.il. tunisisinnaaniaraanni, eqqiluisaarneq pillugu pikkorissarnerit ingerlannissaannut siunnersuutip § 24, imm. 5-ianiittoq periarfissiissutaasoq atorneqassappat oqaatigineqassaaq, pingaarnertut tunisassiortut eqqiluisaarneq pillugu pikkorissarnermut peqataanerannut atatillugu atuisut akiliummut piumasarineqartanngimmat kisiannili pikkorissarnermut peqataanermut nukimmik, matumani piffissamik, inuussutissarsiutigalugu piniartut atuisariaqarnissaat naatsorsuutigisariaqarpoq.

#### **5. Avatangiisinut, pinngortitamut inuillu peqqissusiannut kingunissai**

Siunnersuutip avatangiisinut, pinngortitamut inuillu peqqissusiannut toqqaannartumik kinguneqarnissaa naatsorsuutigineqanngilaq. Eqqiluisaarneq pillugu pikkorissarnerup piunasaqaataanissaa pillugu maleruagassanik aalajangersaanissamut periarfissaq Naalackersuisut atussallugu toqqassappassuk, tamanna inuit peqqissusaannut pitsaasumik kinguneqarsinnaavoq.

#### **6. Innuttaasunut kingunissai**

Siunnersuut innuttaasunut toqqaannartumik kinguneqassasoq naatsorsuutigineqanngilaq.

Aallaaniarsinnaanermut misilitsittarnissaaq pillugu maleruagassat aalajangersarnissaannut siunnersuutip § 19-iani tunngavissiissutaasoq atorneqassappat, tamanna innuttaasut

piareersimanissaannik misilitsinnissaannullu kiisalu tassunga atatillugu akiliutissamut akiliuteqarnissaannik kinguneqarsinnaavoq. Akitsuutaaratarsinnaasoq innuttaasunut ataasiartumik aningaasartuutaasinnaasoq naatsorsuutigineqassaaq.

## **7. Kingunissat allat annertuut**

Siunnersuut annertuunik allanik kinguneqaateqassasoq naatsorsuutigineqanngilaq.

### **Siunnersuummi aalajangersakkanut ataasiakkaanut oqaaseqaatit**

#### *§ 1-imut*

Imm. 1-imut

Kalaallit Nunaata nunakkut aalisarnikkullu oqartussaaffigisaani inuussutissarsiutigalugu aamma inuussutissarsiutiginaq piniarnermik aallaaniarnermillu ingerlatsinermi Inatsisartut inatsisaat atuuppoq. Matuma kingorna Kalaallit Nunaanni piniarnernut aallaaniarnernullu suugaluartunut tamanut, sunngiffimmi piniarneq aallaaniarnerlu imaluunniit ilisimatusarneq, misileraaneq aamma misissuineq ilinniarnarlu kiisalu iluanaarniutigalugu piniarneq aallaaniarnerlu suugaluartulluunniit, ilanngunneqarsimasunut Inatsisartut inatsisaat atuuppoq.

Inatsisartut inatsisaata oqaasertalerneqarneranut tunngatillugu Kalaallit Nunaata nunamut aalisarnermullu oqartussaaffia tassaavoq, Kalaallit Nunaata aningaasaqarnikkut oqartussaaffigisaa pillugu nalunaarummi kiisalu Kalaallit Nunaata imartap oqartussaaffigisaata killinga pillugu peqqussummi aalajangersarneqartoq naapertorlugit sumiiffik. Kalaallit Nunaata aalisarnikkut oqartussaaffia annertussusia matuma kingorna Kalaallit Nunaata aningaasaqarnikkut oqartussaaffia pillugu nalunaarut nr. 1020, 20. oktobari 2001-meersoq naapertorlugu aalajangersarneqarpoq. Imartap killilerneranik suliassaq suli tiguneqarnikuunngilaq, taamaalillunilu Danmarkimi inatsisit naapertorlugit aalajangersarneqarluni. Nalunaarut atuutilersinneqarpoq Inatsit nr. 441, 22. Maaji 1996-meersoq naapertorlugu, Kalaallit Nunaata aningaasaqarnikkut oqartussaaffia pillugu, Kalaallit Nunaanni atuutilertinneqartoq peqqussut nr. 1005, 15. oktober 2004-meersoq naapertorlugu.

#### *§ 2-mut*

Aalajangersakkami imm. 1-6-imi allaaserineqartutut anguniakkanut naleqqiullugu inatsisartut inatsisaani aalajangersakkanit allanik aquneqassasut aalajangersakkami aalajangersarneqarpoq. Tamanna isumaqarpoq inatsisip pingaarnertut siunertaa inatsisartut inatsisaani aqutsinermi eqqarsaatigisanut ilaasinnaasut. Allattukkat tullerriarneqanngillat eqqarsaatigineqartussallu assigiinngitsut pingaarnersiorneqarnerat suliaq pineqartoq apeqqutaatillugu allanngorarsinnaalluni.

Imm. 1-imut

Nr. 1

Pisuussutit piujuartinnissaat piaqqioqqissinnaanissaallu, matumani piniarnerup aallaaniarnerullu pinngortitap ataqatigiinneranut sunniutai ilanngullugit, nungusaataanngitsumiinnissaat anguniarneqassaaq. Piniakkanik pisaqarpallaartarnerup akiorniarnissaa killilersimaarnissaalu, piniarnermut aallaaniarnermullu maleruagassiornermi eqqumaffigineqassasut aalajangersakkap uuma aalajangersarpaa. Tamanna assersuutigalugu uumasorsiuut innersuussinerannik aamma Piniarneq pillugu Siunnersuisoqatigiit, piniartut ilisimasaannik, najukkami ilisimasanik atuisullu ilisimasaannik ilanngussinikkut anguniarneqarsinnaavoq.

Nr. 2

Uumasorsiuut nalinginnaasumik siunnersuinerannut naapertuuttumik pisariitsumik aamma ukiup qanoq ilinera najoqqutaralugu pitsaanerpaamik atuineq tassaassaaq, uumasut ataasiakkaat pillugit aqutsineq uumasorsiuut siunnersuinerisigut qulakkeerneqassasoq taamaalilluni uumasooqatigiit pitsaanerpaamik piaqqioqqissinnaassasut, illersorneqarsinnaasumik nungusaataanngitsumik atorluaanermut iluaqutaasumik. Assersuutigalugu timmissat mannissarfigineqassanngillat, naammaginantumik piaqqiortoqarnissaanik akornutaasumik. Taamatuttaaq arferit miluumasullu allat piaraallit pisareqqusaanngillat. Taassuma saniatigut uumasut piaqqiorneranni najugaannilu killiffinnut attuumassuteqartunut naapertuuttumik piffissat eqqissisimatitsiffiusussat aalajangersaaffigineqassapput. Piniartut atuisullu ilisimasaat piniakkanik killilersukkanik ukiullu qanoq ilinera najoqqutaralugu pitsaanerpaamik atuiniarluni nalilersuinissamut sapinngisamik pisariaqartitsisoqarnera naapertorlugu ilaatinneqartassapput. Tamatuma malitsigaa aqutsinermik suliaqartut takussutissianik suliaqarsinnaapput, tassaakkajullunilu piniartut atuisullu peqatigiiffii susassaqartut suleqatigalugit imaluunniit najukkami peqatigiiffiit susassaqartut peqataatinnerisigut uumasunillu pitsaanerpaamik atuinissamik nalilersuinissamut paasissutissat taakku ilanngunnerisigut.

Nr. 3

Inuiaqatigiinnut, piniarnermik inuussutissarsiortunut, tunisassiortunut inuussutissarsiortunullu allanut taakkununga attuumassuteqartunut aningaasaqarnikkut suliffissaqartitsiniarnikkullu mianerisassat inatsimmi aalajangersarneqarpoq. Tassani eqqarsaatigineqarpoq, soqutigisat assigiinngiaartorpasuit aamma piniarnermit aallaaniarnermillu mianerisassat sunnerneqartartut aqutseqataasullu sapinngisamik piniarnermik aallaaniarnermillu maleruagassiornermi isiginiarneqassasut. Sumiiffiit ilaanni inuussutissarsiutit ikittunnguit taanna ilagaat innuttaasunut suliassaqartitsisinnaasoq ilaqutariinnullu nerisassanik aamma piniariarnerni aallaaniarniarnernilu atortussanik pissarsiniartarnerannut aallaaviusartoq.

Piniarneq aallaarniarnerlu aqutigalugit piniartut ataasiakkaat inuussutissarsiornissaminnut periarfissaqarnissaat saniatigut, inuussutissarsiutit attuumassuteqartut soorlu tunisassiorfiit

aamma piniarnerup aallaaniarnerullu ingerlatsivigineranut ilanngullugit naatsorsuutigineqartariaqarput, taamaalilluni piniarneq aallaaniarnerlu maleruagassiorfigineqaleraangat, inuussutissarsiutinut taakkununga sunniutit aamma ilanngullugit isiginiarneqarsinnaammata. Aqutsineq taamaalilluni imatut ingerlanneqassaaq, inuttut atukkatigut aningaasaqarnikkullu pissarsiat qulakkeerneqarlutik, kisiannili nr. 1 aamma 2-mi piumasaqaatit mianeralugit.

#### Nr. 4-mut

Inuussutissarsiornikkut soqutigisaqaqatigiit allat mianerineqarnissaat pingaartinneqassaaq. Inuussutissarsiornikkut soqutigisaqaqatigiit allat mianerineqartussat tassaapput, assersuutigalugu takornariaqartitsisartut unnuisarfinnik nerisarfinnillu suliffeqarfutillit, suliffeqarfiit angallassisartut aamma akiliisitsilluni tammajuitsussarsiniarlunilu aallaaniartitsisartut imaluunniit uumasunik takusaqarumasunik angallassisartut. Matumani piniagassat piniarneqarsinnaasut amerlassusiannut tunngatillugu illersorneqarsinnaasumik nungusaataanngitsumik atorluaaneq atuinerlu pingaarutilerujussuupput. Pingaartumik pisassiissutit aamma piniagassat killilersukkat, pisarineqarsinnaasunik, pisaqarnissamut akuersissutit aamma pisat amerlassusiisa akornanni oqimaaqatigiittoqarnissaanik pilersitsinissaq aamma piniagassat killilersukkat piaqqioqqinnernermikkut illersorneqartumiinnissaat aalajangersakkap qulakkiissavaa. Mianerisassat arlallit tassunga ilanngunneqassapput, ilaatigut inuiaqatigiit aningaasatigut iluanaaruteqarnissamik pisariaqartitsinerat, inuiaqatigiinnut suliffissaqartitsineq aamma piniarneq aallaaniarnerlu kiisalu takornariartitsineq assigisaallu aqutigalugit inuiaqatigiit imminnut pilersorsinnaanerat.

#### Nr. 5

Aalajangersakkami innuttaasunut sukisaarsarfeqarnikkut kulturikkullu pisariaqartitat inatsisartut inatsisaata aqutsinerni pingaartinneqassasut aalajangersakkami aalajangersarneqarpoq. Piniarneq aallaaniarnerlu Kalaallit Nunaata kulturikkut kingornussaasa ilagilluinnarpaa, innuttaasut amerlanerpaasa peroriartornermi qanilluinnartumik attuumassuseqarfigisaat. Taamaalilluni piniarnermik aallaaniarnermillu ingerlataqarnermut tunngatillugu innuttaasut sunngiffimmini kulturikkullu pisariaqartitaat aamma isiginiarneqassapput. Kulturikkut pisariaqartitani pingaarnertut piniarneq ileqqutoqqat malillugit atortunik atuiffiisoq immikkut isiginiarneqassaaq, soorlu qaannat, unaat, qimusserneq il. il.

#### Nr. 6

Aalajangersakkami aalajangersarneqarpoq nunat marluk nunap immikkoortuinut aamma nunat tamalaat akornanni isumaqatigiissutit konventionillu inatsisartut inatsisaanik aqutsinermi pingaartinneqassasut. Kalaallit Nunaat nunat tamalaat akornanni suleqatigiiffinni arlaqartuni peqataavoq nunanullu allanut imaanut sinerialinnut ilaatigut atlantikup imartaata avannaaniittunut illugiilluni isumaqatigiissuteqartarluni, matumani ilaallutik ilaatigut Atlantikup Avannaani Uumasut Miluumasut Imarmiut Pillugit Ataatsimiititaliaq



(NAMMCO), Qilalukkat qaqortat qernertallu pillugit ataatsimut kommissioni (JCNB), Nannut pillugit ataatsimut kommissioni (JCPB), Naalagaaffiillu sineriallit nanoqarfiusut (PBRs), Nunat tamalaat Arfanniarneq pillugu Ataatsimiititaliarsuat (IWC), Washingtonimi Isumaqatigiissut (CITES) kiisalu EU aamma Naalagaaffiit Peqatigiiffiat (FN). Tassunga ilanngullugu nunat tamalaat akornanni isumaqatigiissutit arlalissuit Kalaallit Nunaata atortussanngortinnikuuvai, taakkulu malillugit piniarneq pillugu aqutsineq Kalaallit Nunaata ingerlattassavaa.

#### Imm. 2-mut

Piniarnermut aallaaniarnermullu tunngasunik ingerlatsinermit atatillugu piniartut atuisullu ilisimasaannik ilanngussisarnissaq pingaartinneqassaaq. Aalisarnermi periutsit assigalugit nunami namminermit nunanilu tamalaani illersorneqarsinnaasumik atorluannaissaaq pillugu pingaarnertut tunngavissaatitaasut, inuiaqatigiit aningaasaqarnikkut iluanaarutaat aamma inuussutissarsiutigalugu sunngiffimmilu atuinerup akornanni pissusissamisoortumik agguataarineq mianeralugit tamanna pisinnaavoq.

#### Imm. 3-mut

Aalajangersakkap Naalakkersuisut tunngavissippai, assersuutigalugu Inatsisartut inatsisaannik aqutsinermit atatillugu piniartut atuisullu ilisimasaannik ilanngussisarnissaq pillugu nalunaarummi ersarinnerusunik maleruagassianik aalajangersaasinnaanermik, tak. imm. 2. Assersuutigalugu Piniarneq pillugu Siunnersuisoqatigiit imaluunniit piniartut atuisullu ilisimasaannik katersineq, atuneq aqutsinerlu pillugit taanna nalunaarutaasinnaavoq.

### *§ 3-mut*

#### Imm. 1-imut

##### Nr. 1

Inatsisartut inatsisaanni ingerlatsinermit oqaasertaliunneqartumi pineqarput, suliassat Namminersorlutik Oqartussat nammineerlutik isumagisassaat aamma suliassat Namminersorlutik Oqartussat kommuninut suliassat agguannikuusaat. Taakku ilaatigut tassaapput suliassanik isumaginninnerit piniarnermit allagartanik akuersissutinillu tunniussinernut tunngasut, pisassiissutit agguarneri akuersissutinillu amerlanernit qinnuteqartoqarsimatillugu makitsinerit kiisalu pisanik nalunaarutinik katersuinerit suliassartaat aamma assersuutigalugu uumasunit misiligutit il.il. taakkulu Pinngortitaleriffimmut nassiunneri.

##### Nr. 2

Namminersornerullutik Oqartussat Qinikkatut Pisortanillu Toqqakkatut suliaqarneq pillugu nalunaarutaat nr. 5, 15. marts 1994-imeersoq naapertorlugu toqqakkatut inuiaqatigiinni suliassaqtartaaneq oqaasertaliunneqarpoq. Nalunaarutip § 1-iani aalajangersarneqarpoq, toqqakkatut inuiaqatigiinni suliassaqtartaaneq tassaasoq, imaattutut atuuffimmik isumaginninneq:

- 1) Inatsisartuni ilaasortaq
- 2) kommunalbestyrelsimi ilaasortaq, nunaqarfinnut aqutsisuni ilaasortaq kiisalu kommunalbestyrelsimi ilaasortat ataatsimiititaliani kommunalbestyrelsip aamma nunaqarfinni aqutsisut ivertitaani ilaasortat,
- 3) najukkami eqqartuussisoq,
- 4) eqqartuusseqataasartooq,
- 5) illersuisooq kiisalu
- 6) atuuffiit allat, pineqartup inuup inatsisit malillugit isumagissallugit pisussaaffeqarfigisai.

#### Nr. 3

Inuup piniarnermut aallaaniarnermullu peqataasunut ilaanikuuneranut oqaasertaliussap piumasaraa, inuk taanna aallussisumik iliuseqassasoq tamanna naalinnerusinnaavoq toqutsinerullunilu, tassa imaappooq inuk pineqartoq aallaat imaluunniit piniutit allat atorlugit uumasumik nikeriarsinnaajunnaartitsineq, ikiliissaaq imaluunniit toqutsissaaq. Nalinginnaasumik pineqartoq tassaavoq, inuup pineqartup uumasup mattaa amialuunniit puttussivigissavaa, annaanginnissaa toqunnissaaluunniit siunertaralugu. Kisianni pisut aamma imaassinnaapput, assersuutigalugu inuk timmissanik qalut atorlugit piniartoq imaluunniit inuk pullatit imaluunniit qassutit atorlugit piniagassamik pisaqartoq. Paarlattuanik inuk taamaallaat angallammik nunakkoorummilluunniit ingerlatsisuuvoq ilaatinneqassanngilaq.

#### Nr. 4-mut

Inuussutissarsiutigalugu piniarnermut aallaaniarnermullu nassuiaataa tassaavoq, piniarneq aallaaniarnerlu pisanik iluitsunik ilaanilluunniit tunisaqarnissamik siunertaqarluni ingerlanneqartoq. Ilaqutariinnut il.il. nerisassanik imaluunniit peqqumaatissanik imminut pilersornissamut ilaasinnaapput nalinginnaasumik pisarineqartut aamma ilaat. Illuatungaatigut piunasaqaatit arlallit, § 7-imi allanneqartut, inuussutissarsiutigalugu piniarnermi aallaaniarnermilu eqquutsinneqartussaapput illuatungaatigullu piniagassat immikkuullarissunik amerlanerusunillu killilersukkanik pisaqarnissamut pisinnaatitaaffiit ilaat annertusisat tunniunneqarlutik.

#### Nr. 5

Piniutit atortullu tassaapput, piniutit atortullu pisariaqartut akuerisaasullu, uumasunik aalajangersimasunik pisaqarniarneq toqutsiniarnerlu siunertaralugit piniarnermut aallaaniarnermullu atorineqartussat. Ilaatigut tassaasinnaapput aallaasit, pisissit, qalut, qassutit, unaaq, pullatit, uullinermi, pilannermi, aattoreerermi agguinermilu sakkut, kiisalu atortut uumasunik taakkuluunniit ilaannik aalaakkiinissamut, immikkoortitsinissanut assartuinissanullu atortut assigisaaluunniit.

#### Nr. 6.

Angallatip imaluunniit nunakkoortip nassuiaataa tassaavoq, sunaluunniit imaatigut, nunakkut silaannakkuluunniit assartuut piniarnermut, aallaaniarnermut aalisarnermullu

atatillugu imaluunniit piniararfissamukarnermi piniararfissameereernermilu assartuutitut atorneqartoq. Tassa imaappoq, assersuutigalugu umiatsiaaraq takissusaa tamakkerlugu 6 meteriusoq taassuminnga naannerusumik, piniarnermut aallaaniarnermullu atugassaavoq imaluunniit angallatit anginerusut assersuutigalugu arfanniarnermut atugassaallutik. Assersuutigalugu tassaapput aamma timmisartut, qulimiguullit, nunakkoortit assakaasullit, biilit, biilit assartuutit, biilit usisaatillit, ATV-t, qamuteralaat aamma qimussit.

Nr. 7

Kalaallit Nunaanni inuiaqatigiinnut aalajangersimasumik attuumassuteqarnermut nassuiaataa tassaavoq, ukiup ullorsiutaani qaammatinit arfinilinnit sivilisnerusumik Kalaallit Nunaanniissimagaanni, Kalaallit Nunaannut akileraartussaataalluni kiisalu Kalaallit Nunaanni inuit allattorsimaffiani aalajangersimasumik najugaqartutut nalunaarsorsimanissaq. Qaammatinik arfinilinnit sivilisnerusumik piffissami 1. januarimiit 31. december ilanngullugu, nunamiinnissamik piunasaqaat eqquutsinneqarsimassaaq. Kalaallit Nunaanni aalajangersimasumik najugaqaraanni Kalaallit Nunaannut akileraartussaataasoqartarpoq, tassa imaappoq, Kalaallit Nunaanni najugaqarluni inuit allattorsimaffiannut nalunaarsorneqarsimaneq.

Nr. 8

Aqutsineq nassuiarneqarpoq, piniakkanik killilersukkanik aamma killilersugaanngitsunik piniarneq aallaaniarnerlu pillugit Namminersorlutik Oqartussanit kommuninillu aalajangiisoqartillugu pingaarnertigut aqutsineq. Tamatuma assersuutigalugu kingunerivaa, Namminersorlutik Oqartussanit uumasorsiuunit allaniillu siunnersuinermit naapertuuttumik pisassiissutit il.il. nunalluunniit ilaani aalajangersimasumi aqutsiveqarfimmiluunniit pisassiissutaasunik aalajangersarneqarsimasunik kommuni ingerlatsissasoq.

Nr. 9

Sunngiffimmi piniarnermut aallaaniarnermullu nassuiaattassaavoq, nammineq atugassanik pisat atorneqarnissaat siunertaralugu ingerlanneqartoq piniarneq aallaaniarnerlu. Taamaattoq uumasut aalajangersimasut ilaat mininneqarsinnaapput, tassa sunngiffimmi pinialuttartut pisaat, ersarinnerusumik nalunaarsukkat ilaat ilanngunnagit, tunineqarsinnaallutik.

Nr. 10

Ataatsimoorluni piniarnermut nassuiaataatassaavoq, piniartunik arlaqartunik akuuffiusoq tassani akuersissut ataaseq imaluunniit immikkut inummut akuersissut atorlugu piniarneq aallaaniarnerlu. Assersuutigalugu umiatsiaaqqat arlallit angallatillu mikisut piniagassanik killilersukkanik pisaqaqataasinnaapput kisiannili aamma piniartut qimussersut arlaliusinnaapput ataatsimoorlutik nannunniartut. Ataatsimoorluni piniarnermi minnerpaaffinnik piunasaqaateqarnermut ersarinnerusunik maleruagassat aalajangersarneqassapput, matumani pingaartumik assersuutigalugu arfanniarnermi angallatit angissusiinut amerlassusiinullu tunngasut ilanngullugit.

Nr. 11

Akuersissummut akuersissuteqarnerullu nassuiaatittassaavoq, uumasogatigiit ataatsit piniarnissaannut aallaaniarnissaannullu pisinnaatitaaneq, inummut angallammulluunniit Naalakkersuisut nalunaarfigisinnaasaat. Akuersissummi aamma uumasut qassit nunallu immikkoortua, akuersissutip akuersissuteqarnerullu atuuffigisaa, nalunaarneqarsinnaapput. Akuersissut pisassiissutinit imatut allaassutigaa, akuersissut uumasunik pisassiiffiusartunik aalajangersimasunik pisaqarsinnaanermik pilersitsisarmat, paarlattuanilli pisassiissutit aalajangertarpaat, nunap ilaani sumiiffimmi aalajangersimasumi qanoq amerlatigisut pisarineqarsinnaanersut.

Nr. 12

Pingaarnertut tunisassioortumut nassuiaataa tassaavoq, inuk kinaluunniit inuussutissarsiutigalugu piniartuusinnaasoq pingaarnertut tunisassiornermik isumaginnittoq, tassa imaappoq, piniarnikkut aamma aallaaniarnikkut uumasunit nujuartanit tunisassiat assersuutigalugu nunami imaanilu uumasut miluumasut, timmissat aamma manniit. Tunisassiat taakku assersuutigalugu pisanit nutaanit tunisassiat inunnit nerineqartussatut eqqarsaatigisat, taakku arlaatigut sunnerneqarnissaat sioqqullugu.

Nr. 13

Uumasunik ajornartorsiutaasunik oqartarnek tassaavoq uumasooq kiisortoq, nanuugajuppoq, qimaasaaraluarlugu sumiiffinnut najugaqarfiusunut uteqqiasartoq aamma inunnt pigisanullu aningaasaqarnikkut pingaaruteqarsinnaasunut ulorianartorsiortitsisinnaasoq. Matumani aamma pineqarsinnaapput amaqqut teriannialluunniit perlerornermik nappaatillit. Ulorianartorsiutineq pisinnaavoq, nanoq inunnt saassussilersutut nalilerneqarpat. Aamma uumasooq kiisortoq pineqarsinnaavoq, uumasuutininik saassussisoq imaluunniit pigisanik aseruisoq.

Uumasut kiisortut uumasogatigiinnut nujuartanut neqissaqarniarnermut iluaqutigineqartunut uppersarneqarsinnaasumik ulorianartorsiortitsisut aammattaaq pineqarsinnaapput. Uumasogatigiit nujuartat uumasunit kiisortunit ajoquserneqarsimanerannut uppersarsaat tassaasinnaavoq kisitsinermit kisitsisit siornatigut assersuutigalugu Pinngortitaleriffimmiit saqqummiunneqarnikut kisitsinermit nutaanerusumiit kisitsisinut sanilliullugit, uumasogatigiit nujuartat pineqartut ikilisimanerannik uppersarsaat. Aammattaaq inuussitissarsiutigalugu piniartut apersorneqarnerisa inerneru uppersarsaataasinnaapput, imaluunniit innuttaasut allat sumiiffimmi uumasogatigiit nujuartat pillugit ilisimasallit, ukiuni arlaqartuni piniarfimmi pineqartumi takunnittarsimasut uumasogatigiillu ajoqusersimanerat pillugu uppersarsaat.

Piniartut ilisimasaat aaqqissuulluakkamik allatorneqartut aammattaaq uppersarsaatitut isigineqarsinnaapput. Uumasogatigiit nujuartat ajoquserneqarnissamut uppersarneqartumik ulorianartorsiornerat aammattaaq tassaasinnaavoq aalajangersimasunik takunnittoqarsimasooq uumasogatigiit nujuartat uumasunit kiisortunit ajoquserneqangaatsiarsimanerannik,

imaluunniit allatigut misissuineramik tunngaveqartumik, assersuutigalugu aqutsineramik suliaqartuniit imaluunniit Pinngortitaleriffimmiit suliarineqartumik, uumasut kiisortut uumasoaqatigiinnut nujuartanut ajoqusiiinnaanerannik uppernarsaasumik.

#### *§ 4-mut*

##### *Imm. 1-imut*

Inatsisartut inatsisaata aalajangersagartaanik eqquutsitsisoqarnerisq Naalakkersuisut nakkutiginnittuunerat aalajangersakkap erseqqissaaffigaa, matumani nakkutilliinermut ingerlanneqavissumut tunngatillugu aamma nalinginnaasumik oqartussaasut pisinnaatitaanerannut tunngatillugu tamanna atuuppoq.

##### *Imm. 2-mut*

Allaffissornikkut ingerlatsiviup akuersissutinik atulersitsineramik isumaginninnissamut kommunini ingerlatsivinnik peqqusinissamut aalajangersagaq Naalakkersuisunut tunngavissiivoq. Taamaalilluni inatsisartut inatsisaata akisussaaffigisaanut allanut tunngasut aalajangiiffiginissaanut pisinnaatitaaffik kommunini oqartussaasunut tunniunneqarnissaannut maleruagassanik Naalakkersuisut siunissami ungasinnerusumi aalajangersimasunik atuutilersitsinnaasillugit pisinnaatitsineq annertusineqarpoq.

Naalakkersuisut kommunalbestyrelsinut avataanit suliassanngortitsineranni aqutsinikkut aalajangikkanik ingerlatseqqiffiusinnaasutut Naalakkersuisut atuutissapput. Tamatuma kingunerisaanik innuttaasut kommunalbestyrelsit aalajangigaat pillugit Aalisarnermut Piniarnermullu Naalakkersuisoqarfimmut naammagittaalliorsinnaalissapput.

#### *§ 5-imut*

##### *Imm. 1-imut*

Aalajangersagaq manna tikillugu suleriaatsimik ingerlatitseqqiineruvoq, taanna malillugu Kalaallit Nunaanni Aalisarsinnaanermut Akuersissutinik Nakkutilliisoqarfik, maanna ”nakkutilliinermut oqartussatut” taaguuteqartut, kapitali 7 malillugu aalajangersakkat nakkutiginninnissamut nakkutilliinissallu Inatsisartut inatsisaatigut piumasarineqartoq isumagisarissagaat.

##### *Imm. 2-mut*

Aalajangersakkami Kalaallit Nunaanni Aalisarsinnaanermut Akuersissutinik Nakkutilliisoqarfimmeersuniunngitsoq allanik nakkutilliisutut oqartussanik toqqaanissamut Naalakkersuisut pisinnaatinnearput. Inuttassaaleqineq pissutigalugu imaluunniit suliap kinguartinneqarsinnaannginnera eqqarsaatigalugu nakkutilliilluni suliaqarnermi oqartussat allat ilanngutsinneqarnissaat pisariaqalerpat atorneqarsinnaasutut aalajangersagaq ilaatigut eqqarsaatigineqarpoq.

Tamatuma saniatigut aalajangersagaq atorneqarsinnaavoq, pisuni Danmark-imi naalagaaffimmi oqartussaasunik isumaqatiginninniareernerup kingorna pissusissamisoortumik isigineqartuni, illersornissaqarfiup aalisarnermut nakkutilliissutaa (Issittumi sakkutuut) imaluunniit politiit nakkutilliinerup ingerlannissaanut ikiorsiisinnaanerinut. Aalisarnermut piniarnermullu inatsisini suliaasaqarfinnik arlaqartunik nakkutilliinermik misissuinermillu illersornissaqarfiup aalisarnermik alapernaarsuisui ingerlatsisooreerput, taamaammat suleqatigiinnerup taassuma ingerlateqqinnissaa pissusissamisuusaaq. Politiit aamma nakkutilliinerni annikinnerusuni ikiorsiisinnaanerit eqqarsaatigineqarsinnaavoq, assersuutigalugu illoqarfinni mikinerusuni nunaqarfinnilu, Kalaallit Nunaanni Aalisarsinnaanermut Akuersissutinik Nakkutilliisoqarfiup piniarnermik aalisarnermillu nakkutilliisoqarfiginngisaani.

Kiisalu Atlantikup Avannaani Imarmiut Miluumasut pillugit Kommissionip (NAMMCO) nakkutilliisuinut Kalaallit Nunaanni nakkutilliinissamut akuersissuteqarnermut aalajangersagaq atorneqarsinnaavoq, taakku isumaqatigiisummi maleruagassat eqquutsinneqarnersut alaatsinaattarpaat. Alaatsinaattut oqartussaasutut pisinnaatitaaffeqaangillat amerlanertigullu Kalaallit Nunaanni oqartussaasunit tapersersorneqartarlutik.

#### *§ 6-imut*

##### *Imm. 1-imut*

Piniarneq aallaaniarnerlu tassunga inunnit akuersissutilinnit taamaallaat ingerlanneqarsinnaasoq aalajangersakkap naqissuserpaa. Akuersissut inuussutissarsiutigalugu piniarnermut allagartanngorlugu imaluunniit sunngiffimmi piniarnermut allagartanngorlugu tunniunneqartarpoq, taamaattorli akiliuteqarluni aallaaniarneq pillugu § 16 takuuk.

##### *Imm. 2-mut*

§ 4, imm. 2-mi taaneqartutut, akuersissutinik tunniussisarnermi allaffissornikkut ingerlatsinerup isumagineqarnissaanut akisussaaffik, kommunalbestyrelsinut Naalakkersuisut tunniussinavaat. Imm. 1-imi allanneqarsimasutut, akuersissutit inuussutissarsiutigalugu piniarnermut sunngiffimmilu piniarnermut allagartatut tunniunneqartarput.

#### *§ 7-imut*

##### *Imm. 1-imut*

Inuussutissarsiutigalugu piniarnermut aallaaniarsinnaanermullu akuersissut, inunnut 15-inik ukioqalereersimasunut inuussutissarsiutigalugu piniarnermut allagartatut tunniunneqarsinnaavoq. Matuma saniatigut aalajangersakkamiittut nr. 1 - 5 naammassineqarsimassapput. Taamaalilluni inuussutissarsiutigalugu piniarnermut allagartamik pissarsisinnaanermut piumasaqaatit sakkortusineqarput, tassa aalajangersimasunik ukioqarnissamut piumasaqaat 12-init 15-inut qaffanneqarmat.

Aalajangersimasunik ukioqarnissamut killiliusaaq , piniagassat killilersukkanut tamanut piniarnissamut akuersissummik pissarsinissamut ukiutigut minnerpaaffigisinnaasaanut naapertuuppoq, tak. siunnersuummi §§ 13 aamma 14.

Nr. 1

Inuk Kalaallit Nunaanni inuiaqatigiinnut aalajangersimasumik attuumassuteqassaaq, tak. § 3, nr. 7.

Nr. 2

Inuk Kalaallit Nunaanni aalajangersimasumik najugaqassaaq ukiunilu kingullerni marlunni (qaammatit 24-t) Kalaallit Nunaanni aalajangersimasumik najugaqarsimassalluni, inuup inuussutissarsiutigalugu piniarnermut allagartamik qinnuteqarneranit ullormiit naatsorsorlugu. Ukiunik marlunnik maleruagassap siunertaraa, piniarnermik aalisarnermillu inuussutissarsiutip ingerlannissaanut piumasaqaatinik inuup eqquutsitsinissaa pillugu aalajangiinermi tunngaviusut piumasaqaataasut attatiinnarnissaat aammalu aalajangiisarnerit oqilisarnissaat. Matuma kingorna ukiunik marlunnik maleruagassap naammassineqarnera nalinginnaasumik naammassaaq. "Kalaallit Nunaanni inuiaqatigiinnut aalajangersimasumik attuumassuteqarneq" pasitsaassisoqartillugu ingerlaannartumik, tak. nr. 1, namminerisaminik isumaqalissaaq, tassa pineqartoq Kalaallit Nunaanni najugaqavinnersoq najugarlu ilumuunngitsuunersooq pineqarnersoq eqqarsaatigineqartariaqalissammata. Aammattaaq pineqartoq ukiuni marlunni kingullerni Kalaallit Nunaannut tamakkiisumik akileraartussaataasimanersooq pingaartinneqartussaavoq. tak. nr. 3.

Nr. 3

Inuk Kalaallit Nunaannut tamakkiisumik akileraartussaataassaaq ukiunilu ullorsuteqarfiusuni kingullerni marlunni Kalaallit Nunannut tamakkiisumik akileraartussaataasimassalluni. Tassa imaappoq, 2019-imi inuussutissarsiutigalugu piniarnermut allagartamik qinnuteqartoq inuk, 2019-imi tamakkiisumik akileraartussaataanermi saniatigut aamma ulloq 1/1-2017-imiit ulloq 31/12-2018 ilanngullugu tamakkiisumik akileraartussaataasimassasoq.

Nr. 4-mut

Aqutsiveqarfimmi pineqartup inuussutissarsiutigalugu piniarsinnaanermut allagartamik qinnuteqarfigisaani, piniarnermut aallaaniarnermullu atortunik pisariaqartunik qinnuteqartoq peqassaaq. Tassa, nunap ilaa pineqartup piniarnikkut aallaaniarnikkullu inuussutissarsiuteqarfissaa.

"Piniarnermut aallaaniarnermullu atortunik pisariaqartut" suunersut suliamiit suliamut nalilersorneqartassapput uumasullu suut pineqarnerisut apeqqutaassallutik. Tunngaviatigut tassa imaappoq piniarnermut aallaaniarnermullu atortut pisariaqartut tassaapput atortut piniarnermi aallaaniarnermilu atortussiat piniagassanik aalajangersimasunik piniarnermi toqutsiniarnermilu atorneqartartut. Aamma oqaatigineqassaaq piniutit pisariaqartut

tassaasinnaammata angallammik piginnittuuneq imaluunniit angallatit motorillit soorlu ATV-it imaluunniit qamuterallannik uumasunut aalajangersimasunut akuersissuteqarneq apeqqutaatillugu.

Nr. 5

Inuit piniarnermit, aallaaniarnermit aalisarnermillu minnerpaamik 50%-inik tamarmiusunik isertitaqartut inuussutissarsiutigalugu piniartutut isigineqarsinnaapput, taamaammallu inuussutissarsiutigalugu piniarsinnaanermut allagartamik pissarsisinnaasut. Tamassuma kinguneraa inuussutissarsiutigalugu piniartoq inuussutissarsiutinit allanit saniatigulluunniit inuussutissarsiummit isertitaasa 50%-it qaangerpagit, taassuma inuussutissarsiutigalugu piniarnermut allagartani annaassagaa.

Inuussutissarsiutigalugu piniartut aalisartullu akornanni immikkoorutit ersarinnerulersikkumallugit, killiliinermik ersarinnerusumik suliaqartoqarnikuuvoq (§ 8, nr. 1-mi), taamaalilluni angallatit 25,5 meterinit takissusaa tamakkerlugu (t.t.) anginerusunit aalisarnermit tunngaviusumik isertitat (ilanngaattissat ilanngaatigitinnagit), inaarutaasumik nalunaarummut ilaatinneqartarunnaarsimapput. Erseqqissaanerup qulakkiissavaa, angallatinit 25,5 meterisut takissusaa tamakkerlugu (t.t.) angitigisunit mikinerulaartunit isertitat 50%-imik piumasaqaatinut ilaasut aammalu ilassutaassalluni angallatini taakkunani inuttaasut, takkunaniit aningaasarsiat saniatigut, inuussutissarsiutigalugu piniartutut allagartamik pissarsisinnaasut piniakkanillu pisassiissutigineqartartunik piniarsinnaanermut akuersissummik pisinnaasut.

Tamatuma saniatigut § 8, nr. 1-4-imi, pineqartup tunngaviusumik isertitaanik tamarmiusunik nalilersuinermit maleruagassat ersarinnerusut aalajangersarneqarnikuupput.

Imm. 2-mut

Aalajangersakkap Naalakkersuisut tunngavissippai, inuussutissarsiutigalugu piniarnermik aallaaniarnermillu piumasaqaatinik ersarinnerusunik maleruagassianik aalajangersaasinnaaneranmut, ilanngullugu det Centrale Virksomhedsregisterimi (CVR) nalunaarsorsimanissamut piumasaqaateqarneq, taanna nalunaarutaasinnaavoq. Naalakkersuisut imm. 1-imi piumasaqaatinik qasukkaasinnaanerat siunertarineqanngilaq, kisianni inuussutissarsiutigalugu piniarnermut aallaaniarnermullu akuersissuteqarnissamut piumasaqaatinik suli sukumiinerusumik aalajangersaasinnaanissaat.

### *§ 8-mut*

Imm. 1-imut

Nr. 1

Angallatit 25,5 meterit takissusaa tamakkerlugu (t.t.) tassanngalu mikinerit atorlugit aalisarneq, piniarnermit, aallaaniarnermit aalisarnermiillu tunngaviusumik isertitanik ilanngaattissat ilanngaatigitinnagit nalunaarsuinermit ilaatinneqarput. Siusinnersukkut



angallatip takissusianut uuttuut allagaq malillugu nalunaarusiortarneq qimanneqarnikuuvoq, nakkutilliinermik oqartussaasumit tamanna nakkutilliivigineqarsinnaasannngimmat. Tamanna aallaavigalugu tamakkiisuusumik takissuseqarnermut (t.t.) uuttuutit atuutilersinneqarpoq. Teknikkikkut allannguutaavoq, tassa angallatit (210 BT-imik oqimaannerit) taamaattut assingi atorlugit sulii aalisarnerummata, isertitat piniarnermit, aallaaniarnermit aalisarnermiillu pisut ilaatinneqartaralik. Allannguut taamaalilluni maannakkut pissutsinik allannguissannngilaq.

Nr. 2

Akiliisitsilluni aallaaniartitsisarnermit aamma tammajuitsussarsiniartitsilluni aallaaniartitsisarnermi imaluunniit akiliisitsilluni aallaaniartitsinermut atatillugu angallassisutut isertitat, piniarnermut aallaaniarnermullu toqqaannartumik ataqatigiimmata, taakku piniarnermit, aallaaniarnermit aalisarnermiillu tunngaviusumik isertitatut nalunaarsorneqassapput. Inuussutissarsiuutigalugu piniartoq taamaaliornikkut allanik isertitaqarnissamut periarfissaqalissaaq taamaalilluni 50 %-imik piumasaqaatip angunissaa aamma ajornanninnerulissaaq taamaalillunilu inuussutissarsiuutigalugulu piniarnermut allagartap pigiinnarnissaanut periarfissaq pitsaanerulissalluni. Tamatuma saniatigut piniartoq nalinginnaasoq ileqqutoqqat malillugit piniarnermik, aallaaniarnermik aalisarnermiillu taamaallaat ingerlatsisoq, inunnut akiliisitsilluni aallaaniartitsinermik ingerlatsisartunut, inuussutissarsiuutigalugu piniarnermut allagartamik pissarsinissaanut akuersinerit pillugit aalajangiinerni naligiisinneqarnissaat siunertaavoq.

Nr. 3

Piniartut takornariartitsilluni ingerlatsinernit aamma ilisimatusartunut ikiuunnernit saniatigut isertitaqarsinnaanerit aalajangersakkap periarfissippaa, tamanna inuussutissarsiuutigalugu piniarnermut allagartap arsaarinnissutigineqarneranik kinguneqannngitsumik. Takornariartitsineq piniakkat killeqarneranni piniartut inuussutissarsiornermi saniatigut isertitsiviginiagassa allatut isigineqarpoq. Takornariartitsinermik ingerlatsineq, inuussutissarsiuutigalugu piniartut inuussutissarsiornikkut pisinnaasanut attuumassuteqartoq, assersuutigalugu pinngortitamik uumasunillu takunnikkumalluni qimusserneq imaluunniit umiatsiaaqqamik qaannamilluunniit imaatigut angalaarneq, matumani arfernik takusassarsiorneq imaluunniit misigisassarsiuinerit ilanngullugit, isertitat nalunaarsorneranni sunnuteqartinnagit ilanngunneqassapput. Tassa imaappoq isertitat piniarnermit, aallaaniarnermit aalisarnermiillu tunngaviusumik isertitat imaluunniit procentip ilaanik naatsorsuilluni tunngaviusumik isertitat allat nalunaarsornerinut ilanngunneqassannngillat.

Piniartut ilisimatusarnermi ikiuuttarnerat eqqarsaatigalugu, ilisimatuut uumasunik misissuinerminnut ilisimatusarnerminnullu atatillugu inuussutissarsiuutigalugu piniartut akuttunngitsumik ikiortigisarpaat. Piniartut ilisimasanik piniutinillu kiisalu angallatinik ilisimatusartunit atorneqarsinnaallutillu attartorneqarsinnaasunik peqarput, taamaammat suliniutini pinngortitami ingerlanneqartussani piniartut peqataasinnaasarpur kiisalu pinngortitami suliffiusussamut ilisimatusartunik taakkulu atortuinik assartuussisinnaallutik. Uumasunik nalunaaqutsersuinermit, misiligutissanik pissarsiniarnermut atatillugu aamma

uumasunik aalajangersimasunik kisitsinermut atatillugu alapernaatsutut piniartut aamma atorneqartarput. Isertitat ilisimatusarnermi ikiuunnermit pisut, taamaaqataanik isertitanut sunniuteqanngitsumik inissinneqassapput.

Nr. 4-mut

Toqqakkatut inuiaqatigiinni suliaqartitaanermit akissarsiat aamma aningaasarsiat, tak. § 3, nr. 2-mi nassuiaat, Namminersornerullutik Oqartussat Qinikkatut Pisortanillu Toqqakkatut suliaqarneq pillugu nalunaarutaat nr. 5, 15. marts 1994-imeersup § 1-ianut naapertuuttumik oqaasertalerneqartussat, imaluunniit aalisartut piniartullu inuussutissarsiortut kattuffiini siulersuisuni sulinermit akissarsiat aamma aningaasarsiat piniarnermit, aallaaniarnermit aalisarnermiillu tunngaviusumik isertitanut tamarmiusunut imaluunniit tunngaviusumik isertitat tamarmiusut nalunaarsornerinut ilanngunneqassanngillat. Inuussutissarsiutigalugu piniartut kattuffiini siulersuisuni sulinermit akissarsiat aamma Naalakkersuisunut Inatsisartunullu ilaasortatut akissarsiat aamma kommunefogeditut akissarsiat tamatuma assinganik pineqassapput. Toqqakkatut inuiaqatigiinni suliaqartitaanermit taakkunanga aamma inuiaqatigiit soqutigisaanni atuuffinnit pingaarutilinnit allanit akileraaruteqannginnissamut tunngavilersuutigineqartoq tassaavoq, ilaatigut toqqakkatut inuiaqatigiinni suliaqarnissamik isumaginninnissamut naaggaartoqarsinnaanngimmat ilaatigullu atuuffiit pingaaruteqartut allat inuttalernissaat ajornakusoorsinnaasarmat, assersuutigalugu inuiaqatigiinnut atuuffik taama pingaartigisoq pisussaaffigileralarunikku, inuussutissarsiutigalugu piniartut pisinnaatitaanermik taassuminnga piginniinnarsinnaajunnaarnerinik matumani kinguneqassappat.

#### *§ 9-mut*

Imm. 1-imut

Sunnigiffimmi piniarsinnaanermut aallaaniarsinnaanermullu akuersissut inunnut 12-inik minnerpaamik ukioqalereersimasunut Kalaallit Nunaannilu aalajangersimasumik najugaqartunut tunniunneqarsinnaavoq. Aalajangersimasunik ukioqarnissamut piumasaqaat manna tikillugu 12-nik ukioqartunut aalajangiussimaneqarpoq, taamaattorli piniagassat killilersukkanut tamanut akuersissummik pissarsinissamut piumasaqaatit sakkortusineqarnissaat siunnersuutigineqarluni, tak. siunnersuummi § 14.

Tamatuma saniatigut aalajangersagaq imm. 1-imiittoq ilaneqarnikuuvoq, taamaalilluni nunat allamiunut tamanut Kalaallit Nunaanni aalajangersimasumik najugaqartunut atuuttunngorluni. Inuit Kalaallit Nunaanni aalajangersimasumik najugaqartut, danskisut innuttassuseqanngitsut, unioqqutitsisumik immikkoortinneqartannginnissaat qulakkeerniarlugu allannguisoqarpoq ingerlanneqarpoq. Tamanna Europami inuit piginnaatitaaffii pillugit isumaqatigiissut pillugu inatsisip Kalaallit Nunaannut peqqussut nr. 814, 18. september 2001-imeersoq aqutigalugu atuuttunngortinneqarsimasup, artikel 14-miit aallaveqarpoq.

#### *§ 10-mut*

Imm. 1-imut

Aalajangersakkakut nr. 1-5-mi taaneqartuni ersarinnerusunik Naalakkersuisut §§-ni 7-9-mi piunasaqaatinik immikkut akuersinissamik periarfissinneqarput. Immikkut akuersinissamut malittarisassat tunuliaqutaat tassaavoq piniarnermut aallaaniarnermullu inuussutissarsiortut siunissamut ungasinnermut isigaluni siuarsaaniarnermi tunngaviussammata pisut immikkuullarissut allanneqarsimasut malillugit immikkut akuersissuteqartoqarsinnaammat piunasaqaatit nalinginnaasut Kalaallit Nunaanni piniartut aallaaniartartullu siunissamut ungasinnermut isigisumik ineriartortinneqarnissaannut killiliisuuppata.

Nr. 1

§-ini 7-9-mi piunasaqaatinit immikkut akuersissuteqarneq pillugu Naalakkersuisut nalunaaruteqarsinnaanerat siunnersuutip periarfissippaa. Ima paasillugu, kalaallinut inuiaqatigiinnut aalajangersimasumik attuumassuteqarnissaq, aalajangersimasumik najugaqarnissaq kiisalu pineqartoq Kalaallit Nunaata avataani ilinniarluni assigisaanilluunniit peqquteqarluni nunami allaniippat, akileraartussaataaneq pillugit nalinginnaasumik piunasaqaatinit Naalakkersuisut immikkut akuersissuteqarsinnaapput. Pingaarnerusoq tassaavoq, pineqartoq ilinniariarluni, suliffimmik misiliilluni, mesteritut ilinniariarluni assigisaanilluunniit ingerlatsiartorluni nunami allamiissimanissaa, tamannalumi aamma inuussutissarsiummi allami ilinniartutut atorffimmiinnermik aallaaveqarsinnaavoq. Matumani pineqartoq soraarummeernermit uppersaammik, diplom-imik assigisaanilluunniit ilaqartillugu ilinniarnerminik naammassinninersoq pingaartuunngilaq, kisiannili pineqartup uppersinnaassavaa ilinniarnerup assigisaataluunniit ingerlannerani sumiissimanerluni. Piniarnermut, aallaaniarnermut aalisarnermulluunniit ilinniarneq attumaassuteqassasoq piunasaqaataanngilaq.

Tassunga atatillugu ”najugaqarallarnemi” pineqartup Kalaallit Nunaata avataani piffissami qanoq sivilutigisumik najugaqarsimanagera aalajangiisutut pingaartinneqanngilaq. Taamaattorli pineqartoq ilinnialernissamut qinnuteqaateqarsimanageroq imaluunniit Kalaallit Nunaata avataaniissimasoq pisinnaasassamik assingusumik allamik pisinnaasaqalernissaq siunertaralugu aallaqasimanageroq pingaartinneqartarpoq.

Matuma saniatigut qinnuteqartup Kalaallit Nunaannut attuumassuteqarnera naammaginartutut nalilerneqarpat, piunasaqaatinit immikkut akuersissuteqarneq tunniunneqarsinnaavoq. Matumani pingaartillugu isiginiarneqartarpoq, pineqartoq Kalaallit Nunaannut qanittumik attuumassuteqarnerosoq assersuutigalugulu Kalaallit Nunaanni inunngorsimanageroq alliaartorsimanagerorlu, kisiannili immaqa piffissami kingullermi nammineerluni imaluunniit ilaquttap qanigisap napparsimanagera imaluunniit pissutsit immikkut ittut assingusut pissutigalugit Kalaallit Nunaanni najugaqarsimannginneq.

Kiisalu pisuni immikkuullarilluinnartuni, inuit qaammatini arfinilinni sivilunerusumiluunniit Kalaallit Nunaannut suliaortinneqarsimappata Kalaallit Nunaannullu

akileraartussaataasimappata kisianni Kalaallit Nunaanni najugaqarallartutut nalunaarsimallutik, immikkut akuersissut tunniunneqarsinnaavoq. Pissutsit immikkuullarissut taakku assigiissutaat tassaavoq, inuinnut qimminullu nerisassamaatissanik ilasinissaq pisariaqartartoq pineqarmat. Matumani assersuutigineqarsinnaavoq, Siriuspatruljen-imut sakkutuut sulisunik suliertortitsinerat, imminerminnut qimminullu neqinik nutaanik pilersoqqinnissamut periarfissaqartussat qaammatini arlaqartuni qimussimik alapernaarsuinerminni.

Nr. 2

Taamatuttaaq § 7-imi, nr. 5 aamma § 8-mi piumasaqaatinit immikkut ittumik akuersissuteqartoqarsinnaavoq, inuinnut manna tikillugu pingaarnertut inuussutissarsiummik ingerlataqarsimanngitsunut. Maleruagassaniit immikkut akuersisinnaaneq aalajangersakkap kingunerivaa, taamaalilluni inuusuttut piniartunngorlaat inuussutissarsiutigalugu piniarnermut allagartamik pissarsisinnaalersillugit, naak siusinnerusukkut inuussutissarsiutigalugu piniartuusimanngikkaluartunik. Inuusuttut piniartunngorlaat, siusinnerusukkut inuussutissarsiutigalugu piniartutut misilittagaqanngitsut imaluunniit siusinnerusukkut piniarnermit, aallaaniarnermit aalisarnermiillu tunngaviusumik isertitat 50 %-iinik isertitaqartarsimanngitsut, taamaalillutik siullermeersumik inuussutissarsiutigalugu piniarnermut allagartamik qinnuteqartillutik, pissarsisinnaasut akornanniissinnaalerput.

Nr. 3

Isertitat amerlassusissaat pillugu piumasaqaatit eqquutsinneqannginnerinut sunneeqataasut pissutsit immikkut ittut atuussimanerat uppersarsarneqarsinnaagaangat, § 7-imi, nr. 5-imit aamma § 8-mit immikkut akuersissuteqarnissamut aalajangersagaq periarfissiivoq. Uani assersuutitut pissutsit qinnuteqartup sunniuteqarfiginngisai eqqarsaatigineqarput, pineqartoq piniariarnissamut, aallaaniarnissamut aalisarnissamulluunniit pisinnaasimassanngilaq, napparsimaneq aamma timikkut, tarnikkulluunniit anniaateqarneq imaluunniit inuttut aqqusaakkat allat patsisigalugit. Matumani aamma pissutsit eqqaaneqarsinnaapput, piniutit piniarnermilu atortut annaaneqarsimanerat imaluunniit aserorsimanerat imaluunniit angallatigisap ajoquteqalersimaneq. Pineqartoq allamik suliffeqarsimappat suli suliffigisinnaasamik, ikinnerpaamik 50 %-imik isertitaqarnissamik piumasaqaatip pissutsit immikkut ittut eqquutsinnissaa ajornartissinnaavaat. Naalakkersuisut “pissutsit immikkut ittut” nalilernerani qinnuteqartup qanigisaani oqaaseqaatinik piumasinnaavoq, tassani ilanngullugit nunaqarfinni aqutsisut, sumiiffimmi piniarneq pillugu peqatigiiffinni assigisaaniluunniit.

Nr. 4-mut

Inuit inuussutissarsiutigalugu piniartutut uninngallatsiareernermit kingorna, assersuutigalugu Kalaallit Nunaanni ilinniartuunerup malitsigisaanik, inuussutissarsiutigalugu piniartutut aallarteqqinnissamut kissaateqaaqilernermit, maleruagassani § 7, nr. 5-imiit aamma § 8-miit aamma immikkut akuersisoqarsinnaavoq. Taassuma saniatigut inuup siusinnerusukkut piniarnermik aallaaniarnermillu inuussutissarsiuteqarsimasup, piffissamili

aalajangersimasumi taassuminnga ingerlataqarsimangitsup piniarnermut allaaniarnermullu uteqqissinnaanera aalajangersakkap inummut periarfissiissutigissavaa.

Pineqartup siusinnerusukkut piniarnermik aallaaniarnermillu pingaarnertut inuussutissarsiortuusimanagera, qarasaasiaq atorlugu uppersarneqarsinnaassaaq. Pineqartoq siusinnerusukkut piniarnermik aallaaniarnermillu pingaarnertut inuussutissarsiortuusimappat, piniarnej pillugu Namminersorlutik Oqartussat piniarnej pillugu qarasaasiakkut toqqorsiviata, Luli-p, nalunaarsuiffiani tamanna uppersarneqarsinnaassaaq.

Nr. 5

§ 7, nr. 4-mit immikkut akuersissuteqartoqarsinnaavoq inuit 18-it inorlugit ukiullit sunngiffimmi piniarnermut allagartallit aqutsiveqarfimmi pineqartumi pisariaqartunik sakkunik peqanngitsunut taakkuninngali pisinnaasunut imaluunniit soorlu atorsinnaasut. Aalajangersakkamit tassannga immikkut taamaallaat akuersisoqarsinnaavoq qinnuteqartoq atuuttumik sunngiffimmi piniarnermut allagartaqarpat.

Piniarnermik inuussutissarsiuteqarneq siuarsarniarlugu aamma inuusuttunut ingerlatserusuttunut pisariaqanngitsumik aporfilersuinnginnissaq qulakkearniarlugu aalajangersagaq pilersinneqarpoq. Taamaasilluni inuusuttut ikiuussinnaanerannut aamma ilaatigut ilaqtaminnit inuussutissarsiummik ilinniartinneqarsinnaanerannut aalajangersagaq periarfissiivoq.

### *§ 11-mut*

Imm. 1-imut

Suliffeqarfiit ilaannut, immikkut ittumik inuussutissarsiutigalugu piniarnermut imaluunniit sunngiffimmi piniarnermut allagartamik, akuerineqarnissaq pillugu aalajangersimasumik qinnuteqarnerup kingorna, tunniussisinnaaneq aalajangersakkakkut periarfissiissutigineqarpoq. Ingerlatsiviit taakku piniarnej imaluunniit aallaaniarnej inunnik isumaginninnermi perorsaanerminni atortuminnut ilaatittariaqarpaat. Taamatuttaaq atuarfinnut, ilinniartitsinerup ilaatut pingaartutut piniarnej aallaaniarnerlu ilaasimatillugit, inuussutissarsiutigalugu piniarnermut aamma sunngiffimmi piniarnermut allagartaq tunniunneqarsinnaavoq.

Inuussutissarsiutigalugu aamma sunngiffimmi piniarnermut allagartaq, suliffeqarfimmut atuarfimmullu namminermut aamma suliffeqarfimmi inunnut ataasiakkaanuunngitsoq tunniunneqartarpoq. Tamanna ima isumaqarpoq, suliffeqarfimmi inuit pineqartut, suliffeqarfik qimakkunikku, inuussutissarsiutigalugu aamma sunngiffimmi piniarnermut allagartap atornissaanut ilaajunnaassasut. Tamanna sulisunut atuisunullu atuuppoq.

Piniarnermut allagartamik tunniussinermut atatillugu piumasaqaatit Naalakkersuisut aalajangersarsinnaavaat, matumani uumasunik pisassiiffiusartunik piniarsinnaaneq killilik

imaluunniit piniarsinnaannginneq ilanngullugit. Piniarsinnaannginneq isumaqarpoq, Naalakkersuisut nannunik, aavernik, qilalukkanik qernertanikpiniarnissamut akuersissutinik suliffeqarfimmut tunniussisinnaanngitsut, kisianni Naalakkersuisut pisassiissutit amerlassusii naammaginarsimappata qilalukkanik qaortanik, tuttunik umimmannillu piniarnissamut akuersissutinik tunniussisinnaasut.

Imm. 2-mut

Suliffeqarfiup atuarfiulluunniit aqutsisuisa akisussaaffigaat, suliffeqarfiup sulisuisa atuisuisalu imaluunniit atuartuutaasa piniarnermut aallaaniarnermullu tunngatillugu maleruagassat eqquutsissagaat, Inatsisartut inatsisaat una atorlugu aalajangersarneqarsimasut imaluunniit tamanna naapertorlugu aalajangersakkat atuutilersinneqarsimasut, matumani pisanik nalunaaruteqarnissaq ilanngullugu.

### *§ 12-mut*

Imm. 1-imut

Piniarneq aallaaniarnerlu akuersissummik pisariaqartitsipput taannalu piniarnermut allagartaavoq, tak. § 6. Tamatumali saniatigut pisuussutit piujuarnissaannik erniortarnissaannillu kissaateqarnerup malitsigisaanik, uumasut ilaannut pisassiissutissanik aalajangersaasarnissaq pisariaqartarsinnaavoq, piniarneq aallaaniarnerlu atorluaaffiusoq attassinnaasoq qulakkeerniarlugu. Uumasorsiuut pisarnertut siunnersuinerat kiisalu najukkani atuisullu ilisimasaannut naapertuuttumik pisassiissutit aalajangersarneqassapput agguanneqarlutillu. Tamanna tunngavigalugu, uumasunik pisassiiffiusartut ilaannik piniarnissamut aallaaniarnissamullu akuersissutit tunniunneqartarput.

Imm. 2-mut

Kommunip najugaqarfiusup, piniarnermut allagartamik atuuttumik peqartunut qinnuteqartunut aamma aqutsiveqarfimmi inuit allattorsimaffiannut nalunaarsorneqarsimasunut akuersissutit agguallugillu tunniuttarpei. Taamaattoq uumasut aalajangersimasut mininneqarsinnaapput, soorlu arferit angisuut pineqartillugit tamatumani akuersissut tunniunneqarsinnaammat kommuninit allanit kommunimi najugaqarfigisamiunngitsoq.

Oqaatigineqassaaq Naalakkersuisut § 4, imm. 2 naapertorlugu, Inatsisartut inatsisaata akisussaaffeqarfiinut tunngatillugu, tamakkiisuusumik ilaannakuusumilluunniit aalajangiisarnermi pisinnaatitaaffimmik, matumani assersuutigalugu akuersissutinik akuersissuteqarnernillu il.il. agguaassisarneq tunniussisarnerlu ilanngullugit, kommunimut tunniussisinnaanermut Naalakkersuisut tunngavissinneqarnikummata.

Imm. 3-mut

Aqutsiveqarfimmi pineqartumi akuersissutit atuuttut, inuup najugaqarfigisaaniittut pillugit imm. 2-mi aalajangersakkamit allamik pisoqartitsisoqarsinnaavoq, pisuni immikkut ittunik

pisoqartillugu. Minitsineq pisuni immikkuullarissuni atorneqarsinnaavoq, aqutsiveqarfimmi ataatsimi pisassiissutit killilersugaasimangippata. Najugaqarfigisami attuumassutilimmi pisassiissutit killilersugaanngitsut pineqassapput, tassa imaappoq, ataatsimut isigalugu aqutsiveqarfimmi tamarmiusumi pisassiissutit naammattutut isigineqarnerat matumani naammangilaq, imaluunniit uumasogatigiit immikkoortut killeqarfii kommunit arlallit imaluunniit aqutsiveqarfiit arlallit akimorneqartut. Pisumi taama ittumi, Aalisarnermut Piniarnermullu Naalackersuisoqarfik qinnuteqartoqareernikkut akuersissummik tunniussisinnaavoq, nunap immikkoortuani pisassiissutit killilersugaaffiginngisaanni aamma inuit aqutsiveqarfimmit imaluunniit kommunimit allaneersut piniarnermik aallaaniarnermillu ingerlatsisinnaaqullugit. Pisassiissutit killilersugaaffigineqanngitsut aamma killeqanngitsumik pisassiissutit taagorneqarput.

#### Imm. 4-mut

Piniagassanut killilersukkanut akuersissutininik akuersissuteqarnernillu agguaassinermi piniutinik angallatinillu pisariaqartunik peqartoqarnissaanik Naalackersuisut piumasaqaateqarsinnaapput. Pisariaqartumik piniarnermut atortut ima oqaasertalerneqarsinnaapput, atortulersuutit atortullu pisariaqartut akuerisaasullu piniarnermi aallaaniarnermilu, uumasunik aalajangersimasunik pisaqarniarnermi toqutsiniarnermilu atorneqartussat, tak. § 3, nr. 5.

### *§ 13-imut*

#### Imm. 1-imut

Inuit 15-inik ukioqalereersut aamma inuussutissarsiutigalugu piniarnermut allagartamik peqartut, qinnuteqareernikkut piniakkanik pisassiiffiusartunik inuussutissarsiutigalugu piniarnissamut aallaaniarnissamullu akuersissummik aamma akuersissuteqarnermik tunineqarsinnaapput. Umasunik pisassiiffiusartunik tamanik piniarnissamut aallaaniarnissamullu akuersissummik tunineqarnissamut aalajangersimasunik ukioqarnissamik piumasaqaatit 15-inik ukioqarnermut nalinginnaasumik inissinnerisigut uumasunut tamanut piumasaqaammik ataatsimoorussaartoqalerpoq, aamma tuttunut umimmannullu nujuartanut akuersissummut aalajangersimasunik ukioqarnissamik piumasaqaat 16-inik ukioqartussaaneq taanna naapertorlugu 15-inik ukioqartussamut appartillugu iluarsineqarpoq.

§ 12 naapertorlugu, aqutsiveqarfinnut ataasiakkaanut pisassiissutit agguaanneqartarput, matuma kingorna akuersissutit agguaanneqartarput tamanna naapertorlugu, tak. imm. 2.

#### Imm. 2-mut

Aalajangersakkami akuersissutinit amerlanerusunik qinnuteqaateqartoqarsimappat, agguaassineq qanoq ingerlanneqassanersoq aalajangersarneqarpoq. Siullermik tullerinneq malillugu agguaassisoqartarpoq, tassani siornaammat pisat kiisalu akuersissutit

atorneqarsimangitsut eqqarsaatigineqartunut ilaasarput. Tamatuma agguaassineq suli aalajangiiffigisinnaasimangippagu, kommuni akuersissutit pillugit makitsisinnaavoq.

#### Imm. 3-mut

Piniartut inuussutissarsiutigalugu piniarnermit, aallaaniarnermit aalisarnermiillu inuussuteqarsinnaasariaqarput, taamaammat aqutsiveqarfinni isorartuuni, piniarnerup imminut akilersinnaanissaa angujumallugu piniartunut tamanut imaluunniit ataatsimoorullugu piniarnernut tamanut akuersissutit arlaqartut tunniunneqarsinnaapput. Pisuni tamani immikkut aalajangersimasumik nalilersuinermit tamanna aallaaveqartassaaq, piunasaqaatilli assersuutigalugu isertitarineqaratarsinnaasut aamma, nunap immikkoortuanukarnermi orsussamat, nerisassanut unnuinermullu kiisalu piffissaq sivisooq angalanermut atugaq sivisunerusoq pissutigalugu, aningaasartuutit akornanni pissutsinut tunngasinnaapput. Pissutsit ataasiakkaat nalilerneranut Naalakkersuisut sumiiffimmi aqutsiveqarfimmi susassaqtartunut oqaaseqaatinik kissaateqarsinnaapput.

#### Imm. 4-mut

Akuersissutit sinneqassagaluarpata imaluunniit akuersissutip periarfissiissutigineqartut amerlatigisunik uumasunik pisaqartoqarsimangippat, taava akuersissutit sinneruttut agguaateqqinnissaannut periarfissaqartoqartariaqarpoq. Taamaattumik akuersissutit tunniunneqartarnerannut oqartussaasup - nalinginnaasumik kommuni - makitsinermut atatillugu utaqqisut allassimaffiat pingaarnersiugaq, akuersissutinik agguaasseqqinnermi atorneqartoq atussavaa.

#### Imm. 5-imut

Makitsinermut atatillugu paasiuminartuunissap qulakkeerniarneranut, kikkut tamarmik (nalinginnaasumik kommunimi innuttaasut) makitsinerup ingerlanneqarneranut malinnaanissaanut periarfissaqartinneqassaaput. Taamaattumik makitsinissamat piunasaqaatit, piffissaliussaq aamma sumi, makitsinissaq sapaatip akunneranik ataatsimik sioqqullugu, kommunip tamanut saqqummiutissavai.

#### Imm. 6-imut

Piniagassat killilersukkat inuussutissarsiutigalugu piniarnissamat aallaaniarnissamullu akuersissutinik agguaassisarnermut maleruagassat ersarinnerusut Naalakkersuisut aalajangersarsinnaavaat.

#### Imm. 7-imut

Aalajangersagaq una atorlugu Naalakkersuisut akuersissutit inuussutissarsiutigalugu piniartunut aallaaniartartunullu akuersissutit pinissaannut piunasaqaatigisinnaavaat inuk kommunimi aqutsiveqarfimmilu pineqartumi akuersissummik tunniussinnginnermi aalajangersimasumik qaammatini ataannartuni pingasuni najugaqasimassasoq.



Aalajangersagaq ilanngunneqarpoq inuit najugaqarfigivinngisaani kommunimit kommunimut imaluunniit kommuninut nuukkallartartut kommunimi killilersukkanik piniakkanik pisassiissuteqarfiusartuni piniarnissamut aallaaniarnissamullu akuersissummik piniaannarlutik siunertaqartut pinngitsoortinniarlugit.

#### *§ 14-imut*

##### Imm. 1-imut

Ilaatigut qinnuteqartup 15-inik ukioqalersimanissaa aamma sunngiffimmi piniarnermut allagartamik peqarnissaa, ilaatigullu pineqartup Kalaallit Nunaanni aalajangersimasumik najugaqarnissaa ukiunilu kingullerni marlunni, piffissap qinnuteqarfiusup siornatigut, Kalaallit Nunaanni aalajangersimasumik najugaqarsimanissaa aalajangersakkap aalajangersaaffigaa. Ukiut kingulliit marluk imatut paasineqassaaq, piffissaq imminut atasoq qaammatinik 24-inik siviutigisoq.

Matuma kingunerisaanik, inuit nutseqqammisut piniagassanut killilersukkanut akuersissummik pissarsisinnaanertik aatsaat angusinnaavaat, ukiut marluk imminut atasut kingorna Kalaallit Nunaanni najugaqarsimagunik. Nunamit suminngaanneersuuneq apequtaatinneqanngilaq, taamaammat assersuutigalugu nunamit suminngaanneersuuneq pissutigalugu immikkoortitsisarneq pillugu Europami inuit piginnaatitaaffii pillugit isumaqatigiissummi artikel 14-imut, malittarisassamut taanna akerliunngilaq.

Siunnersuummut tunuliaqutaasoq tassaavoq, inuussutissarsiutigalugu piniartut kiisalu inuit ukiuni marlunni imminut atasuni Kalaallit Nunaanni najugaqarsimasut kulturikkut sunngiffimmilu pisariaqartitaat, assersuutigalugu tutut umimmaallu aamma mianerineqartussaasarmata.

##### Imm. 2-mut

Imm. 1-imi maleruaqqussamiit immikkut ittumik akuersissuteqarsinnaanissamut aalajangersagaq periarfissiivoq, matumani qinnuteqartoq Kalaallit Nunaanni aalajangersimasumik najugaqarpat aamma piffissaq qinnuteqarfiusoq sioqqullugu ukiut kingulliit qulit ingerlaneranni, siviinnerpaamillu ukiuni marlunni imminut atasuni Kalaallit Nunaanni najugaqarsimappat. Tassaasinnaavoq assersuutigalugu inuk Danmarkimut ilinniariarluni nuussimasoq, angerlarnermi aamma inuit allattorsimaffiannut nalunaarsorneqarnermi kingorna, sunngiffimmi piniarnermut allagartaq atorlugu uumasunik pisassiiffiusartunik piniaqqittalernissamik kissaateqartoq.

#### *§ 15-imut*

##### Imm. 1-imut

Tunniussisarneq, pissarsisarneq aamma akuersissutinik annaasaqartarneq, akuersissutit aamma piniarnermut allagartat pillugit ersarinnerusunik maleruagassanik

aalajangersaanissamut tunngavissap Naalackersuisunut tunniussinissaa aalajangersakkakut siunertarineqarpoq. Tamatuma saniatigut, akuersissutinik aamma piniarnermut allagartanik tunniussinermi akiliutip akilersinnissaanut tunngavissamik aalajangersagaq Naalackersuisunut tunniussivoq.

#### Imm. 2-mut

Imm. 1 malillugu maleruagassat aalajangersornerannut atatillugu aalajangiisinaanermut oqartussaaffiup kommuninut tunniunneqarsinnaaneranut Naalackersuisut tunngavissaannik aalajangersagaq pilersitsivoq. Kommunit atuisunut qaninnerpaajupput, taamaammat qinnuteqartup inuussutissarsiutigalugu piniarnermut imaluunniit sunngiffimmi piniarnermut allagartamik pissarsisinaanissaa pillugu ajunnginnerusumik aalajangiisinaapput. Taamaattumik matumani allaffissornikkut suliassat kommuninit isumagineqarpata pissusissamisuusaaq.

Tamatuma saniatigut, qinnuteqartup inuussutissarsiutigalugu imaluunniit sunngiffimmi piniarnermut allagartamik pissarsinissamut pisinnaatitaaneramik nalilersuinermi, kommunit qitiusumik akileraartarnermut oqartussaasumut paasissutissanik pissarsiniarsinnaanissaat matumani tunngavissaatitaavoq.

Periarfissaqarnera naapertorlugu oqartussaaffik tunniussisarneq, pissarsisarneq aamma akuersissutinik annaasaqartarneq, akuersissutit aamma piniarnermut allagartat pillugit sullissineq qarasaasiakkut ingerlanneqassaaq. Tamanna ilaatigut inummut qinnuteqartumut eqaatsumik sullissinissaq anguniarlugu, aamma sukkasuumik sunniuteqarluartumillu sullissinissaq anguniarlugu.

#### Imm. 3-mut

Akiliutissamut akiitsulinnut akuersissummik pissarsisinaanermit periarfissaarutsitsinissamut aalajangersakkap uuma Naalackersuisut pisinnaatippai, tassa imaappoq inuit aamma inatsisitigut inuttut isigineqartut akiligassamik akilerneqanngitsumik tamakkiisumik akiliisimanngitsut, aammaarlugu akiligassaq akilerneqanngitsoq matumani erniat ilanngullugit akilerneqanngippata, Inatsisartut inatsisaat una naapertorlugu akuersissummik pissarsisinaanermut periarfissaarutsinneqaqqipput.

### *§ 16-imut*

#### Imm. 1-imut

Akiliisitsilluni tammajuitsussarsiniarlunilu aallaaniarneq pillugu aalajangersagaq tassaavoq, piniarnermut, aallaaniarnermut aalisarnermullu atatillugu takornariartitsinermik ingerlatsinerup ilagisaa, matumani akiliisitsilluni aallaaniartitsinissamut aalisartitsinissamullu akuersissut immikkut ittoq, inunnut inuussutissarsiutigalugu aamma sunngiffimmi piniarnermut maleruagassanut ilaanngitsunut tunniunneqartartoq, tak. §§t 7 aamma 9.

#### Imm. 2-mut

Aalajangersakkami ersarissarniarneqarpoq akiliilluni aallaaniarneq inunnit §§-ini 7-imi 9-milu ilaatinneqartunik inunnit aamma atorneqarsinnaaniassammata, taamaattorli piniakkanut killilersukkanut akuersissummik pissarsisimanngitsut. Tassa taakku tassaasinnaapput inuit sunngiffimmini aallaaniarnissamut allagartallit, Kalaallilu Nunaanni ukiuni marlunni sulii aalajangersimasumik najuaqarsimanngitsut.

#### Imm. 3-mut

Akiliutip akilersinniarnissaanut, inunnit imm. 1-imi aamma 2-mi pineqartut aallaaniarnissamut akuersissummut akiliutissaat, Naalakkersuisut tunngavissaannik aalajangersagaq pilersitsivoq. Akiliutip angissusissaa nalunaarut aqutigalugu aalajangersarneqassaaq.

#### Imm. 4-mut

Akiliisitsilluni aallaaniarnermi peqataasinnaanermut akuersissutip tunniunneqarnera, pissarsiarineqarnera annaaneqarneralu pillugit ersarinnerusunik maleruagassanik aalajangersaasinnaanermut Naalakkersuisut tunngavissaannik aalajangersagaq pilersitsivoq, tak. imm. 1 aamma 2. Maleruagassat taakku akiliisitsilluni aallaaniarneq pillugu nalunaarut aqutigalugu nalinginnaasumik aalajangersarneqartarput. Taassuma saniatigut aalajangiisinaanermut oqartussaaffimmik aamma maleruagassanik atuutilersinneqarsimasunik ingerlatsinermik kommunitun tunniussinissamut, aalajangersakkap Naalakkersuisut pisinnaatippai. Ilutigisaanik Naalakkersuisut piginnaatinneqarput, akiliisitsilluni aallaaniarnerup ingerlatsivigineranik isumaginninnerup suliffeqarfimmut aamma takornariartitsinermik peqatigiiffimmut tunniussininaanermik.

#### *§ 17-imut*

Aalajangersakkap taassuma nassataraa Naalakkersuisut malittarisassiortussaanerannik, amerlasuutigut nalunaarutit aqutigalugit, soorlu tammajuitsussarsiniarluni piniarnertitsinerit taamaallaat akiliilluni piniartitsisartunit akuerisaasunit peqateqarluni ingerlanneqarsinnaasut eqqarsaatigalugit. Assersuutigalugu piniagassanik killilersukkanik immikkuullarissunik imaluunniit nunap immikkoortuani sananeqaatitigullu immikkoortulinni piniarneq pineqarsinnaavoq.

#### *§ 18-imut*

Maleruagassanik ersarinnerusunik saqqummiussinissamut Naalakkersuisut pisussaaffiannik tunngavissaanillu aalajangersagaq pilersitsivoq, nalinginnaasumik akiliisitsilluni aallaaniarneq, akiliisitsilluni aallaaniartitsisartut akuerisatut angusaqarneq annaasaqarnerlu pillugit nalunaarutit aqutigalugit, matumani akiliisitsilluni aallaaniarnermi angallassisartut atorneqartarnerat ilanngullugu. Tassunga atatillugu piumasaqaatit § 2, imm. 1-imi, nr. 1-6-

imilu taaneqartut ilanngunneqassapput, matumani pingaartumik sumiiffimmi suliffissaqartitsiniarnikkut mianerisassat aamma inuussutissarsiuteqarnikkut soqutigisat allat.

Akiliisitsilluni aallaaniartitsisartutut akuerisatut, qinnuteqaateqarnerup kingorna, isigineqarnissaq anguniaraanni piumasaqaatit suut piumasarineqartassanersut kiisalu angallassisartunut piumasaqaatit suut piumasarineqartassanersut taakkulu akiliisitsilluni aallaaniartitsinermut atatillugu qanoq atorneqassanersut ilaatigut nalunaarummi aalajangersarneqartarsinnaapput. Tamakku ilaatigut tassaasinnaapput aalajangersimasumik ukiuni aalajangersimasuni najugaqarsimanissamut kiisalu najukkami aalajangersimasumi ukiuni aalajangersimasuni najugaqareersimanissamut piumasaqaatit. Tamatuma saniatigut, akiliisitsilluni aaqqissuisartumut akuersissutip piffissap qanoq ilinerani aamma qanoq iliorluni arsaarinnissutigineqarsinnaaneranut maleruagassat kiisalu angallassisartunik akuersisarnermut maleruagassat pineqarsinnaapput.

### *§ 19-imut*

#### *Imm. 1-imut*

Aalajangersakkap, 1999-imi Inatsisartut inatsisaatigut eqqunneqartup, Naalakkersuisut tunngavissippai aallaaniarsinnaanermut misilitsinnerup ingerlannissaa pillugu aalajangersakkanik aalajangersaanissamut, tamanna piniarnermut allagartamik imaluunniit akuersissummik §§-it 7, 9 aamma § 16 malillugit pissarsinissamut piumasaqaatit. Taakku aalajangersakkat ilaatigut aalajangersartussaavaat, piniariaatsit suut piumasaqaammut ilaassanersut aamma aallaaniarsinnaanermut misilitsinnerup ingerlannissaanut ersarinnerusumik maleruagassat kiisalu misilitsinnermut suut ilaassanersut.

#### *Imm. 2-mut*

Aallaaniarsinnaanermut misilitsinnerup ingerlanneqarneranut akiliutissamik akiliisitsiniarsinnaanermut aalajangersagaq una atorlugu Naalakkersuisut pisinnaatitsissummik tunineqarput. Aningaasat amerlassusissaat aalajangerneqassaaq, allaaniarsinnaanermut misilitsinnerup ingerlanneqarneranut aningaasartuutissat missingersuusiorfigineqareerpata.

#### *Imm. 3-mut*

Aalajangersakkap Naalakkersuisut pisinnaatippai, aallaaniarsinnaanermut misilitsinnerup ingerlanneqarneranut atatillugu kommunit allaffissornikkut ingerlatsinermik isumaginninnissaannik piumasaqarsinnaanermik. Kommunit atuisunut qaninnerpaajupput, taamaammat ingerlatsineq toqqaannartoq taanna ajunnginnerpaamik taakku isumagisinnaavaat. Aallaaniarsinnaanermut misilitsinnermut maleruagassat pingaarnerit, Naalakkersuisunit aalajangersarneqassapput, tak. imm. 1.

### *§ 20-mut*

#### Imm. 1-imut

Imm. 1-imi Naalakkersuisut pisinnaatinneqarput piniarnernik aallaaniarnernillu killilersuinissanut kiisalu tassunga tunngasunik malittarisassiornissamut, tak. nr. 1-5. Aalajangersaanerit tassaasinnaapput piffissanik sumiiffinnillu allannguinerit imaluunniit piniakkat ilaannut arlalinnulluunniit sumiiffimmi imaluunniit sumiiffinni piniarnernik unitsitsinerit. Aqutsinermi saqqumilaartitsineqarnissaq qulakkeerniarlugu Naalakkersuisut tamanut tusarniaanernik ingerlatsisinnaapput, killilersuinerit una aalajangersagaq naapertorlugu naammassineqannginnerani.

#### Nr. 1

Nunap immikkoortuini ataasiakkaaniittut uumasogatigiit ataasiakkaat pillugit aalajangersaasoqartarpoq, nalinginnaasumik uumasorsiuut siunnersuinerat, eqqissimatitsinermi piffissaliussat aamma nunap immikkoortui piniarfigeqqusaanngitsut aallaaniarfigeqqusaanngitsullu malillugit. Tassa imaappoq, nunap immikkoortuanit allamiit nunap immikkoortuanut allamut atatillugu piffissaliussat allaassuteqarsinnaapput, assersuutigalugu piaqqiorneq manniliornerluunniit apeqqutaatillugit, piffissani taakkunani uumasut eqqissisimatinneqassapput illersorneqarsinnaasumik piaqqioqqittoqarnissaa qulakkeerniarlugu.

#### Nr. 2

Taaneqareersutut, nunap immikkoortuani aalajangersimasumi piniagassanik aalajangersimasunik piniarneq aallaaniarnerlu unitsivinneqassanersut aalajangersarneqarsinnaavoq, pisassiissutit nungussimappata. Kisianni aamma suliniuteqarnerit allat atorneqarsinnaapput, soorlu pisassiissutinik allanngueq imaluunniit nunap immikkoortuanik atueqqusinnginneq, uumasogatigiiaat nalilivigineqaaqqaarnerattut taama amerlatiginngitsut paasinarsippat. Piniarnermik aamma piniarnermi ingerlassanik inerteqquteqarneq killilersuinerluunniit, uumasorsiuunit aamma najukkami piniartunit atuisuniillu siunnersuinerit tunngavigineqarsinnaapput, kisianni pisanik nalunaaruteqartarneq tunuliaqutaralugu aamma pisinnaallutik.

#### Nr. 3

Piffissaq, uumasogatigiit immikkoortukkuutaat aamma nunap immikkoortui aqutsiveqarfii eqqarsaatigalugit pisarineqarsinnaasut amerlassusiinik agguataarisooqartussaatiillugu, tamanna pisuussutit piujuartinnissaat piaqqiornissaallu mianeralugit pisassaaq. Piniarnerup aallaaniarnerullu maleruagassiorfigineqarnerani eqqarsaatigineqassaaq, pisaqarpallaartarnerup akiorniarnissaa killilerniarnissaalu. Tamanna ilaatigut anguniarneqarsinnaavoq, uumasorsiuut innersuussutaannik ilanngussinikkut, najukkami ilisimasanik ilanngussinikkut imaluunniit Piniarneq pillugu siunnersuisoqatigiinni ilaasortat ilaatinnerisigut.

#### Nr. 4-mut

§§-it 7, 9 aamma § 16 naapertorlugit, piniarnermik aallaaniarnermillu maleruagassat pillugit suliniutit kiisalu pisarineqarsinnaasunut pisassiissutit ersarinnerusumik aalajangersakkanik

ilaqartunik pisassiissutunik amerlassusiinik piniakkat suussusaannut assigiinngitsunut agguaassineq pillugu maleruagassat Naalackersuisut ingerlassinnaavaat, tamanna ukioqatigiiaat, uumasoaqatigiiaat immikkoortut killeqarfiat, kommunit, aqutsiveqarfiit, angallateqatigiit, angallatit ataasiakkaat, nunakkoortit imaluunniit piniarnermi atortut piniariaatsillu malillugit.

Tassa imaappoq, assersuutigalugu akuersissutunik agguaassisarnermi immikkut ittumik qassinik ukioqarnissamik piunasaqaat aalajangersarneqarsinnaavoq, tak. §§-it 13 aamma 14, kiisalu uumasoaqatigiinnut immikkuullarissunut pisassiissuteqartoqarsinnaavoq, tamatuma inuusuttut piniartunngorlaat pisassiissutit ilaannik immikkuullarissunik pisaqarsinnaalersissinnaavai, pitsaaanerusunik periarfissikkumallugit. Aamma kommuninut immikkuullarissumik agguataarinerusinnaavoq ilaatigut uumasoaqatigiit amerlassusiat pillugu uumasorsiuut siunnersuinerat aallaavigalugu ilaatigullu inuussutissarsiutigalugu piniarnermik ingerlatsinerup imminut akilersinnaasumik ingerlanissaa qulakkeerniarlugu. Angallatit assersuutigalugu arfanniarnermi imaluunniit ataatsimoorluni piniarnermi peqataasinnaasut angissusissaat imaluunniit minnerpaaffissaat pillugit maleruagassanik aamma saqqummiussisoqarsinnaavoq. Taamatuttaaq immikkut ittumik atortoqartunut aamma piniariaaseqartunut immikkut ittumik pisassiisoqarsinnaavoq.

Nr. 5

Uumasorsiuut siunnersuisarnerat immikkut pingaaruteqarpoq, suliniutissat aamma maleruagassiarnermi piniagassat angissusii (piaqqinerup killiffia), ukiui aamma suaassuseqarneri pineqartillugit, tassa pisuussutit piujuarnissaannut piaqqiornissaannullu tamanna attuumassuteqarmat. Assersuutigalugu uumasut piaqqisartut aallaaneqaqqusaanngillat aamma nanoq apissiminiittoq akornusersoqqusaanngilaq. Uumasut piniakkat qanoq angissuseqarnissaat qanorlu ukioqarnissaat pillugit maleruagassanik allanik aamma aalajangersaasoqarsinnaavoq. Kiisalu uumasoaqatigiinni suaassuseqatigiit arlaat imaluunniit uumasoaqatigiit piniagaasinnaanerat inerteqqutaasinnaavoq, tamanna uumasorsiuut siunnersuinerannik imaluunniit najukkami atuisullu ilisimasaannit tunngavigalugu pisariaqartutut nalilerneqarpat.

#### *§ 21-mut*

Imm. 1-imut

Aalajangersakkakut Naalackersuisut pisinnaatinneqarput piniagassanut assigiinngitsunut, tak. nr. 1-4, piniarnissanut piunasaqaatinik malittarisassiornissaannut. Tassa Naalackersuisut uumasunut aalajangersimasunut nalunaarutikkut piunasaqaasiorsinnaapput imaluunniit sammisanut nalinginnaasunut tunngasunut nalunaarutikkut aalajangersaasinnaallutik.

Nr. 1

Inunnut §§-it 7, 9 aamma § 16 naapertorlugit piniakkanut suussusaannut assigiinngitsunut piunasaqaatinik eqquutsitsisunut, piniakkanik ataasiakkaanik aalajangersimasunik piniarsinnaanerat pillugu piunasaqaatit ersarinnerusut aalajangersaaffiginerat.

Assersuutigalugu ukiuni kingullerni marlunni Kalaallit Nunaanni aalajangersimasumik najugaqarnissaq pillugu piunasaqaatinik imaluunniit akiliisitsilluni tammajuitsussarsiniarlunilu aallaaniartitsisartutut suliffeqarfimmik pilersitsinissamut akuerineqassagaanni immikkut ittumik qassinik ukioqarnissamik piunasaqaatinik aalajangersaasoqarsinnaavoq. Matuma saniatigut piniagassanut killilersukkanut akuersissummik pissarsisinnaanermut immikkut ittumik qassinik ukioqarnissamut piunasaqaateqartoqartarpoq. Kisianni piniarneq aallaaniarnerlu pillugit immikkuullarissumik ilisimasaqarneq pillugu uppernarsaateqarsinnaaneq aamma pineqarsinnaavoq, matumani uumasunik immikkuullarissunik toqutsinissaq ilanngullugu.

## Nr. 2

Piniarnermi atortunik, piniutinik aamma piniarnermi atortulersuutinik ilusilersuineq atuinerlu kiisalu angallatinik nunakkoorutinillu, aallaasit imassaasa suunerinik imaluunniit piniariaatsinik atuneq. Piniarnermi aallaaniarnermilu atortut, atortulersuutit assigisaalu assersuutigalugu aallaasit, imassat, pisissit, qalut, naalikkat, pullatit, uumasup savinnissaanut, pilannissaanut aggornissaanulluunniit atortut kiisalu uumasup annaannginnissaanut, aggornissaanut assartornissaanullu atortut. Assersuutigalugu aallaasit kaliberit sulloqqortusissaannut minnerpaaffissaannik aalajangersaaneq, assersuutigalugu qilalukkat qaortat qernertallu aamma aarrit kaliber 30.06 atorlugu piniarneqarnissaat.

Angallat” imaluunniit qamutit nunakkoorutit suulluunniit tassaapput imaatigut, nunakku silaannakkulluunniit assartuutit, piniarnermut, aallaaniarnermut aalisarnermullu atatillugu imaluunniit piniariarfissamukarnermi piniariarfissameereerermilu assartuutit atorneqartut. Tassa imaappoq, assersuutigalugu umiatsiaaraq 6 meteriusut taassuminngalu mikinerusoq, puisinik timmiarussanillu piniarnermut aallaaniarnermullu atorneqartussaapput imaluunniit assersuutigalugu angallatit anginerusut arfanniarnermut atugassaallutik. Assersuutaasinnaapput aamma qulimiguullit, qamutit assakaasulli nunakkoorutit, biilit, biilit usisaatit, ATV-it, qamuteralaat aamma qimussit. Aalajangersagaq naapertorlugu, taakku atorneqarneranni ilusilersuineq, atuneq killilersuinerlu pillugit maleruagassat aalajangersarneqarsinnaapput.

## Nr. 3

Aallaaniarnermut piunasaqaatit pillugit maleruagassanik aalajangersaanissamut tunngavissaq Naalakkersuisut periarfissariligaat, piniagassat assigiinngitsut pillugit nalunaarutini maleruagassatigut piviusunngortinneqassaaq. Tassaasinnaapput angallatinik nunakkoorutinillu, atortunik, atortut ilusaannik, aallaasit imassaasa suunerinik imaluunniit piniariaatsinik aalajangersimasunik atuinissamut inerteqquteqarneq killilersuinerlu. Qulaani nr. 2-mi angallatit, nunakkoorutit aamma piniarnermut atortut il.il. allattorneqarnikuupput.

Assersuutigalugu uumasunik timmissanillu ungoorinnermut silaannakkut angallatit atornerqarnissaat inerteqqutaavoq aamma qulimiguullit aallaaniarnermut atornerqaqqusaanngillat. Aamma piniarnermut aallaaniarnermullu aallaasit eqittaannartakkt atornerqarnissaat ilaatigut inerteqqutaavoq, taamaattoq qilalukkanik qaortanik qernertanillu piniarnej minillugu aamma pullatit/kiisartut akuerisaanngitsut atornerqarnissaat inerteqqutaavoq.

#### Nr. 4-mut

Piniarnermut aallaaniarnermullu atatillugu pissuserissaarnissamut maleruagassanik aalajangersaanissamut Naalakkersuisut pisinnaatinnearput, ilaatigut tassaasinnaapput inunnut akuersissutit inunnut allanut tunniunneqartussaannngillat, atortinneqartussaannngillat tuniniarnejartussaanaatilluunniit.

Assersuutigalugu aamma aallaasit piniarnermut atornerqartut, nakersarnejarsimanissaat akornuteqanngitsuunissaallu pillugit maleruagassanik peqartoqarsinnaavoq. Neqi uumasunit pisanisaneersoq tamakkerlugu pisaqarfiusumiit nassarnejassaaq. Angallassissutit piniarnermut, malersuinnermut imaluunniit uumasunik timmissanillu ungoorinnermut atornerqaqqusaanngillat. Assersuutigalugu tuttunniarnermi, umiatsiaaqqaniit, angallatiniit, nunakkoortiniit, timmisartuniit qulimiguulinniillu igittoqaqqusaanngilaq. Tuttunik umimmannillu piniariarnermi, qimmit nassaqqusaanngillat. Imaluunniit pisanik nalunaaruteqarnermut atatillugu akuersissutinik utertitsinissamik inatsisitigut piunasaqaateqartoqarnera pillugu maleruagassanik aalajangersaasoqarsinnaavoq aamma kulavaat norrisartut kiisalu tiggaat tammajuitsussarsiatut piniarnejarnissaat inerteqqutaavoq. Aammattaaq assersuutigalugu qilalukkanik qaortanik qernertanillu ataatsimoorluni piniarnerup nalaani ulorianartunik pisoqarnissaa pinngitsoorniarlugu maleruagassanik aalajangersaasoqarsinnaavoq.

#### Imm. 2-mut

Ullumikkut pisat ikkuttakkamik nalunaaqutsernissaannut periutsimik atuisoqanngilaq, aalajangersakkalli pisat ikkuttakkamik nalunaaqutsertarnissaat pillugu maleruagassanik ersarinnerusunik aalajangersaanissamut Naalakkersuisut pisinnaatippai. Tassa imaappoq, inuk piginnaatitaasoq imaluunniit piniartoq piniarnerup kinguninnguani, ikkuttakkamik nalunaaqutsiissummik assersuutigalugu nannup amianut imaluunniit qilalukkap qernertap tuugaavanut ikkussissasoq. Kiisalu qanoq iliorluni nakkutilliinnermut oqartussaasup aaqqissuusaq aqutsivigissaneraa, taamaalilluni pisanik atuinermut, tuniniaanermut tunisinnermullu atatillugu uppersaammik piunasaqartoqarnerani taanna ilaatinneqarsinnaalluni, tak. § 23, imm. 4 aamma 5. Aaqqissuusaq nunani allani atugaavoq, taamaattumillu pisanik ikkuttakkamik nalunaaqutsiisarnermut periutsimik pilersitsinissamut taamatutaaq Naalakkersuisut tunngavissaannik atortuulersitsinissaq pissusissamisoortutut isigineqarpoq.



## § 22-mut

### Imm. 1-imut

Piniartup uumasooq, assersuutigalugu nunami imaluunniit immami miluumasooq, aallaasimallugu paasiguniuk, aallaaneqarnerata kinguninngua uumasup toqunissaa taassuma qulakkiissavaa. Piniartup aallaaniilluunniit tamanna akissussaaffigaa aamma uumasooq aallaaneqarsimanersoq, tamanna pineqartup nammineerluni aamma nalornissutigaluaruniilluunniit qulakkeerniartussaavaa.

### Imm. 2-mut

Uumasooq pissanneqarsimasooq piniartup paasiguniuk, sapinngisamik sukkanerpaamik piniartup uumasooq toqussavaa, matuma kingunerisinnaavaa piniartup uumasooq aamma malersorlugulu ujartariaqaleraa taamaalilluni toqunneqarsinnaaniassammat.

### Imm. 3-mut

Uumasooq piniartumit ujarneqareeraluarluni nassaarinissaa ajornarpat taamaalillunilu uumasup toqunnissaa pinngitsoorluni, piniariarnerup naaneranut attuumassuteqartumik, piniartup tamanna Aalisarnermut Piniarnermullu Naalakkersuisoqarfimmut nalunaarutigissavaa. "Attuumassuteqartumik" ima paasineqassaaq, piniarneq naammassippat aamma piniartoq sumiiffigisaminut utereerpat, Aalisarnermut Piniarnermullu Naalakkersuisoqarfimmut imaluunniit nakkutilliisutut oqartussaasumut (KANUAANA-mut imaluunniit piniarnermik aalisarnermillu nakkutilliisooq qaninnerpaamut) tamanna nalunaarutigineqassaaq. Pineqartup nammineerluni nalunaaruteqarnissamut tassunga pisariaqartumik atortussat pigisimanngikkunigit, pineqartoq kommunip allaffianut qaninnerpaamut saaffiginnittariaqarpoq tamannalu aqutigalugu pisoq nalunaarutigalugu.

Aalajangersagaq uumasunut killilersukkanut atuuppoq, timmissat, arferit, immami miluumasut il. il., ilaatigullu Kalaallit Nunaanni uumasut pissatat pillugit kisitsisinik katersinissaq siunertaralugu atuutilersinneqarluni.

### Imm. 4-mut

Piniartup aallaaniartulluunniit uumasooq pissataq nammineerluni aallaasimanngisani uumasooq takuguniuk, sapinngisamik uumasooq nammineerluni toqunniassavaa. Piffissami piniarfiunngitsumiippat pisaq tamaat Namminersorlutik Oqartussat pissavaat. Pineqartup Aalisarnermut Piniarnermullu Naalakkersuisoqarfimmut suliaq nalunaarutigissavaa tassanilu aalajangerneqassalluni uumasooq pisarineqarsimasooq qanoq iliorneqassanersoq. Ilaatigut tassaasinnaavoq uumasooq tamakkerlugu ilaaluunniit utoqqaat illuannut tunniunnera, najukkami agguanneqarnera imaluunniit Aalisarnermut Piniarnermullu Naalakkersuisoqarfimmut allamulluunniit tunniunnera.

## § 23-mut

#### Imm. 1-imut

Unioqqutitsilluni pisarisanik tuniniaaneq akiorumallugu, piniakkanik killilersukkanik aamma akuersissutitalimmik piniarneqartartunik pisat kommunip imaluunniit nunaqarfiup allaffiani nalunaarsorneqarsimassapput aamma allaffiup akuersissut naqitsissusissavaa taamaaliornikkut tuniniaavimmi pisat nalunaarsorneqarsimanerat atuarneqarsinnaassammat. Aalajangersagaq pingaarnertut arferit anginernik, qilalukkanik qaqortanik qernertanik, nannunik, tutunik, umimmannik aavernillu tuniniaasarnermut tunngavoq. Aalajangersagaq timmissanut killilersukkanut akuersissutitaqanngitsumik piniarneqartartunut atuutinngilaq.

#### Imm. 2-mut

Imm. 1-imut uiggiutigalugu, pisat nalunaarsorneqarsimanerannut uppersaammik takutitsisinnaaneq pillugu qinnuiginnittoqarsinnaasoq aalajangersakkap aalajangersarpaa. Akuersissut kommunip imaluunniit nunaqarfiup allaffiata naqissusiineranik ilaqartoq takutikkaanni matumani uppersaatitut naammasaaq. Ataatsimoorluni piniarnermi, akuersissutip naqissusernerata assilnera atorlugu akuersissummut piginninneqataasut uppersaasinnaassapput.

#### Imm. 3-mut

Suliffeqarfinnut, paaqqinnittarfinnut neriniartarfinnullu toqqaannartumik piniakkanik killilersukkanik inuussutissarsiutigalugu piniartut kisimik tuniniaasinnaapput. Tassunga atatillugu inuussutissarsiutigalugu piniarnermut allagartaq aamma akuersissut imaluunniit akuersissut naqissusigaq atuuttoq takutinneqassaaq, tassani pisat kommunip imaluunniit nunaqarfiup allaffiani nalunaarsorneqarsimasoq uppersarneqartarpoq.

#### Imm. 4-mut

Kingusinnerusukkut nakkutilliinissaq eqqarsaatigalugu, imm. 3-mi taaneqartut suliffeqarfiit, paaqqinnittarfiit imaluunniit neriniartarfiit uppersarsinnaassavaat, inuussutissarsiutigalugu piniartumit, kommunip aamma nunaqarfiup allaffiani pisanik nalunaarsuititsisimasumit, unioqqutitsinani pisineq pineqartoq.

#### Imm. 5-imut

Aalajangersakkap aalajangersarpaa uppersaatit pisariaqartut - imm. 4-imi taaneqartut - tassaasut akiligassiissut imaluunniit akiligassaq atsiugaq kiisalu piniartup inuussutissarsiutigalugu piniarnermut allagartaata atuuttup assilnera aamma akuersissummut kommunip imaluunniit nunaqarfiup allaffiata naqissusiinerata assilnera.

#### Imm. 6-imut

Piniartut inuussutissarsiutigalugu piniarnermut allagartamik atuuttumik aamma akuersissummut naqissusiititsisimasut imaluunniit akuersissummik peqartut kisimik assersuutigalugu piniakkat killilersukkat ilaannik tunisisinnaapput. Assersuutigalugu nannup amia, niaquata saarnga, kukii, neqaa aqajarualu. Qilalukkap qernertap tuugaava mattaalu aamma orsua imaluunniit assersuutigalugu umimmaap amia, qiviui, niaquata saarnga, nassui

neqaalu. Immikkoortut taakku tamakkerlutik akuersissutip imaluunniit akuersissuteqarnerup assilineranik allagarserneqassapput, taamaaliornikkut pisat unioqutitsinani aamma immikkoortut tamakkerlutik immikkut nalunaarsorneqarnerisa uppersarsarnissaat qulakkeerneqassaaq.

Pisat immikkoortui taakku pisiniarfiit tuniniaqqissinnaavaat, matumani akiligassiissut akiligassarluunniit atsiugaq kiisalu piniartup inuussutissarsiutigalugu piniarnermut allagartaata attuuttup assilineranik aamma kommunip imaluunniit nunaqarfiup allaffiata akuersissummut naqissusiinerata assilineranik takutissinnaagunikku. Immikkoortut taakku arlaqartut CITES-imi maleruagassanut ilaapput (Washington-imi isumaqatigiissut), taamaammat isumaqatigiissummik atuutsitsilersimasunut immikkoortumik/nik nunanut tamanut eqqussinermi, pisisup pisiarisimasaq unioqutitsinngitsumik pisiarinnineq, annissineq eqqussinerlu pisisimasup uppersarsinnaasussaavai.

Akuersissut imaluunniit akuersissuteqarneq paasisutissanik oqaatigeqqusaanngitsunik imaqarpata, taava taakku akuersissutip imaluunniit akuersissuteqarnerup pisiniarfimmi assigisaanilu takuneqarsinnaajunnarlugit piarneqassapput. Taamaakkaluartoq suliffeqarfiup akuersissutip imaluunniit akuersissuteqarnerup tamakkiisup assilineranik tigummiassaaq.

Imm. 7-imut

Imm. 6-imi taaneqartut, mattak, orsoq, ameq, niaqoq, nassuit, saarnigut, kukiit, kigutit/tuugaat aamma aqajaroq tuniniassallugu inerteqqutaavoq, aatsaalli pineqartoq inuussutissarsiutigalugu piniarnermut allagartamik atuuttumik aamma akuersissummik naqissusikkamik paarisarpat taama pisoqarsinnaavoq.

Imm. 7 naapertorlugu, unioqutitsilluni piniarnermi pisat ilaannik pisinissaq imaluunniit tigusinissaq inerteqqutaavoq. Unioqutitsilluni pisat ilaannik pisineq imaluunniit tigusineq, CITES-imut pingaarnertut ilaasunik, unioqutitsilerneruvoq. Suliaq pinerluttulerinerumut inatsisip § 111-ata naleqataanik eqqartuussissutigineqassaaq, taamaammat inummut ilaqtamiit imaluunniit aapparisaamiit nalinginnaasumik nerisassatut tiguisumut imaluunniit nioqutissanut, atortussianut imaluunniit kiffartuussinernut nalinginnaasumik akissarsiatut pissarsianik tiguisumut, pinerluttulerinerumut inatsit malillugu akisussaatisoqarsinnaanngilaq, tak. pinerluttulerinerut inatsimmi § 111, imm. 2.

Imm. 8-imut

Aalajangersakkap kinguneraa pisanik tuniniaasarneq pillugu maleruagassanik aalajangersaanissamut tunngavissaq Naalakkersuisut periarfissariligaat. Tamanna isumaqarpoq nittartakkakkut tuniniaaneq pillugu, piniagassat immikkuullarissut sumiiffillu, atuuttumik akuersissuteqarnissamut piunasaqaat pillugit maleruagassanik aalajangersaasoqarsinnaasoq.

§ 24-mut

#### Imm. 1-imut

Inuussutissarsiutigalugu piniartup pisaminik ilivitsumik ilaanilluunniit sumut tunisisinnaaneranut piunasaqaatinik, akuersissummut ilaasunik aalajangersaanissamut tunngavissamik aalajangersagaq oqartussaasunut periarfissiivoq, tassa imaappoq Naalakkersuisunut imaluunniit kommunimut. Assersuutigalugu tassaasinnaavoq neqaarniaq imaluunniit tunitsivik, Kalaallit Nunaanni nerisassanut oqartussaasunit akuerisaasoq – Kalaallit Nunaanni Uumasunut Nakorsaqaarnermut Inuussutissalerinermullu Oqartussat (UNIO). Aamma assersuutigalugu inuussutissarsiutigalugu piniartuq tunisinissamut akuersissummik atuuttumik peqarnissaa pillugu piunasaqaatinik aalajangersaasoqarsinnaavoq.

#### Imm. 2-mut

Sunngiffimmi piniartut kalaalimineerniarfinni tuniniaasinnaanerat tunisisarnerallu pillugit apeqqutit najukkami kommunimi oqartussaasunit aalajangiiffigineqassapput. Assersuutigalugu sunngiffimmi piniartut tuttnik nujuartanik pisaata neqaannik imaluunniit puisitamik neqaannik orsuannillu kalaalimineerniarfimmu tunisisinnaanerannut akuersissutaasinnaavoq. Maleruagassat assingi suli eqquutsinneqartussaapput, § 23-mi, imm. 1-imi taaneqartut. Tassa imaappoq, uppernarsaateqarnissaq pillugu piunasaqaatit assingi atuupput. Sunngiffimmi piniarnermut allagartaq atuuttoq aamma akuersissut imaluunniit akuersissut naqinneqarsimasoq, kommunip imaluunniit nunaqarfiup allaffiani nalunaarsorlugu uppernarsagaq, takutinneqartussaapput.

#### Imm. 3-mut

Inuussutissanik (tunisassiat suliareriikkat) tuniniaaneq pineqartillugu Naalakkersuisut inuussutissalerinermut oqartussaasuata (UNIO) inatsisai sukkulluunniit atuuttut kalaalimineerniarfiup eqquutsittussaavai, tassa imaappoq inuussutissalerinermut inatsit (Inuussutissat pillugit Inatsisartut inatsisaat nr. 24, 28. november 2019-imeersoq), aammalu maleruagassat taanna tunngavigalugu atuutilersitat.

Taamatuttaaq piffissami piniarfiusup akuerisaasup ingerlanerani taamaallaat uumasunik kalaalimineerniarfimmi tuniniaasoqarsinnaavoq. Piffissami piniarfiusumi tassani piniartumut pineqartumut atuuppoq, inuk taanna inuussutissarsiutigalugu imaluunniit sunngiffimmi piniartuuppat, tassa inuussutissarsiutigalugu piniarnermut aamma sunngiffimmi piniarnermut piffissaliussat assigiinngissinnaammata. Taamaattoq uumasut aalajangersimasut mininneqarsinnaapput, assersuutigalugu arferit angisuut neqaannik, mattaannik orsuannillu tuniniaanerami.

#### Imm. 4-mut

Suliereqqiinermit, atuinermut, tuniniaanermit aamma pisanik tunisaqaarnermut, nalinginnaasumik nalunaarutitut isikkulinnik, sukumiisuusunik maleruagassanik Naalakkersuisut aalajangersaasarnissaannut tunngavissamik aalajangersagaq pilersitsivoq.

Tamatuma peqatigisaanik unioqqutitsisumik pisat imaluunniit imminut illersorniarluni uumasut pisat ilanngarneqanngitsut ilanngarneqarsimasulluunniit, pisortat suliffeqarfiutaannut aamma najukkami innuttaasunut agguanneqarsinnaanerat aalajangersarneqarsinnaavoq. Assersuutigalugu taanna tassaasinnaavoq utoqqaat illuat, inunnik isumaginnikkut paaqqinnittarfik, atuarfik imaluunniit meeqqerivik il.il.

Imm. 5-imut

Pingaarnertut tunisassioortunut pikkorissartitsisoqartarnikuvoq, § 3, nr. 12-imi oqaasertalerneqartumik, inuussutissanik isumannaassuseqi qaffaaffiginissaa siunertaralugu. Tamanna tunuliaqutaralugu, pingaarnertut tunisassioortunut pikkorissartitsisarnissanut maleruagassat Naalakkersuisunit aalajangersaaffigineqarsinnaanerannut tunngavissamik kiisalu suliffeqarfinnut, paaqqinnittarfinnut neriniartarfinnullu toqqaannartumik tunisisinnaanermut piumasaqatitut pikkorissarsimanissap piumasaqaatiginissaanut aalajangersagaq pilersitsivoq, tak. § 23, imm. 3.

#### *§ 25-mut*

Imm. 1-imut

Ataatsimoorluni piniarnermut, nalinginnaasumik assersuutigalugu arfanniarnermi, ataatsimoorluni piniartoqartillugu piniagassat pillugit nalunaarutini immikkoortumiittartunik, maleruagassanik aalajangersaasarnissamut Naalakkersuisut tunngavissaannik aalajangersagaq pilersitsivoq. Tamanna isumaqarpoq atortut atorneqartussat, angallatit qassit ataatsimoorluni piniarnermi peqataasinnaanersut, kiisalu sunngiffimmi piniartut inuussutissarsiutigalugu piniartut qanoq piniaqatigiissinnaanerat pillugu maleruagassanik Naalakkersuisut aalajangersaaffigineqarsinnaanerannut tunngavissamik aalajangersagaq tunngavissiisoq.

Imm. 2-mut

Ataatsimoorluni piniarnermut aqutsisussamik toqqaanissamut Naalakkersuisut peqatigiiffiit kattuffiillu pisussaatisinnaavaat, assersuutigalugu aalisarnermut pinianermullu peqatigiiffiit KNAPK aamma SQAPK. Ataatsimoorluni tikaagullinniarnep saniatigut piniagassanik allanik piniaqatigiittoqarsinnaammat ataatsimoorluni piniaqatigiinnernut tamanut siunnersuut atuuppoq. Taamaalilluni ataatsimoorluni piniarnermi peqataasut akuersissummilu taaneqartut tamarmik, soorlu miluumasunik imarmiunik nunamiunilluunniit, ataatsimoorluni piniarnermi aqutsisussamik toqqaasinnaassapput. Piniarnerup ingerlanneqarnerani peqataasut sinnerlugit, piniarneq, pisat agguarneqarnerat pisallu nalunaarutiginissaat aqutsisup toqarneqarnermigut aqutsisuuffigissavai.

Imm. 3-mut

Aqutsisumik toqqaasoqalersillugu, ataatsimoorluni piniarnermut peqataasinnaanermi, peqataasut allat assigalugit piumasaqaatit aqutsisup eqquutsittussaammagit ilanngullugu eqqarsaatigineqartassaaq, tamatumani assersuutigalugu inuussutissarsiutigalugu piniarnermut allagartaq aamma akuersissutit pineqarpoq.

Imm. 4-mut

Inatsisartut inatsisaanni uani maleruagassanik eqquutsitsinissamut kina akisussaasuussanersoq ersersikkumallugu aalajangersagaq una atuutilersinneqarpoq, matumani ilaatigut piniarnerup ingerlanneqarnera aamma maleruagassanik eqquutsitsinissaq kiisalu ataatsimoorluni piniarnerup naammassinerata kingorna pisanik nalunaaruteqarnissaq pillugu apeqqut ilanngullugit. Taamaalilluni maleruagassat eqquutsinneqarnissaannut peqataasut tamakkerlutik akisussaasuunissaat naqissuserneqarpoq, matumani nassuiarneqarsimasutut piniutit atorneqartut imaluunniit piniarnerup kingorna nalunaaruteqarnissaq pillugit apeqqutit pineqaraluarpataluunniit. Soorluttaaq oqaasertaliussami § 3, nr. 3-miittumi atuarneqarsinnaasutut, piniarnermi aallaaniarnermilu peqataaneq tassaavoq, pineqartup aallaammik imaluunniit piniutinik allanik atuinermigut uumasumik susinnaajunnaarsitsinera, ikiliinera toqutsineraluunniit.

Paarlattuanik inuk angallammik nunakkoorummilluunniit ingerlatsisoq tassunga ilaatinneqanngilaq, taamaammat inuk taanna imm. 4 naapertorlugu akisussaatinneqarsinnaanngilaq.

#### *§ 26-mut*

Imm. 1-imut

Piniarnermut aallaaniarnermullu angallatit nunakkoorutillunniit motorillit atorneqaqqusaanngitsut pillugit allattukkanik peqarpoq, tassa imaappoq timmisartut, qulimiguullit aamma nunakkoorutit motorillit, matumani qamuteralaat ATV-illu kiisalu angallatit takissuseq pillugu allagartartik malillugu 15 meterimik takissusaa tamakkerlugu (t.t.) takinerunngitsut ilanngullugit tamakkulu ilassutissaqartuarput. Pingaernerli tassaavoq, nunakkoorutit angallatillu motorillit pineqarmata. Kisianni aamma angallatit tissiartaatit ilaapput, taakku tamakkiisumik ilaannakuusumilluunniit motorimik ingerlanneqartussatut atortulerneqarsimappata.

Paarlattuanik qaannat qimussilluunniit matumani pineqanngillat taakku motoreqanngimmata taamaattumillu piniarnermut aallaaniarnermullu atorneqarsinnaallutik.

Tammaarsimaarfiliarnermut tassangaanniillu utertermut angallassissutit motorillit atorneqarsinnaapput, kisianni piniariarfimmut piniagassanut taama ittoq atorneqaqqusaanngilaq. Umasut minnerpaamik 500 meterinik ungasississuseqarfigineqassapput. Pisunili assersuutigalugu sikukkut ammalatami (sassani) arfernut pisanut tamanna atuutinngilaq.

Piniakkanut killilersukkanut immikkuullarissunut angallatit angissusissaat pillugit immikkut ilanngitsut eqqarsaatigalugit, pingaartumik arferit angisuut pineqartarput taamaammat aamma angallatit anginerusut atorneqarsinnaapput.

Piniarnermi aallaaniarnermilu drone-t atornissaat inerteqqutaavoq. Tassa imaappoq, piniarnerup aallaaniarnerullu ilaatut, sumiissusersiniaanermut, malersuinermut, ungoorinermut, katersinermut imaluunniit allatut drone-t atorneqaqqusaanngillat.

#### Imm. 2-mut

Piniariaatsit ilaat uumasunik pisariaqanngitsumik naalliutsitsisinnaasut inerteqqutaanerat aalajangersakkap naqissuserpaa. Allattukkani killeqanngiusattuni taaneqarput toqunartut, nammineq seqqortussiat, kiisartut, ningarniutit imaluunniit teknikkikkut atortulersuutit allat uumasunik piniakkanik uninngatitsisinnaasut. Paarlattuanik nunap ilaani aalajangersimasuni timmissat ilaat aalajangersimasut qalut atorlugit pisarineqarsinnaapput, assersuutigalugu appaliarsuit. Matuma saniatigut International Standardization Organisation-imit akuerineqarsimasut piniutit atorneqarsinnaapput.

Uumasut piniakkat imarmiut eqqarsaatigalugit, assersuutigalugu puisit arferillu, tuukkamik avatalikkamik assingusumilluunniit atortulikkamik atuilluni uninngatinneqarsinnaapput, taamaalilluni uumasooq piniagaq kivinnginniassammat annaaneqarlunilu.

#### Imm. 3-mut

Piniarnermi aallaaniarnermilu aallaasit equinnartakkat eqittaannartakkallu atorneqarnissaannut inerteqquteqarneq 1993-mili eqqunneqarpoq. Inerteqquteqarneq taanna uumasunut piniakkanut tamanut atuuppoq, matumani mininneqarsinnaasut pillugit ersarissumik allanneqarsimasut minillugit, tak. imm. 4.

#### Imm. 4-mut

Imm. 3-mi taaneqartutut, § 7, imm. 2 malillugu inuussutissarsiutigalugu piniarnermut allaaniarnermullu aallaasit eqittaannartakkat atorneqarsinnaanerannut inerteqquteqarnermit Naalakkersuisut minitaqarsinnaapput, uumasut piniakkat aalajangersimasut, nunap immikkoortuanut aamma piffissaliussat ilaannut. Qilalukkanik qaqortanik qernertanillu inuussutissarsiutigalugu piniarnermut atatillugu tunngavissaq taanna taamaallaat atorneqarpoq, tak. § 12, Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 3, 27. januar 2017-imeersumiittoq. Kisianni inuit inuussutissarsiutigalugu piniarnermut allagartallit kisimik aallaasinik eqittaannartakkanik atuisinnaatitaapput.

#### Imm. 5-imut

Piniariaatsinut inerteqqutaasunut tunngatillugu imm. 2-mut atatillugu ajunngitsumik killiliinertut, uumasooqatigiinnik ataasiakkaanik piniarnermi piniutit suut atorneqarsinnaanerannut kiisalu periutsit suut atorneqarsinnaanersut matumani aallaasit sakkukinnerpaaffissaat sulloqqortussuseq suussanersoq kiisalu imassat suussusissaat qanorlu angitiginissaat pillugit maleruagassanik aalajangersaanissamut Naalakkersuisut

tunngavissaannik aalajangersagaq una pilersitsivoq. Piumasaqaatit taakku piniagassat pineqartut pillugit nalunaarutini soqutiginaatilinni aalajangersarneqassapput.

Assersuutigalugu aallaasit angissusaasa minnerpaaffilernerneqarsinnaapput umimmanniarnermi sulloqqortussusaa 6,5x55-iussasoq, akerlianilli tuttunniarnermi minnerpaamik sulloqqortussusaa .222-iussasoq. Imassanut tunngasunik piumasaqaateqartoqarsinnaavoq, taamaaliornermi qulakkeerniarneqassalluni uumasunik sukkasuumik toqutsinissamut naleqquttuunissaa, pisariitsumik anniartitsinertaqanngitsumillu toqutsinissaq anguniarlugu. Assersuutigalugu pisissip qarsullu ilusilersornerannut tamanna aamma atuuppoq.

#### Imm. 6-imut

Aalajangersakkap siunertaraa ilaatigut pisuussutinik asiutitsinissap pinngitsoortinnissaa, ilaatigut pissuserissaarnikkut mianerisassanik eqquutsinissap qulakkeernissaa matumani pisarisap atorneqarsinnaasortaasa pisaqarfimmiit angerlaanneqarnissaat qimatulineqarnissaalluunniit, (tassa piniarfigisami toqqorneqarneri, kingusinnerusukkut aaneqartussanngorlugit). Piniarfiup pilaffiulluunniit qimannginnerani sinnikut ima qimanneqassapput piniararfimmut ajoqutaatinnagit. Tamanna aamma pissaaq, uumasut kiisortut ornigussinnaanerat, matumani pingaartumik nannut illoqarfiup nunaqarfiullu eqqaanukarnissaat pinngitsoortinniarlugu.

Arferit qiteralii eqqarsaatigalugit pilaffiup avataanut kiversarneqassapput taamaaliornermi siunissami pilattussanut akornutaqqunagit.

#### Imm. 7-imut

Aalajangersakkap siunertaraa Naalakkersuisut assartuutit motorillit, qulimiguulik ilanngullugu, ATV, umiatsiat, qamuteralaat il. il. piniarnermut aallaaniarnermullu atatillugu atornissaat pillugu maleruagassanik sukumiinerusunik nalunaarutikkut aalajangersaasinnannissaat. Tamanna isumaqarpoq qulimiguullip ullormut qasseriaq timmeqqusaanersoq pillugu maleruagassanik aalajangersaasoqarsinnaasoq, nunaminertat timmiffigeqqusaanngitsut, motorip sakkortussusaa il. il.

Aalajangersagaq aallaaniarnermut tammaarsimaarfimmut tammaarsimaarfimmiillu assartuinermi aamma atugassaavoq.

Aalajangersagaq ilanngunneqarpoq qulakkeerniarlugu assartuinerup eqqortumik ingerlanneqarnissaa nunaminertani uumasut pisariaqanngitsumik akornusersornaveersaarnissaat anguniarlugu.

#### § 27-mut

#### Imm. 1-imut



Inatsisartut inatsisaat una malillugu maleruagassanik, allaffissorneq ilanngullugu, ingerlatsinerup ilaanik isumaginninnissaq kommunimut peqqussutigineqassanersoq pillugu maleruagassanik aalajangersaanissamut aalajangersakkap Naalakkersuisut pisinnaatippai.

Taamaalilluni nunap immikkoortuani killilimmi uumasogatigiinnik nujuartanik ingerlatsinissamut tunngatillugu, akisussaaffimmik piginnaatitsinermillu kommunimut tunniussisinnaanermut Naalakkersuisut pisinnaatinneqarput, matumani aalajangiisinnaanermut piginnaatitsissut ilanngullugu assersuutigalugu kommunip ingerlatsiveqarfiani pisassiissutit aalajangersarneqarsimasut agguataarneqarnissaannut tunngasut aamma nalunaarutininik tigusereernermi akuersissutinik agguaassineq imaluunniit kommunip ileqqoreqqusaa aqutugalugu najukkami ingerlatsinissamik suliasat allat. Naalakkersuisut tassaapput kisimiillutik sulii pisassiissuteqarnermi aalajangiisartutut oqartussaasut.

#### Imm. 2-mut

Pisassiissutit atorneqanngitsoornikut agguateqqinnissaannut akisussaaffik pisinnaatitaanerlu kommuninut tunniunneqarnissaannik aalajangersakkap Naalakkersuisut pisinnaatippai. Tassa imaappoq, pisarineqartunik pisassiissutaasimasunik nalunaarsuisup kommunip pineqartup aamma pisassiissutinik imaluunniit akuersissutinik agguasseqqinnissamut akisussaaffik tigussavaa, taakku atorneqarsimanngippata. Tunniussineq assersuutigalugu aamma pisuni piniartup ataatsip imaluunniit arlaqartut akuersissummik atuisinnaajunnaarnerani pisinnaavoq, taamaalilluni allanut agguaassisoqarsinnaassammat. Ilangullugu aalajangersakkap kommunit pisussaattippai agguasseqqinnerup inerneranik Aalisarnermut Piniarnermullu Naalakkersuisoqarfimmut kingusinnerpaamik ullut pingasut agguaassereernerup pereerneraniit nalunaarutigissallugu.

#### Imm. 3-mut

Naalakkersuisut pisinnaatinneqarput, Piniarneq pillugu Siunnersuisoqatigiinnut kattuffinnullu allanut attuumassuteqartunut soorlu assersuutigalugu KNAPK-mut aamma SQAPK-mut tusarniaanerp kingorna, nunap immikkoortuanik killeqarfilikkamik ingerlatsinerup akisussaaffiup pisinnaatitaaffiullu tamakkiisup ilaannakuusulluunniit kommunip ingerlatsivianut tunniussisinnaanermut, matumani aalajangiinerit pingaarnerit sulii Naalakkersuisunit aalajangiiffigineqartassallutik. Kommuninut akisussaaffinnik tunniussisinnaanermut sinaakkutit pingaarnerit nalunaarummi aalajangersarneqassapput, tassunga ilanngullugu malittarisassat sukumiinerusut kommunimi ileqqoreqqusaliornikkut aalajangersarneqarnissaat pillugu piumasarineqassasut.

#### Imm. 4-mut

Kommunit ingerlatsiviinut tunniussinermut atatillugu piumasaaqatiginik aalajangersaanissamut Naalakkersuisut pisinnaatitaapput. tak. imm. 3. Tunniussineq nalunaarut aqutugalugu pissaaq tunniussinermullu atatillugu piumasaaqatitut kissaatigineqartut aammattaaq nalunaarummi atuarneqarsinnaassapput.

#### Imm. 5-imut

Kommuninut akisussaaffimmik pisinnaatitaanermillu tunniussineq pillugu nalunaarummi maleruagassat Naalackersuisut aalajangersareerpatigit, suliassaqarfimmut pineqartumut ingerlatsineq pillugu kommunip ileqqoreqqusaanik kommunalbestyrelsi suliaqassaaq. Kommunip ileqqoreqqusaa Naalackersuisunit atuuttunngortinneqarlunilu saqqummiunneqassaaq.

#### § 28-mut

#### Imm. 1-imut

Ilisimatusartut misissuisinnaanerannut akuersisummik, matumani aalajangersagaq una tunngavigalugu uumasunik timmissanillu piniarneq aallaaniarnerlu aqputigalugit, tunniussisinnaanermut aalajangersakkap Naalackersuisut pisinnaatippai. Taamaalilluni Inatsisartut inatsisaanni maleruagassat avaqqunneqarsinnaapput, ilisimatusarnermi misissuinerup ilaatut uumasunik pisaqarniarneq, misiligutissanik tigusiniarneq, kisitsineq, misissuineq aamma misissueqqissaarineq il.il. siunertaralugit.

Tamatuma saniatigut nunap immikkoortuinut eqqissisimatitanut isersinnaaneq aamma akuerineqarsinnaavoq, matumani qeqertat ilanngullugit, nunap piniagassatigut pisuussutaanik sumiissusersiniarneq imaluunniit ilisimatusarnermi misissuinissaq siunertaralugu. Taamatuttaaq akuersisummumut ilisimatusarnermi suliniutinut drone-t atorineqarsinnaanerit ilaavoq. Oqartussaasut akuersissutaat allat, Aalisarnermut Piniarnermullu Naalackersuisoqarfiup oqartussaaffittut suliassaqarfiinut ilaanngitsut, soorlu Nunalerinermut, Imminut Pilersornermut, Nukissiutinut Avatangiisinullu Naalackersuisoqarfimmit aamma Kalaallit Nunaanni Uumasunut Nakorsaqaarnermut Inuussutissalerinermullu Oqartussaqaarfimmit, kiisalu Inuussutissarsiornermut, Niuernermut, Nunanut Allanut Silallu Pissusaata Allanngoriartorneranut Naalackersuisoqarfimmit oqartussaasutut akuersissutit, oqartussaasuniit taakkunangga pissarsiarineqassapput.

#### Imm. 2-mut

Uumasoaqatigiinnik nujuartanik illersuimalluni, uumasoaqatigiinnik attuumassuteqarsinnaasunik nunap immikkoortuani aalajangersimasumik killilikkami toqutsisinnaanermut maleruagassanik aalajangersaasarnissamut aalajangersagaq Naalackersuisunut tunngavissamik pilersitsivoq. Assersuutigineqarsinnaavoq timmissat taakkulu piaraat imaluunniit nunami miluumasut nunap immikkoortuani killilikkami, uumasumit kiisortumit nunap immikkoortuaniittoqarnera patsisigalugu ulorianartorsiortunik illersuinissaq siunertaralugu ukioq tamaat uumasunik kiisortunik piniarsinnaanermut akuersissut.

#### § 29-mut

#### Imm. 1-imut

Uumasunik nujuartanik nikeriarsinnaajunnaartitsineq, ungoorineq, suliaqarneq aamma pinngortitamut inissiineq kiisalu aallaaniarsinnaaneq imaluunniit allatut inuussutissarsiutigalugu atuinissaq siunertaralugu uumasogatigiiaanik piulersitsinissaq siunertaralugu uumasunik pinngortitamut inissitanik ingerlatsineq pillugit maleruagassanik aalajangersaanissamut aalajangersagaq Naalakkersuisunut pisinnaatitsivoq. Siusinnerusukkut tutunut umimmannullu nujuartanut atatillugu pisareersimavoq, nunap ilaanut allamut nuussinikkut matumalu kingorna uumasogatigiit nutaat piulersimallutik.

Piniarnermi aallaaniarnermilu periutsit pillugit maleruagassat suli atuupput, kisianni nikeriarsinnaajunnaartitsineq ungoorinerlu, uumasunik timmissanilluunniit ajoqusiisuunngitsumik, pullatit qalullu atorlugit pisartussaavoq. Inuussutissarsiutigalugu atuineq alla eqqarsaatigalugu, assersuutigalugu uumasuuteqarnissaq tunisisinnaanerlu siunertaralugit nerlernik nujuartanik ungoorisqarsinnaavoq suluinillu killuisoqarsinnaalluni.

#### § 30-mut

#### Imm. 1-imut

Piniarnermi pisat il.il. pillugit paasissutissat sorliit inuussutissarsiutigalugu aamma sunngiffimmi piniartut nalunaarutigisassaneraat pillugit, maleruagassanik aalajangersaanissamut aalajangersakkap Naalakkersuisut tunngavissippai. Paasissutissat Piniarneq aamma piniarnermut allagartamut atortulersuut, taassuma ataani immikkut pisanik nalunaarsuiffiit (særmeldingsskemaer) aqutigalugit nalunaarutigineqassapput. Atortulersuutini taakkunani piniarnermi pisat pillugit paasissutissat nalilersugassanngorlugit katersorneqartarput aamma qanoq annertutigisumik pisuussutitit atorneqarnerat pillugu paasissutissat atuisunut ingerlateqqinneqartarput.

Tamatuma saniatigut uumasunit pisanit uumasorsiuut misissugassaat tunniunneqartussaapput. Suut nassiunneqartussaanerannik nassuiaatit akuersissummi allallugit ilanngunneqartarput. Assersuutigalugu imaassinnaavoq nannup oqaata isuata ilamernga. Uumasorsiuut misissugassaat kommunip imaluunniit nunaqarfiup allaffianut tunniunneqassaaq, Pinngortitaleriffimmut ingerlateqqinneqarnera tassanngaanniit isumagineqassaaq.

#### Imm. 2-mut

Inuup ataasiinnaap ataatsimoorluni piniarnermi pisanik nalunaaruteqartussaanera qulakkeerumallugu, aalajangersakkap aalajangersaavigaa ataatsimoorullugu pisanik aqutsisoq nalunaaruteqarnissamut akisussaasuusoq aamma pisaqaqataasut allat aqqi inuttullu normui, nalunaarutip mumingani allanneqassasut. § 25, imm. 4 naapertorlugu ataatsimoorluni piniarnermi peqataasut tamarmik, nalunaaruteqarnissamut aamma Inatsisartut inatsisaannik uannga eqquutsitsinissamut akisussaasuummata oqaatigineqassaaq.

#### § 31-mut

Imm. 1-imut

Uumasumik nalunaaqutsikkamik, radiokkut imaluunniit qaammataasakkut nassitsissutilikkamik pisaqaraanni nassaaraanniluunniit inuk pineqartoq taakkuninnga Pinngortitaleriffimmut nassiussinissaminut pisussaatitaavoq, tassunga ilanngunneqassaaq paasissutissiissut uumasooq sumi qangalu pisarineqarsimanersoq imaluunniit nassaarineqarsimanersoq. Nanoq qarlumigut allikkut kisitsimmik kakiormermik peqarsimappat, kisitsit allanneqassaaq Pinngortitaleriffimnullu nassiunneqassalluni, uumasooq sumi qangalu pisarineqarsimanersoq nassaarineqarsimasorluunniit pillugu paasissutissamik ilaqartillugu.

### § 32-mut

Imm. 1-imut

Uumasut kiisortut illoqarfinnut nunaqarfinnullu appakaannertik pissutigalugu, inunnut uumasuutitut, allanullu uumasunut pigisanulluunniit pigisaallu ilaannut ulorianartorsiortitsisinnaasut, toqunneqartarnissaasa pinngitsoortinnissaat imaluunniit inuit uumasunik kiisortunik ujartuinerisa kingunerisaanik ulorianartorsiortoqarnissaasa pinngitsoortinnissaa aalajangersakkap siunertaraa. Taamaammat uumasut kiisortut qammarneqarnissaannut, ujartornissaannut, malersornissaannut imaluunniit allatut akornusersornissaannut tamatigut inerteqqussummik aalajangersaasoqarpoq, taamaalillutillu inunnut, uumasuutitut uumasunulluunniit allanut ulorianartorsiortitsisinnaanerat akornutaasinnaaneraluunniit imaluunniit pigisanut pigisalluunniit ilaannut ajoqusiisinnaanerat pinnginniassammat.

Matumani pingaartumik nannut imaluunniit amaqqut eqqarsaatigineqarput kisianni allatorneqarsinnaasut tamakkerneqanngillat. Qammarpaa allanneqaraangat, assersuutigalugu tamanna neqip aapasup imaluunniit neqip panertup tikkanik tamanna illoqarfiup nunaqarfiulluunniit avataatungaani qimanneqarsimasumit pisinnaavoq. Akerlianilli eqqaavissuit ammaannartut eqqarsaatigineqanngillat, najugaqarfiusut ilagisaat pingaaruteqartut. Assersuutigalugu nannunik ujartuineq malersuinerluunniit eqqarsaatigalugit, pissutsit imaassinnaapput inuit nannumik takunnikkusuttut taamaanneranilu taanna inunnut navianarsinnaavoq imaluunniit ingerlavimminik allannguisinnaavoq inoqarfiusullu tungaanut ingerlalerluni, taamaanneranilu inunnut allanut ulorianartorsiortitsisinnaalluni.

Imm. 2-mut

Pissutsit imaassinnaapput uumasumik kiisortumik ujartuinissaq pissusissamisoorluni, taamaammat aalajangersagaq inerteqquteqarnermit imm. 1-imiittumit immikkut minitsisoqarnikuvoq, pisuni inoqarfiusup eqqaani unioqqutitsisuunngitsumik aallaaniarnermut, akiliisitsilluni piniarnertaqanngitsumik takornariartitsinermut imaluunniit inuit najugaqarfianniit qimaatitsiniarnermut pisimappat, atatillugu tamanna pisimappat, tak.

imm. 3. Akiliisitsilluni piniarnertaqanngitsumik takornariartitsineq eqqarsaatigalugu piumasaqaatit inatsimmi attuumassuteqartumi takuneqarsinnaassapput.

Imm. 3-mut

Inuit pisinnaatitaasut nannumik qimaatitsiniarsarisunut akornutaasumik imaluunniit pinngitsoortitsisumik inuit assersuutigalugu nannumik takunnikkumallutik ussagarfigisinnaasaannik piulersoqarnissaa aalajangersakkap pinngitsoortittussaavaa. Inuit nannumut qanillivallaarsimmata, tamanna aamma nannup toqunneqarneranut patsisaasinnaavoq.

Inerteqquteqarnek pisunut politiit, nakkutilliinermik oqartussaasoq, kommunefogedit imaluunniit inuit oqartussaasuneersut allat uumasumik kiisortumik qimaasaaralutik sulinerannik pinngitsoortitsisunut akornusersuisunulluunniit tunngasuvoq. Immikkoortoq inoqarfusooq imaluunniit taassuma eqqaatungaaniittoq matumani pineqartussaavoq. Eqqaatungaaniinneq tassaasinnaavoq 2 kilometerisut ungasitsigisooq qaninnerusorluunniit soorlu aamma assersuutigalugu savaateqarfinnut 2 kilometerinik ungasissuseqarnissaaq.

Imm. 4-mut

Piniarnermi drone-t atorineqarnissaannut inerteqquteqarnerup assigisaatut, tak. § 26, imm. 1, oqaaseqaatip aappaani uumasut kiisortut piniarnermut imaluunniit aallaaniarnermut atatillugu filmiliarinissaannut allatulluunniit malersornissaannut drone-t atornissaat inerteqqutaavoq. Taamaattorli minitsissutigalugu uumasunut kiisortunut qimaasaarutitut, assersuutigalugu uumasooq kiisortooq tammaarsimaarfimmuut qaninngoorpat, imaluunniit ilisimatusarnermi misissuinermi atortutut drone-t atorineqarnissaat akuerisaavoq. Ilisimatusarnermik siunertat tassaapput, drone-mik timmisoqarnek pisortat suliffeqarfiat sinnerlugu ilisimatusarnermik misissuinerup suliarineqarnerani pisariaqartinneqartoq, tassunga ilanngullugu Pinngortitaleriffik imaluunniit ilisimatusarnermik suliat oqartussaasumit akisussaasumit akuerineqarsimasut.

Imm. 5-imut

Uumasunik ajornartorsiutaasunik, inuit inuuneri, peqqissusii pigisaalu, piniagassat ikittut ajortiasut nunap immikkoortuini, pisortat pigisaat kiisalu angallannikkut attaveqaateqarniarnikkullu pissutsit illersorniarnerrannut tamanna pisimappat, qimaasaarinermut toqutsinermulluunniit ersarinnerusunik maleruagassanik aalajangersaanissamut Naalakkersuisut tunngavissaannik aalajangersagaq pilersitsivoq. Malittarisassat taakku nalinginnaasumik nalunaarutit aqqutigalugit aalajangersaavigineqassapput. Aalajangersagaq una atorlugu Naalakkersuisut ilaatigut periarfissaqarput, sumiiffinni uumasooqarfiusuni imaluunniit allatigut najugaqarfiup neqitigut pilersorneqarneranut immikkut iluaqutigineqarsinnaappata uumasut ajornartorsiutaasut qimaasaarnissaat toqunneqarnissaallu pillugu ersarinnerusumik malittarisassanik aalajangersaanissaminnut.

### § 33-mut

#### Imm. 1-imut

Inuk pigisalluunniit illersorniarlugit uumasooq toqunneqarsimappat, pinerluttaalisitsinermi inatsisip maleruagassai naapertorlugit, taava uumasooq tamakkerlugu Namminersorlutik Oqartussat pigivaat. Aalisarnermut Piniarnermullu Naalackersuisooqarfik tassaavoq, uumasup taassumalu immikkoortuisa suneqarnissaannik aalajangiisusaaq. Nalinginnaanerpaamik pisortat suliffeqarfiutaannut neqi agguanneqartussaavoq assersuutigalugulu nanoq pineqarsimappat, taassuma niaqua, kukii amialu naalackersuisooqarfimmut nassiunneqassapput imaluunniit ilinniartitaanermut assigisaanulluunniit atatillugu atorneqarsinnaassallutik Aalisarnermut Piniarnermullu Naalackersuisooqarfik aamma atuarfiit suliffeqarfiillu attuumassuteqartut akornanni allaganngorlugu isumaqatigiissuteqarnikkut.

Imminut illersorneq pillugu maleruagassat pinerluttulerinermut inatsimmi § 9-mi allassimapput. Matuma kingorna inunntu immi illersorniarlutik iliuuseqarsimasunut, pinerluttulerinermi inatsimmi pineqaatissiissutaasinnaasut atuutissanngillat. Saassunneqarneq imaluunniit pissutissaqanngitsumik saassunneqarluinnaleneq akiorniarlugu imaluunniit pinngitsoortinniarlugu iliuuseqarnerit pisariaqartut pisimappata aamma taamaaliorneq saassussinerup navianassusianut, saassussisup inuttaanut saassunneqartullu inatsisitigut illersugaanerata pingaaruteqassusianut naleqqiullugu illersorneqarsinnaavoq.

Naak isumaqartoqaraluartooq uumasooq pissusissamisuunngitsumik saassussisinnaanngitsooq, aalajangersakkap taassuma inatsisartut inatsisaanni matumani atorneqarsinnaanera pingaartuuvoq, taamaalilluni uumasooq saassussisooq taassumalu ulorianassusaa.

Ajornartorsiornermi pininnaatitaaffik pillugu maleruagassat pinerluttulerinermut inatsimmi § 10-mi allassimapput. Matuma kingorna Inatsisartut inatsisaata pineqaatissiissutissatai atuutissanngillat, inunntu imaluunniit pigisanut ulorianartorsioortitsisunik pisariaqartumik pinngitsoortitsiniarlutik iliuuseqarsimasunut inunntu, matumani inatsisinik unioqqutitsineq annertunerusumik kinguneqartussatut isigineqarsinnaasimappat.

#### Imm. 2-mut

Inuk ajornartorsiornermi pininnaatitaaffik imaluunniit immi illersorneq atorlugu uumasumik toqutsisimasooq, periarfissaq siulleq atorlugu Aalisarnermut Piniarnermullu Naalackersuisooqarfik attaveqarfigissavaa. Tassunga atatillugu uumasup taassumaluunniit ilamernga suneqassanersoq naalackersuisooqarfiup ilisimatitsissutigissavaa.

### § 34-mut

#### Imm. 1-imut

Piniarneq pillugu Siunnersuisooqatigiit pilersinneqarnerat aamma Piniarneq pillugu Siunnersuisooqatigiit suliassat nassuiarnerat Aalisarnermut Piniarnermullu

Naalackersuisoqarfiup isumagisarpai. Naalackersuisoqarfik Piniarneq pillugu Siunnersuisoqatigiinnut allattoqarfittut atuuppoq aamma Piniarneq pillugu Siunnersuisoqatigiit tusarniaaffigineqarnerisa ingerlanneqarnissaat Naalackersuisoqarfiup qulakkeertarpaa. Piniarneq pillugu Siunnersuisoqatigiinnut ilaasortaapput kattuffiit suliffeqarfiillu piniarnermut aallaaniarnermullu attuumassutillit.

#### Imm. 2-mut

Aalajangersagaq tassaavoq Piniarneq pillugu Siunnersuisoqatigiit pillugit maleruagassanik, tassa imaappoq Piniarneq pillugu Siunnersuisoqatigiit suliassaannik, aalajangersaanissamut Naalackersuisut tunngavissiisuusooq, ilaatigullu Namminersorlutik Oqartussanut siunnersuisinnaanermut tunngatillugu Piniarneq pillugu Siunnersuisoqatigiit qanoq inissisimanerannik imaqartoq. Suliassat ilaatigut imarivaat Piniarneq pillugu Siunnersuisoqatigiit suleriaasissani nammineq aalajangersarnissaa. Suleriaaseq Naalackersuisunit akuerineqartussaavoq.

Taassuma saniatigut Piniarneq pillugu Siunnersuisoqatigiit inuusutissarsiummi soqutigisaqaqatigiinnik katitigaanissaat amerlassusissaallu Naalackersuisut aalajangersassavaat.

#### Imm. 3-mut

Suliani sorlerni Piniarneq pillugu Siunnersuisoqatigiit tusarniaaffigineqartarnissaat pillugu aalajangersakkanik aalajangersagaq imaqarpoq. Piniarneq pillugu Siunnersuisoqatigiit suliani tamatigoortunik qulaatigoortunillu taaneqarsinnaasuni taamaallaat tusarniarneqarsinnaapput. Paarlattuanik kommuniq ileqqoreqqusaanik saqqummiussinermut imaluunniit piniagassanik killilersukkanik akuersissutinik agguaassinermut atatillugu Piniarneq pillugu Siunnersuisoqatigiit tusarniarneqarsinnaanngillat. Tusarniutigineqartut isummerfigineqartassapput Piniarneq pillugu Siunnersuisoqatigiit suleriaasissaat malillugu.

Ombudsmandip oqaaseqaatimini septemberip 19-ianni 2002-meersumi uparuarppaa:

*"...Piniarneq pillugu Siunnersuisoqatigiit apeqqutini piniarnermut tunngasuni Naalackersuisunik siunnersuisartuupput, tassani pisuussutit uumassusillit eqqarsaatigalugit apeqqutit ineriartornerlu kiisalu taakku iluaqutiginiarneqarnerisa aqunneqarnerat oqallisigineqartarlutik. Taamaalillutik Piniarneq pillugu Siunnersuisoqatigiit, suliassat piniarnermut allaaniarnermullu tunngasut oqaluuserisinnaavaat Naalackersuisunut oqaaseqaammik tunniussinissaq siunertaralugu. Assersuutigalugu Piniarneq pillugu Siunnersuisoqatigiit, uumasut ilaat pillugit nalunaarutissanut missingiusiat ilaat tusarniaassutigineqarnissaat sioqqullugu saqqummerfigineqartarput kiisalu tusarniaanermut akissutit tiguneqarsimaleraangata takussutissiatut isikkulerlugit takuneqaqqittarlutik. Tusarniaanermi missingiusiat, tusarniaanermi akissutit, Piniarneq pillugu Siunnersuisoqatigiit siunnersuinerat kiisalu pisortaqaqarfiimmit naliliinerit tunngavigalugit inassuteqaasiortoqartarpoq, Naalackersuisut aalajangiinerinut tunngaviusartunik.*

*Inatsimmi § 2, imm. 2-mi allassimavoq, piniarnermik aallaaniarnermillu allaffissornikkut aqutsinermut atatillugu piniartut atuisullu ilisimasaasa ilaatinnissaat pingaartinneqassasoq, ilaatigut kattuffiit susassaqartut kiisalu Piniarneq pillugu Siunnersuisoqatigiit aqutigalugit. Tamatuma saniatigut Naalakkersuisut pisussaapput Piniarneq pillugu Siunnersuisoqatigiinnik tusarniaasarnissamut. Naalakkersuisut pisussaapput § 2, imm. 2 naapertorlugu naliliinerimi ingerlanneqartussami Piniarneq pillugu Siunnersuisoqatigiit oqaaseqaataat naliliinerilu ilaatissallugit, tamannali isumaqanngilaq paasissutissanut allanut sanilliullugit siunnersuisoqatigiit oqaaseqaataat pingaarnerutinneqassasut, kisiannili aamma siunnersuisoqatigiit oqaaseqaataasa isiginiarneqannginnissaannut tunngavissaqanngilaq. Piniarneq pillugu Siunnersuisoqatigiinnik tusarniaasarnierup allatigut sunik siunertaqarnerata nalilerniarneqarnerani Piniarneq pillugu Siunnersuisoqatigiit aaqqissuusaanikkut siunnersuisartuvittut inissisisimani pingaartinneqartariaqarpoq".*

Kiisalu Piniarneq pillugu Siunnersuisoqatigiinnut atatillugu oqaatigineqassaaq, Piniarneq pillugu Siunnersuisoqatigiit qanoq akulikitsigisumik ataatsimiittarsinnaanerit eqqarsaatigalugu aningaasatigut periarfissat killeqarmata. Piniarneq pillugu Siunnersuisoqatigiit suleriaasiannut tunngatillugu, aningaasaqarnikkut pissutsit periarfissaqartippassuk, Piniarneq pillugu Siunnersuisoqatigiit ikinnerpaamik ukiumut pingasoriarlutik ataatsimiittartussaapput, ataasarluni najuulluni ataatsimiinneq. Aningaasaqarniarnikkut periarfissat killeqarnerat pissutigalugu allakkatigut tusarniaasoqarsinnaavoq imaluunniit oqarasuaatikkut ataatsimiinnissamut aggersaasoqarsinnaavoq imaluunniit qarasaasiat atorlugit ataatsimiittoqarsinnaavoq.

Imm. 4-mut

Aalajangersagaq tassaavoq Piniarneq pillugu Siunnersuisoqatigiinnik tusarniaasarnissaq pillugu imm. 3-mik erseqqissaaneq, suliani kinguartinneqarsinnaanngitsuni allakkatigut tunngavilersuinnaanermut tunngasoq, tassa imaappoq apeqqutit ataatsimiinnissap ingerlannissaanut utaqqissunneqarsinnaanngitsut, imaluunniit ataatsimiinnissaq peqquteqavissumik pisinnaasimangippat. Tamattutaaq oqaatigineqassaaq, "ataatsimiinnermi isummerfigineqassaaq" aamma tassaasinnaammata oqarasuaatikkut ataatsimiinneq imaluunniit qarasaasiaq atorlugu ataatsimiinneq.

#### § 35-mut

Imm. 1-imut

Aalajangersagaq una malillugu, nakkutilliinermut oqartussaasoq, matumani piniarnermut aalisarnermillu nakkutilliisut ilanngullugit, politiit aamma Issittumi sakkutuut, angallat nunakkoorulluunniit suugaluartoq kiisalu angallassissutit nunakkoorutillu unitsissinnaavaat, ikiffigisinnaavaat misissuiffigalugulu tamanna pisariaqartutut nalilerneqarpat. Aalajangersagaq siammasissumik paasineqassaaq, tassa imaappoq, angallassissutit suugaluartulluunniit pineqarput, soorlu oqaasertaliunneqarsimasuni uani § 3, nr. 6.



Manna tikillugu pingaartumik illersornissaqarfiup sakkutuui imarsiortut (Issittumi sakkutuut) angallatinik nakkutilliinermik ingerlatsisimapput, tamakku unitsittarnerisigut ikiffigisarnerisigullu. Aallaavittut isigalugu Kalaallit Nunaanni Aalisarnermik Akuersissutinik Nakkutilliisoqarfik suliassamik taassuminnga ingerlatsisussaasoq § 5-imi akisussaanerup agguataarneqarneranut aalajangersakkatut. Tamanna pisartussaavoq naalagaaffimmi oqartussaasunut allanut immikkut ittumik isumaqatigiissuteqartoqarsimanngippat § 5, imm. 2 naapertorlugu. Tamatuma ilutigisaanik siusinnerusukkut illersornissaqarfiup aalisarnermik nakkutilliisuinut politiinullu piumasaqaataasimasut pisussaaffiit Kalaallit Nunaanni Aalisarnermik Akuersissutinik Nakkutilliisoqarfiup tigunguuai. Kapitali 7-mi aalajangersakkanik atuutsitsinermut politiiniit aamma illersornissaqarfiup aalisarnermik nakkutilliisuinut ikiorneqaqqulluni Kalaallit Nunaanni Aalisarsinnaanikkut Akuersissutinik Nakkutilliisoqarfik noqqaasinnaavoq, tamanna pillugu aalajangersimasumik pisariaqartitsisoqarsimappat, assersuutigalugu angallat ikiffigineqarnissaminik nakkutilliiffigineqarnissaminillu itigartitsippat.

Angallatip Kalaallit Nunaanneersuunera imaluunniit nunanit allaneersuunera apeqqutaatinnagu, nakkutilliinermik suliassat ingerlanneqarsinnaapput.

Akuersissutini piumasaqaatit eqquutsinneqarnersut misissorumallugu, angallatip nunakkoortullu pappiliartaanik uppernarsaatitaanillu takunninnissaq Nakkutilliinermut oqartussaasup piumasarisinnaavaa. Tamanna nalinginnaasumik ima isumaqarpoq, kinaassutsimut uppernarsaammik, piniarnermut allagartamik akuersissummik akuersissutinilluunniit misissuineq, matumani ilanngullugu qulakkeerniarlugu inuk akuersissummik piginnittoq, piniarnermik aallaaniarnermillu ingerlatsisoq, inuup imaluunniit inatsisitigut pisinnaatitaasup akuersissummi allaqqasup assigneraa. Sulinermit atatillugu misissuinermit atugassatut piniarnermi aallaaniarnermilu atortut qaqinneqarnissaat aamma Nakkutilliinermut oqartussaasup piumasarisinnaavaa.

#### Imm. 2-mut

Aallaavittut isigalugu Nakkutilliinermut oqartussaasup misissuineq, angallatip nunakkoortulluunniit unitsinneqarfiani ikiffigineqarfianiluunniit ingerlatissavaa. Kisianni angallatit nunakkoortullu nunamut taleqqusaasinnaapput sumiiffimmullu aalajangersimasumut ingerlaqqusaasinnaapput, pisanik atortunillu misissuinissaq nakkutilliinissarlu siunertaralugit. Kalaallit Nunaanni umiarsualivimmut toqqarneqartumut angallat ingerlassasoq imaluunniit nunakkoortut sumiiffimmut toqqakkamut ingerlassasoq Nakkutilliinermut oqartussaasup peqqusinnaavaa. Pisat atortullu misissornissaat siunertarineqarsinnaavoq aamma pisat sukumiisumik kisinnissaat siunertaasinnaavoq kisianni pisanut atortunullu tunngatillugu uppernarsaatit qularnaarnissaat aamma siunertaasinnaalluni.

#### Imm. 3-mut

Piniarnerup aallaaniarnerullu ingerlannissaanut piniartup aallaaniartulluunniit akuersissummik peqarneranut uppernarsaammik takunninnissaq Nakkutilliinermut

oqartussaasup piumasarisinnaavaa, tassa imaappoq inuup kinaaneranut uppersaat, piniarnermut allagartaq akuersissulluunniit. Inuup allap oqartussaassusillip Naalackersuisuniillu toqqarneqarsimasup, assersuutigalugu Kalaallit Nunaanni Namminersorlutik Oqartussani atorfillit, suliassani immikkuullarissuni peqataasinnaanermut toqqarneqarsinnaapput.

Imm. 4-mut

Aalajangersakkap aalajangersarpaa, eqqartuussivimmit aalajangiisoqanngikkaluartoq imm. 1-3 naapertorlugit nakkutilliinermut oqartussaasoq aamma inuk immikkut pisinnaatitaaffiligaq pisinnaatitaaffinnik ingerlatsisinnaasoq, kinaassutsimut uppersaammik takutitsinermigut. Tamanna immikkoortumi periutsimut maannamut atuuttumut akuerisaasumullu naapertuuppoq.

Imm. 5-imut

Suliassanik isumaginninnissamut, nakkutilliinermut oqartussaasoq aamma inuk immikkut pisinnaatitaasoq pillugit imm. 1-3-mi taaneqartutut, suliassat periutsillu il.il. pillugit ersarinnerusunik maleruagassanik aalajangersaasinnaanermut Naalackersuisut tunngavissaannik aalajangersagaq pilersitsivoq.

### *§ 36-imut*

Imm. 1-imut

Angallatit aalisariutit piniariutillu malinnaasinnaanermut atortulersuutinik (FOE) ikkussuisoqareersimanngippat, taama ittumik ikkussinissamut piniarnermut aallaaniarnermullu angallammik piginnittoq peqquneqarsinnaaneranut nakkutilliinermut oqartussaasup tunngavissaannik aalajangersagaq pilersitsivoq. Ilaatigut angallatip sumiiffia, siunnerfia sukkassusaa il.il. atortulersuutip nassiuttarpai.

Aalajangersagaq tamakkiisuunngilaq, kisianni paasissutissat sulianut allanut tunngassuteqartut aamma matumani pineqarsinnaapput.

Imm. 2-mut

Angallatit malinnaaviginissaannut atortulersuutit atornissaannut, matumani ilanngullugit atortulersuummik ingerlatsineq, teknikkimut nassuiaatinik aamma sulianut allanut tunngassuteqartut paasissutissat il.il. pillugit ersarinnerusunik maleruagassanik saqqummiussinissamut aalajangersakkap Naalackersuisut piginnaatippai.

### *§ 37-mut*

Imm. 1-imut

Aalajangersakkami siunertaq tassaavoq nakkutilliinermut periarfissap qulakkeerneqarnissaa. Peqqusinerit inerteqqutillu taamaalilluni pisat nalunaarutiginnissaat nalunaarsornissaallu

pillugit nalinginnaasumik piunasaqaatinut pingaaruteqartumik tapertaasussatut atuuttussaapput, tamanna pillugu pisariaqartitsisoqartoq nalilerneqarpat.

Peqqusinerit inerteqquteqarnerillu angallassissutinut sunulluunniit atuupput, oqaasertalerneqarsimasutut uani § 3, nr. 6.

Sanilliussinermik tunngavik uani isiginiarneqassaaq, taamaalillunilu periutsit sakkukinnerusumik sunniuteqarsinnaasut atorniarneqassapput, oqartussaasut assersuutigalugu nunami sumiiffimmut aalajangersimasumut imaluunniit pilannissamat sumiiffimmut aalajangersimasumut ingerlasoqarnissaanik peqqusinissaat sioqqullugu. Taamaalilluni nakkutilliinerup ingerlannissaanut tamanna pisariaqarsinnaavoq, assersuutigalugu sumiiffik imaluunniit sumiiffimmi pissutsit nakkutilliinermut naleqquttuunnginnerat pissutigalugu imaluunniit nakkutilliinermi assigisaaniluunniit atortulersuutinik immikkuullarissunik atortunilluunniit pisariaqartitsineq pissutigalugit.

Nr. 1

Nakkutilliinermut oqartussaasoq assersuutigalugu angallammut nunakkoorummulluunniit, Kalaallit Nunaanni tulaassiffiusartumut sumiiffimmut aalajangersimasumut imaluunniit umiarsualivimmuut imaluunniit pilattarfimmut aalajangersimasumut, ingerlaqqusilluni peqqusisinnaavoq.

Nr. 2

Angallatip nunakkoortilluunniit pisani usingiassanngikkai imaluunniit pilanneq aallartissanngikkaa oqartussaasup aamma peqqussutigisinnaavaa, pisat nakkutilliinermut oqartussaasumit misissorneqarsimatinnagit imaluunniit nakkutilliinermut oqartussaasoq sumiiffimmi najuutilersinnagu.

Nr. 3

Imaatigut nunakkullu piniarnermi aamma tulaassinermi, tikinnermi imaluunniit angallammut nunakkoorummulluunniit usinik nuussinermi, nakkutilliisup najuunnissaa pillugu oqartussaasup peqqusisinnaaneranik aalajangersagaq malitseqarpoq. Tamanna assersuutigalugu atorneqarsinnaavoq, angallatinut, nunakkoortinut, suliffeqarfimmut imaluunniit nunap immikkoortuinut aalajangersimasunut, piffissap ingerlanerani pisanik sunniuteqarluarnerusumik nakkutilliisoqarnissaanik pisariaqartitsisoqarsimatillugu imaluunniit pisariaqartitsisoqartillugu.

Nr. 4-mut

Assersuutigalugu piniagassanik killilersukkanik aalajangersimasunit aningaasat kaaviiartitat nakkutilliiviginissaa siunertaralugu, angallatinut nunakkoortinullu peqqusissutinik saqqummiussisoqarsinnaavoq, suliffeqarfiit tulaassinermi, usit nuunnerini, immikkoortiterinermi imaluunniit pisat agguanneranni erngersumik nakkutilliinermut

oqartussaasumut siumoortumik nalunaarutigisassagaat ussersaasoqassasoq. Tassunga ilanngullugu oqimaalutaaneq oqimaalutaasartumit akuerineqartumit ingerlanneqarsinnaavoq.

### § 38-mut

#### Imm. 1-imut

Siunnersuusiormermit atatillugu nakkutilliinermi pisinnaatitaaffiit atuuttut pisariillisarneqarnissaasa pisariaqarnerat Naalakkersuisunit nalilersoqqissaarneqarnikuupput. Tassunga atatillugu pisariaqartutut isumaqarfigineqarpoq angallatinik, nunakkoortunik suliffeqarfinnillu, pisat il.il. aallaavigalugit aningaasanik kaaviiartitsisunik, suliarinneqqittartunik, suliaqartartunik, poortueqqittartunik, assartuisartunik imaluunniit toqqortaateqartartunik nalunaarutigineqanngitsumik pisanik nakkutilliinermik ingerlatsisoqartarnissaa, matumani piniarnermik aallaaniarnermillu sunniuteqarluartumik nakkutilliineq ingerlassinnaajumallugu. Suliffeqarfinnut isersinnaanermut aamma angallatinut nunakkoortinullu ikisinnaanermut piumasaqaat tassaaginnarpoq, Inatsisartut inatsisaannik imaluunniit taanna naapertorlugu maleruagassanik saqqummiunneqarsimasunik eqquutsitsisoqarnerasoq nakkutilliinermut oqartussaasup suliaqarnerani tamanna ilaasutut pisarmat. Taamaalilluni inatsisitigut pituttukkanik suliaannik isumaginnissinnaajumalluni nakkutilliinermik oqartussaasup nalinginnaasumik isersinnaanera matumani pineqarpoq.

Siunnersuummi taamaalilluni kinaassutsimut uppersaammik takutitsinikkut eqqartuussivikkut aalajangiinertaqanngitsumik nakkutilliinermut oqartussaasup appakaassinnaanera attatiinnarneqarpoq, taanna angallatini, nunakkoortuni suliffeqarfinnilu siunnersuummi taaneqartuni pisanik nakkutilliisinnaavoq. Angallatit nunakkoortillu oqaasertalerneqartut § 3, nr. 6-imi, suliffeqarfiillu oqaasertalerneqarput siamasissumik, tassaasut suliffeqarfiit tamarnik, aningaasanik kaaviiartitsisut, suliarinneqqittartut imaluunniit pisanik toqqortarinnittartut imaluunniit pisanit taakkuluunniit ilaannik tunisassiorartut. Assersuutigalugu oqariartaatsimut tassunga aamma ilaasinnaapput pisiniarfiit imaluunniit tunisassiorfiit amernik, saanernik, kukinnik, niaqqup saarnganik, kigutitik imaluunniit mattammik il. il. suliarinneqqittartut tunisisartulluunniit.

#### Imm. 2-mut

Aalajangersagaq una malillugu Inatsisartut inatsisaannik unioqqutitsisoqarnera pillugu piviusumik pasitsaassisoqarsimappat, inuit nammineq pigisaanni nalunaarutigineqanngitsumik nakkutilliilluni takuniaaneq aammattaaq nakkutilliinermut oqartussaasup ingerlassinnaavaa. Nakkutilliinermut oqartussaasup piffissap qanoq ilinerani inuit namminneq pigisaannut appakaassinnaanermik piumasaqarsinnaanera sakkortusineqarnikuuvoq imm. 1 naapertorlugu. Taamaalilluni inatsisartut inatsisaannik imaluunniit taanna naapertorlugu maleruagassanik unioqqutitsinermut atasumik pineqartup nammineq pigisaa atorneqartoq pillugu pasitsaassisoqarsimassaaq. Piniartup nalinginnaasumik pisani nammineq illumini toqqortarisarsimappagit, tamatuma

ilimanarsisissavaa, pisumi aalajangersimasuni tassani pisat toqqortarineqarnerinut nammineq pigisaq aamma atorneqartoq.

Sanilliussinermik tunngavik uani isiginiarneqassaaq, taamaalillunilu inuit nammineq pigisaat oqartussat isiginneranni iliuitsit annikinnerusut atorneqarniassapput. Sulialli kinguartinneqarsinnaannginnera eqqarsaatigalugu imaluunniit nakkutilliinermi oqartussat iliuitsit annikinnerusut atorneqarnissaat utaqqippassuk uppernarsaatit peerneqarnissaannik iginneqarnissaannilluunniit pasitsaassisoqarpat saneqqunneqarsinnaavoq.

Nammineq pigisap Inatsisartut inatsisaannik unioqqutitsinerup ilaatut atorneqarsimappat, nammineq pigisami unioqqutitsisumik pisisaq, uppernarsaatit, atortut assigisaallu, Inatsisartut inatsisaannik unioqqutitsinermut uppernarsaataasinnaasut, pillugit pisumi pasitsaassisoqarsimassaaq. Tamatuma saniatigut nammineq pigisaq Inatsisartut inatsisaannik unioqqutitsinermut atasumik atorneqarsimasoq aamma oqartoqarsinnaavoq, nammineq pigisaq Inatsisartut inatsisaannik unioqqutitsinermut uppernarsaataasinnaasunik nioqqutissiortoqarpat, uninngatitsinermut, tunniussinermut toqqorsinermulluunniit atorneqarsimappat.

Nakkutilliinermi oqartussat angerlarsimaffimmut imaliinnarlutik isersinnaanngikkunik politiinut ikiortissarsiorsinnaapput. Politiit siumoortumik ikiorneqarnissamik qinnuigineqarsinnaapput, matumani pigisamik piginnittup appakaannissamut itigartissagaatik imaluunniit nakkutilliinermik oqartussaasup sulineranik akornusersuissasoq nakkutilliinermut oqartussaasup naatsorsuutigiguniuk.

### *§ 39-mut*

#### *Imm. 1-mut*

Aalajangersakkami uani tunngavissiaq atorlugu matumani nunanut allanut, nunap immikkoortuinut aamma nunanut tamalaanut isumaqatigiissutinut aamma naapertuuttumik, qaqagukkulluunniit atuuttusannik nakkutilliinermi pisussaaffinnik nalunaarutinut Naalakkersuisut ilanngussisinnaapput.

Siunertaasoq tassaavoq, unioqqutitsilluni pisanik tunniussinerit, nassiussinerit, pisinerit tunisaqarnerillu pinngitsoortinnissaat, matumani nakkutilliinermut oqartussaasup pitsaanerpaamik nakkutilliinermi sakkussaarluni unioqqutitsisoqarnerisooq, nalunaaruteqartoqarsimannginnerisooq imaluunniit piniarnermik aallaaniarnermillu akuerisaanngitsumik ingerlasoqarnerisooq nakkutilliisinnaassammat aamma angallatit nunakkoortuillu allattaavinnut allattuisarnerannik imaluunniit piniartut nalunaarutaannik maleruagassallu atuuttut malillugit pisanik nalunaarsuineq ingerlanneqartarnerisooq nakkutilliisinnaassammat.

Nr. 1

Unioqutitsisumik piniarnerup aallaaniarnerullu killilernissaa siunertaralugu, inuit aamma inatsisitigut pisussaatitaasut pisat taakkuluunniit ilaanik tigusineq pillugu paasissutissanik tunniussinissamut pisussaatitaanissaat pillugu maleruagassanik aalajangersaasoqarsinnaavoq. Assersuutigalugu tassaasinnaapput kalaalimineerniarfiit, suliffeqarfiit, atorfeqarfiit, neriniartarfiit, tunitsiviit, tunisassiorfiit, niuerfiit, pisiniarfiit il.il. pisussaaffimmik matuminnga peqquneqarsinnaasut. Pisussaaffik taanna ilaatigut aalajangersarneqarpoq Piniakkanik savaateqarnermilu tunisassianik tunisaqarnermi nalunaaruteqartarneq pillugu Namminersornerullutik Oqartussat nalunaarutaat nr. 10, 5. juli 2006-imeersoq aqutugalugu imaluunniit kingusinnerusukkut allannguutit aqutugalugit.

Nr. 2

Unioqutitsisumik piniarnerup aallaaniarnerullu killilernissaa siunertaralugu, kalaalimineerniarfiit, suliffeqarfiit, atorfeqarfiit, neriniartarfiit, tunitsiviit, tunisassiorfiit, niuerfiit, pisiniarfiit il.il. peqquneqarsinnaanerit pillugu aammattaaq maleruagassanik aalajangersaasoqarsinnaavoq, pisanik taakkuluunniit ilaanik tuniniaasut inuit aamma inatsisitigut pisinnaatitaasut, pisanik tuniniaasinnaatitaanersut misissortassagaat, tassa imaappoq, inuk pineqartoq piniarnermut allagartamik atuuttumik, akuersissummik imaluunniit akuersissuteqaammik atuuttumik tuniniarneqartumut tunngatillugu kiisalu akuersissummut kommuniq allaffiata naqissusiineranik imaluunniit pisat nalunaarsornerat pillugu akuersissummik pigisaqarnerisooq misissussavaat.

Inuk imaluunniit inatsisitigut pisussaatitaasoq akuersissummik atuuttumik peqarnani pisaminik tunisisimasooq paasineqarpat, unioqutitsisumik pisanik imaluunniit taassuma ilaanik pisisimasut kalaalimineerniarfiit, suliffeqarfiit, atorfeqarfiit, tunitsiviit, tunisassiorfiit, niuerfiit imaluunniit pisiniarfiit il.il. kinguneqartitsisarnissamik peqquneqartarnissaat pillugu maleruagassanik aalajangersaasoqarsinnaavoq.

Nr. 3

Aalajangersagaq uumasunit eqqissisimatitanit imaluunniit piniakkanit killilersugaasartunit, pisassat nungunneqareerneranni pisat imaluunniit taassuma ilaanik tigusinissamut inerteqquteqarnermik aalajangersaavoq. Tamanna tusagassiorfiit, aalisarnermut piniarnermullu kattuffiit il.il. aqutugalugit tamanut nalunaarutigineqarnikuuvoq aamma pisassiissutinit taama ittunit pisanik kalaalimineerniarfiit, suliffeqarfiit, atorfeqarfiit, tunitsiviit, suliffissuit, niuerfiit il.il. tigusisarnissaannut inerteqquteqarnermut maleruagassanik aalajangersaasoqarsinnaavoq.

Siuliini allanneqartunut uiggiullugu, pisat unioqutitsinikkut pisarineqarsimasut tigusisup ilisimasimappagu ilisimasariaqarsimagaluarpaluluunniit, unioqutitsisumik pisanik tigusisumut kinguneqaateqartitsisunik maleruagassanik Naalakkersuisut aalajangersaasinnaapput.

Imm. 2-mut

Piniarneq aallaarniarnerlu unioqqutitsisusooq, nalunaaruteqarfiunngitsoq maleruagassaqaanngitsorlu pinngitsoortikkumallugu, aalajangersagaq tunngavissamik Naalakkersuisunut pilersitsivoq, ilaatigut suliarineqaanngitsoq tassa pisaq nutaaq imaluunniit taassuma ilaa piffissap piniarfiup avataani pisiarisaq, qanoq pisiarineqassanersoq tunineqassanersorlu pillugit maleruagassanik aalajangersaasinnaanermik. Matumani piffissap piniarfiusup qaangiunnerata kingorna ullut pingasut angullugit nalinginnaasusarput kisianni piniagassat ilaannut aamma tunisassiornermit aalajangikkat mininneqarsinnaapput.

#### *§ 40-mut*

##### Imm. 1-imut

Akiliisitsissummik aalajangersaaniarnermi pinerluttulerinermi inatsimmi periaatsit atorineqarnissaat piunasaqaataavoq, tak. pinerluttulerinermi inatsimmi §§-it 121 aamma 127. Taassuma nassataraa akiliisinnaassutsip iliuutsillu qanoq ittuunera eqqarsaatigalugit aamma inuiaqatigiit soqutigisaat pingartinneqassammata taamatut ittunik iliuuserineqartunik akiuiniarneq eqqarsaatigalugu. Matumani unioqqutitsilluni pisap nalinga aallaaviussaaq. Angallatip angissusia, piginnaasaa aaqqissugaaneralu kiisalu inatsisinik unioqqutitsinermut tunngasut pissutsit eqqarsaatigineqarsinnaapput. Taamaattorli akiliisitsinerup qaffasissusia pitsaaliuinerlut erseqqissumik sunniuteqartutut annertussusilerlugu aalajangersarneqartariaqarluni.

Piniarneq pillugu suliani aallaaviusartooq tassaavoq, piniartooq aallaaniarlu imaluunniit angallat nunakkoorummilluunniit aquttoq, nammineerluni unioqqutitsinerasinnaasut pillugit unnerluunneqartarmat. Taamaattorli imm. 4-mut innersuussisoqarpoq, piginnittoq angallammik nunakkoorummilluunniit ingerlatsisusimanngippat. Ataatsimoorluni piniarnermi, piniarnermut peqataasut tamarmik akisussaasuupput.

##### Nr. 1

Inatsisartut inatsisaanni aalajangersakkanik allanneqartunik aamma Inatsisartut inatsisaanni aalajangersakkani allanneqartuni tunngaveqartumik maleruagassanik aalajangersarneqartunik unioqqutitsinermut akiliisitsinermik eqqartuussisoqarsinnaavoq.

Inatsisartut inatsisaat taamaalilluni nalunaarutini akiliisitsinikkut kinguneqaatitsinissamut tunngavissiiivoq.

##### Nr. 2

Inuit inatsisitigullu pisinnaatitaasut Inatsisartut inatsisaanni peqqussinernik nalunaarutinillu eqquutsitsinngitsut, akiligassiinermik eqqartuunneqarsinnaapput.

##### Nr. 3

Inatsisartut inatsisaat malillugu tunniunneqartuni akuersissutini aamma akuersissuteqaatini piunasaqaatinik unioqqutitsinerit akiligassiinermik eqqartuunneqaataasinnaapput.

Akuersissummi imaluunniit akuersissuteqaammi piumasaqaatit aalajangersaaffigineqarsinnaapput kisianni akuersissutip siornatigulli aallarnarnermi akuersissutinik taaneqartartuni piumasaqaatit aamma aalajangersagaasinnaapput. Piumasaqaatit assersuutitut taaneqarsinnaapput tunisassiornissamut akuersissutit aamma tunisinissamut pisussaaffiit, akuersissutip piumasaqaatitaani allassimassasut, imaluunniit immikkut akuersissutini.

#### Nr. 4-mut

Paasissutissanik eqqortunik nalunaaruteqartarneq tassaavoq, piniarnerup aallaaniarnerullu nungusaataannginnissaanut aalajangersaanermut tunngavioq. Taamaammat paasissutissanik eqqunngitsunik salloqittaataasunilluunniit tunniussisoq akiliisinneqarluni pineqaatissinneqassaaq. Taamatuttaaq paasissutissanik tunniusseqquneqaraluarluni tunniussinngitsoq akiliisinneqarluni pineqaatissinneqassaaq.

#### Nr. 5

Aalajangersagaq una naapertorlugu nakkutilliinermut oqartussat isitsaaliorneqarneranut inuit ingerlatseqatigiiffinniluunniit akiliisitsinermik pineqaatissinneqarsinnaapput.

#### Imm. 2-mut

Pinerluttulerinermi inatsimmi § 18-imi takuneqarsinnaavoq aalajangersakkani pinerluttulerinermi inatsisitigut akisussaanermi ingerlatseqatigiiffiit il.il. akisussaasuunerannut tunngasumi allanik aalajangersaasoqarsimangippat, kinaluunniit inatsisitigut akisussaasoq, matumani aktiaateqarluni ingerlatseqatigiiffiit, piginneqataassuteqarluni ingerlatseqatigiiffiit, piginneqatigiiffiit, soqutigisaqatigiiffiit, peqatigiiffiit, aningaasaateqarfiit, pigisat, kommunit, namminersorlutik oqartussani oqartussaasut kiisalu naalagaaffimmi oqartussat pineqartut.

#### Imm. 3-mut

Aalajangersakkami imm. 3-imi pineqarput angallammik imaluunniit nunakkoorummik piginnittup imaluunniit oqartussaasup inuttut akisussaanera. Nalinginnaasumik tamanna amerlanertigut tassaassaaq piginnittoq. Taamaattorli aalajangersakkap kinguneralugu angallammik imaluunniit nunakkoorummik attartortoq taamaalillunilu angallammik imaluunniit nunakkorummik atuisinnaasoq aamma akisussaatinneqarsinnaavoq. Pingaernerli tassaavoq, akuersissut kimit pigineqarnersoq taamaalillunilu pisat kimut iluaqutaanersut. Ingerlatseqatigiiffiit ilusilersorneqarneranni tamanna aamma atuuppoq, pingaarnertut ingerlatseqatigiiffik aamma ingerlatseqatigiiffiup pigisaa piginneqatigiiffik. Ingerlatseqatigiiffiup pigisaa ingerlatseqatigiiffik akuersissummik pigisaqarsimappat aamma ingerlatseqatigiiffiup pigisaata ingerlatseqatigiiffiup angallat (attartugaq) attartorsimappagu, taanna akisussaasuusaaq. Paarlattuanik suliffeqarfiup angallammik attartortitsisup, akisussaaffik piginnigilaa.



#### Imm. 4-mut

Akuersissummi piumasaqaatinik imaluunniit Inatsisartut inatsisaannik imaluunniit Inatsisartut inatsisaat naapertorlugu malittarisassanik saqqummiunneqarsimasunik, akuersissummik piginnittoq unioqquitsisimappat, Naalakkersuisut imaluunniit Naalakkersuisut matumunnga oqartussaataat (kommunit) akuersissummik killiliisinnaanermut aalajangersakkap periarfissippai. Imaassinnaavoq assersuutigalugu inuk akuersissummik pissarsinngitsoq imaluunniit nunap ilaani sumiiffimmi aalajangersimasumi akuersissummik atuinissamut akuerineqanngitsoq.

Aamma Inatsisartut inatsisaannik sakkortuumik unioqquitsinermi, akuersissutip arsaarinnissutigivinnissaanut periarfissaqarpoq. Assersuutigalugu suliani, inuussutissarsiuutigalugu sunngiffimmiluunniit piniartup uumasumik toqutsiniarnermini aallaammik akuerisaanngitsumik atorsimatillugu imaluunniit uumasumik pisamik qimatsisimatillugu. Pisut aamma imaassimasinnaapput, piniarnermut allagartamik akuersissummilluunniit peqarnani imaluunniit nunap ilaani piniarfigeqqusaanngitsumi inuk piniagassamik pisaqarsimasoq. Aamma imaassinnaavoq akuersissummi piumasaqaatinik imaluunniit akuersissummik imaluunniit inatsisartut inatsisaannik arlaleriarluni unioqquitsinermik uteqqiasunik pisoqarsimasoq.

Akuersissummik arsaagaaneq, eqqartuussinikkut pissaaq. Imaassinnaavoq akuersissummik piffissami aalajangersimasumi arsaarinninneq imaluunniit akuersissummik arsaagaaneq imaluunniit arsaarneqarallarneq pineqartut.

Piffissami killilikkami arsaagaaneq pineqarpat, arsaagaaneq ukiup ataatsip ukiullu tallimat akornanni sivissuseqarsinnaavoq. Arsaarneqarsimagallarneqassasoq pineqarpat pineqartoq ukiut tallimat qaangiunneranni arsaarneqarsimanerup kipisinnaanerata nutaamik aalajangiiffiginissaanik qinnuteqarsinnaavoq. Arsaarinninnerup atorunnaarnera pillugu taamatut aalajangiineq aalajangiinikkut pissaaq. Arsaarneqarsimagallarneqarnissaq pillugu aalajangikkap taamaatinnissaanik qinnuteqarneq akuerineqanngippat akueritinniarneq misilinneqaaqissinnaavoq, kisianni minnerpaamik itigartitaanerup siulliup kingornagut ukiut marluk ingerlareerneratigut.

#### *§ 41-imut*

#### Imm. 1-imut

Piniarnermut allagartamik pissarsisinnaaneq imaluunniit piniarnermut allagartamik peqarsinnaaneq annaaneqarsinnaavoq, piniartoq aallaaniartorluunniit inatsisartut inatsisaanni maleruagassanik unioqquitsisimappat, tak. § 40, imm. 1 aamma 2. Aalajangersakkami naqissuserneqarnikuvoq, matumani pineqartut tassaasut piaaraluni imaluunniit arlaleriarluni sakkortuumik mianersuaalliornerit.

Inatsisartut inatsisaannik, pissutsit sakkortusisatut imaluunniit sakkortuumik unioqquitsinertut isigineqarsinnaasut tassaapput, assersuutigalugu piniarnermut allagartamik peqarnani piniarneq aallaaniarnerlu, akuersissummik peqarnani piniarneq aallaaniarnerlu imaluunniit nunap immikkoortuani piniarfigeqqusaanngitsumi piniarneq. Aamma uumasunik eqqissimatitanik piniarneq aallaaniarnerlu imaluunniit piffissami eqqissimatitsiffiusumi piniarneq aallaaniarnerlu. Aamma suliani inuussutissarsiutigalugu piniartup imaluunniit sunngiffimmi aallaaniartartup uumasumik toqutsinerminut aallaat akuerisaanngitsoq atorsimappagu imaluunniit uumasuq pissataq qimaannarsimappagu. Taamatutaaq akuersissummi piumasaaqatit unioqquatinneqarneri arlallit pineqarsinnaapput, matumani pisanik nalunaaruteqarsimannginneq imaluunniit inatsisartut inatsisaannik arlaleriarluni unioqquitsinermi.

Aamma inuk piaaraluni imaluunniit inummut allamut sakkortuumik mianersunngitsumik akornusiisimappat imaluunniit inuuneranik ulorianartorsiortitsisimappat, piniarnermut aallaaniarnermullu pisinnaatitaaneq annaaneqarsinnaavoq. Aalajangersagaq aqquutigalugu inuup allap piaaraluni eqqaasseratarsinaanera imaluunniit sakkortuumik mianersornani pissusilersorneq peqquutigalugu aallartoortoqarsinnaanera eqqarsaatigineqarpoq.

#### Imm. 2-mut

Piniarnermut allagartamik inuk arsaagaaguni, kommunimi tassani pineqartup aalajangersimasumik najugaqarfīgisaani, kommunip allaffianut taanna tunniunneqassaaq. Suliaq Aalisarnermut Piniarnermullu Naalakkersuisoqarfimmut nalunaarutigineqassaaq, taamaalilluni Luli-mut piniarneq pillugu qarasaasiami toqqorsivimmuut eqqartuussut taanna nalunaarsorneqarniassammat.

#### Imm. 3-mut

Piniarnermut allagartamik, akuersissummik peqarsinnaanermi arsaagaaneq, eqqartuussinikkut pissaaq. Imaassinnaavoq piffissami aalajangersimasumik arsaarneqartoq imaluunniit arsaarneqarsimagallarneqassasoq.

Piffissami killilikkami arsaagaaneq pineqarpat, arsaagaaneq ukiup ataatsip ukiullu tallimat akornanni sivisussuseqassooq. Arsaarneqarsimagallarneqassasoq pineqarpat pineqartoq ukiut tallimat qaangiunneranni arsaarneqarsimanerup kipisinnaanerata nutaamik aalajangiiffiginissaanik qinnuteqarsinnaavoq. Arsaarneqarsimagallarneqassaneq pillugu aalajangikkap taamaatinnaanik qinnuteqarneq akuerineqanngippat akueritinniarneq misilinneqaqqissinnaavoq, kisianni minnerpaamik itigartitaanerup siulliup kingornagut ukiut marluk ingerlareerneratigut.

§ 41-p atornerarnerani pinerluttulerinermi inatsimmi (Kalaallit Nunaanni pinerluttulerinermi inatsit) maleruagassat atornerqassapput, pingaartumik § 164, imm. 3, aamma § 165, imm. 3. Inuk eqqartuussaanikkut inuussutissarsiutigalugu piniarnermik allagartaminik arsaarneqarsimappat, pinerluttulerinermi inatsimmi § 164, imm. 3, malillugu aalajangiineq

eqqartuussivimmut suliassanngorteqqinneqarsinnaavoq, kisianni siusinnerpaamik ukiut marluk qaangiunneranni.

#### § 42-mut

##### Imm. 1-imut

Unioqutitsilluni piniarnermik ingerlatsinermi angallatip nunakkoorulluunniit atorneqartup tiggummigallarneqarnissaanut aamma angallatip umiarsualivimmukarnissaanik peqqunissaanut imaluunniit eqqartuunneqarnissaq siunertaralugu nunakkoorutip sumiiffimmut aalajangersimasumukarnissaanut pisinnaatitsissut aalajangersakkap nakkutilliinermut oqartussaasumut tunniuppaa. Taamatut tiggummigallarneqarnissaanut atatillugu Kalaallit Nunaanni eqqartuussisarneq pillugu inatsimmi kapitali 37-mi aalajangersakkat taamaaqataanik atuutissapput.

Kapitali 37-imi tiggummigallaanissamut (arsaarinninnissamut) piumasaqaatit ilaatigut tassaapput pineqartoq inatsisinik unioqutitsinermut, pisortatigoortumik unnerluutigineqartussamut, naleqquttumik pissuteqartumik pasineqarpat aamma pissutissaqarpat isumaqassalluni arsaarinnissutigineqarallartussaq uppersaaitut atorneqarsinnaasoq imaluunniit arsaarinnissutaasariaqartoq, tak. § 418.

Kapitali 37-imi sanilliussinermik tungaveqarnissamut piumasaqaateqarpoq, tak § 421, matuma kingorna arsaarinnikkallartoqarsinnaanngilaq, akuliunneq suliap qanoq ittuuneranut peqqarniissusaanullu kiisalu akuliunnerup nassatarisinnaasaanik annaasanut imaluunniit akornuserneqarnermut naleqquttuusorineqanngippat.

Malugeqquneqarpoq tiggummigallagaaneq umiartornermi inatsisitigut taaguutaasoq, inuup tiggummigallarneqarneranut paarlaanneqassanngitsoq (paarnaarussatut paarisaneq).

##### Imm. 2-mut

Aalajangersakkami angallatinik malersuineq pillugu (hot pursuit) FN-imi imarpiit pillugit isumaqatigiissummi 1982-imeersumi artikili 111 malinneqarpoq. November 2003-imi Inatsisartut aalajangerneqarpoq FN imarmi pisinnaatitaaffiit pillugit isumaqatigiissut atortussanngortinneqassasoq, tak. 5. decembari 2003-mi inatsisartut aalajangiussa.

"Pimoorullugu malersuineramik" (hot pursuit) taaneqartartup aallartinnissaanut aalajangiisuulluinnartussaq tassaavoq, unioqutitsineq Kalaallit Nunaata aalisarnermut oqartussaaffiani pisimanersoq. Angallat aamma Kalaallit Nunaata aalisarnermut oqartussaaffiani suli inissisimassaaq, malersuinerup aallartinneqarnissaa sioqqullugu. Tassani malersuineq unitsinneqarani ingerlanneqassaaq.

##### Imm. 3-mut

Akuliuffigineqartup piumasarippagu politiit erngerlutik kingusinnerpaamillu akunnerit 24-it pingasoriaataat qaangiutsinnagit suliassamik eqqartuussivimmut saqqummiussissapput,

eqqartuussiviullu aalajangerumaarpaa akuliunneq akuerineqarsinnaanersoq. Suliaq taamaattumik kinguarsaanertaqanngitsumik Nuummi unnerluussisussaataasunut nassiunneqassaaq. Suliat taamatut ittut Kalaallit Nunaanni Eqqartussivimmut suliaassanngortinneqarsinnaapput.

Inatsisartut inatsisaannik unioqqutitsinermut atatillugu akiliisitsinissaq itigartinneqarpat, pisuni aalajangersagaq atorneqartussatut eqqarsaatigineqarnikuvoq.

#### *§ 43-mut*

##### *Imm. 1-imut*

Aalajangersagaq una malillugu angallat nunakkoorullunniit tiggummigallarneqarsinnaavoq, aningaasat piumasarineqartut imm. 1-imi taaneqartut akilerneqarsimanissaannik qulakkeerinninnissaq piunasaqaataasimappat imaluunniit aningaasat piumasarineqartut akilerneqarsimanissaannut sillimmasiisoqarnissaata tungaanut. Taamatut angallammik nunakkoorummilluunniit tiggummigallaaneq aamma § 45 malillugu pineqaatissiinerit naammassineqarnissaasa tungaannut attatiinnarneqarsinnaavoq. Aalajangersakkamut ilaapput kalaallit aamma nunat allamiut angallataat imaluunniit nunakkoorutaat.

Aalajangersagaq malillugu suliaq pillugu aalajangiinerup kingorna qaammatit marluk ingerlaneranni imm. 1-imi piumasarineqartut akilerneqarsimanngippata, angallammi imaluunniit nunakkoorummi atortuulu aalajangiunneqartumik naammassiniaasoqarsinnaavoq.

##### *Imm. 2-mut*

Aalajangersagaq una malillugu imm. 1-imi malittarisassaq atorneqarsinnaanngilaq, angallammut nunakkoorummulluunniit atuisimasoq akuerisaanani angallammik nunakkoorummilluunniit eqqunngitsumik pissarsisimappat.

#### *§ 44-mut*

##### *Imm. 1-imut*

Aalajangersakkami pineqarpoq akiliisitsinissamik arsaarinninnissamillu allaffissornikkut aalajangiineq, tassunga ilanngullugu nalilinnik arsaarinninneq. Periarfissaq siunnersuutikkut Inatsisartut inatsisaata susassaqarfia tamakkerlugu atuutilersinneqarpoq, taamaalilluni inatsisartut inatsisaani maleruagassanik imaluunniit taanna naapertorlugu maleruagassanik saqqummiunneqartunik unioqqutitsineq aallaavigalugu aamma akiligassiisoqarsinnaasoq imaluunniit arsaarinnittoqarsinnaanera allaffissornikkut akuerineqarsinnaavoq.

Pineqartup unioqqutitsinermi pisuusutut nassuernissaa aammalu akiliinissamut kingusinnerpaamik piffissaliussa q malillugu akiliisinnaanerminik nalunaaruteqarnissaa piunasaqaataavoq. Akiligassiinermik arsaarinninnermilluunniit allaffissornikkut

aalajangiinnermut atatillugu qinnuteqartoqarneratigut akiliinissamut piffissarititap sivitsorneqarnissaanik periarfissaq aalajangersakkami atuutilersinneqarpoq.

Akiligassiisoqarnissaani suleriaaseq aaqqissuinerlu erseqqissoq nakkutilliinermi oqartussanut, aalisarnermik nakkutilliisunut angallatinullu nakkutilliisunut ilitersuutini aalajangersarneqassaaq. Unioqqutitsinerit tassaassapput assigiiaartut, paasiuminartut kiisalu uppersaasersuinermi qularnaatsuni pisut. Taamaammatt nakkutilliinermik oqartussamut ilitersuutiniq suliaqarnermut atatillugu, taamatuttaaq suliat, allaffissornikkut akiliisitsinissap atornerqarnissaanut naleqquttut, pillugit allassimaffimmik suliaqartoqassaaq.

Piniarneq aallaaniarnerlu pillugit inatsimmi tunngaveqartumik, piniagassat killilersukkani il.il. pillugit nalunaarutiniq unioqqutitsinerit pillugit piniarnermut aallaaniarnermullu tunngasuni nalinginnaasumik suliani akiligassiinernut tunngasut politiiniit suliarineqartarput, periutsit ilusilersuinerillu asserpiaraat. Assersuutigalugu qilalukkat qaqortat qernertallu akuersissummik peqarnani pisat pillugit suliat imaluunniit umimmannit pisanit neqi tamakkerlugu piniartup nassarsimanngisai pillugit suliani imaluunniit tutunut pisanut tunngatillugu pisanik nalunaarsuiffimmu immersuisimannginnermik suliani.

Taamatuttaaq arsaarinninnissamik periarfissaq siunnersuutip kinguneraa, tassunga ilanngullugu nalilinnik arsaarinninnissamik allaffissornikkut aalajangiineq.

Unioqqutitsilluni sakkoq pineqartup pisuunerminik atsiornissaata kiisalu eqqartuussivik avaqqullugu arsaarinninnermik suliamik aalajangiinissamik isumaqataanerminik nalunaaruteqarnissaata tungaanut nakkutilliinermi oqartussanit tigummineqassaaq. Piumasaqaatini taakkunani marlunni ataaseq eqqortinneqanngippat eqqartuussivik avaqqullugu arsaarinnittoqarsinnaanngilaq.

Taamatuttaaq nalilinnik eqqartuussivik avaqqullugu arsaarinnittoqarsinnaavoq.

Eqqartuussivik avaqqullugu arsarinninneq akiligassiinerlu ajornannginnerusutut isigineqarsinnaammatt aalajangeeriaaserlu artukkiinannginnerummat, innuttaasup suliani ajornanngikannersuni allaffissornikkut suliap naammassineqarnissaanik toqqaanissaa naleqquttut isigineqarpoq.

Aalajangersakkamik taassuminnga atuinermi Kalaallit Nunaanni Eqqartuussisarneq pillugu inatsimmi § § 347, imm. 1 aamma § 437, imm. 2, nr. 2-3 aamma imm. 3 allakkat unnerluussissutit imarisassaannut piumasaqaatit taamatuttaaq atuutissapput.

Imm. 2-mut

Aalajangersakkami aalajangersarneqarpoq, suliani allaffissornikkut suliarineqartuni, Kalaallit Nunaanni eqqartuussisarnermi inatsimmi § 347, imm. 1-imi malittarisassat taamaaqataanik atornerqassasut. § 347, imm. 1-imit takuneqarsinnaavoq unnerluutigineqartup killisiorneqarneq

sioqqullugu unnerluutigisamik ilisimatinneqassasoq aamma pineqartoq oqaaseqarnissamut pisussaaffeqanngitsoq. Malittarisassat taakkua maleruarneqartut nalunaarusiami takuneqarsinnaassaaq.

Imm. 3-mut

Aalajangersagaq malillugu akiliisitsissut piffissaq eqqorlugu akilerneqarsimappat akiliisitsiniaaneq atorunnaassaaq.

#### *§ 45-mut*

Imm. 1-imut

Arsaarinninnermi Kalaallit Nunaanni pinerluttulerinermi inatsit (kapitali 37) taamatuttaaq atorneqassaaq.

Imm. 2-mut

Aalajangersakkami imm. 2-imi aalajangersarneqarpoq, angallammi nunakkoorummiluunniit unioqquitsilluni pisanik arsaarinninnermi ilaasut pisat taakkualu nalingini angallammiittut angallatillu avataaniittut ilaasut, tassani pineqaratik pisat unioqquitsinani piniarnermeersut uppersarneqartut.

Aalajangersagaq taanna pinerluttulerinermi inatsimmi tunngavinnik saneqqussineruvoq. Saneqqutsineq pisat ilaat unioqquitsilluni piniarnermeersut aallaaniarnermeersullu immikkoortinnissaasa ajornakusoornerat tunngavigalugu isigineqassaaq.

Pisat sorliit unioqquitsilluni piniarnermeersut aallaaniarnermeersullu paasiniarlugit nalilersuinermi angallammut nunakkoorummulluunniit tunngatillugu pissutsit aalajangersimasut atuuttut pingartinneqassapput. Allattuivimmi, usilersornermut allattuivimmik, angallammi nunakkoorummilluunniit piniarnermi aallaaniarnermilu atortunik, atortut suut atorneqarsimanerannik allattuivik malillugu allassimasunik il.il. nalilersuisoqarsinnaavoq. Aammattaaq pisat nalunaarutigineqartunut naapertuunnersut nalilersuinermi pingartinneqarsinnaapput.

Taamaammat pisat sorliit unioqquitsilluni piniarnerup allaaniarnerullu ilaani pisimanagerat nalilerniarnerani matumani suut uppersaatissaqarnersut apeqqutaassapput.

Unioqquitsilluni piniarneq aallaaniarnerlu, pisanik arsaarneqarnermik kinguneqartumi pissutsit imaassinnaapput, angallat nunakkoorulluunniit piniarnermut aallaaniarnermullu piniarnerup unitsinneqarnera atuuttunngoreersoq atorneqartoq imaluunniit piniartup aallaaniartulluunniit pisassani nungoreerai pisoq. Aamma imaassinnaasoq angallat nunakkoorulluunniit piniarnermi atortunik unioqquitsisuusunik atuisimasoq, matumani arfernik angisuunik piniarnermi aallaasit nalinginnaasut atorneqarsimallutik, naak tuukkat qaartartortallit il.il. atorneqarsimasussaagaluartut.

#### Imm. 3-mut

Aalajangersagaq taanna malillugu angallatip pisaanik annertuumik uteqattaartumillu nalunaaruteqannginnerani angallammik angallatilluunniit nalinganik arsaarinnittoqarsinnaavoq.

Pisut annertunerit imatut paasineqassapput, pisut pillugit piaaraluni annertuumilluunniit mianersuaalliorluni nalunaaruteqannginneq eqqunngitsumilluunniit nalunaaruteqarpat. Pisut tassaasinnaapput pisassarisanit amerlanerusunik piniagassanik killilersukkanik angallat nunakkoorulluunniit pisaqarsimasoq, nunami piniarfigeqqusaanngitsumi pisaqarsimasoq, atortut inertequtaasut atorlugit pisaqarsimasoq, uumasunik eqqissisimatitanik assigisaanilluunniit pisaqarsimasoq.

Atortut pinerluuteqartup unioqutitsinani ingerlatsineranut annertuumik pingaaruteqartut, pissutsit immikkut ittut tamassumunnga pissutissaqartitsinngippata arsaarinnissutigineqassanngillat. Sanilliussinermik tunngaveqarnissamut pissusilersornissamik tunngavissaatitaasoq matumunnga naliliinariermi eqqumaffigineqassaaq.

#### Imm. 4-mut

Aalajangersakkami arsaarinnittarneq pillugu nalunaarutikkut sukumiinerusunik malittarisassiornissamut Naalakkersuisut pisinnaatinneqarput. Malittarisassanik taakkuninnga suliaqarnermi § 44, imm. 2-mi aamma 3-mi malittarisassat malinneqassapput. Tassa malittarisassat taakku suliarineranni tamanna pillugu Pinerluttulernerineq pillugu inatsimmi § 166 isiginiarneqassaaq, taakku malillugu atortut pinerluuteqartup unioqutitsinani ingerlatsineranut annertuumik pingaaruteqartut pissutsit immikkut ittut tamassumunnga pissutissaqartitsinngippata, arsaarinnissutigineqassanngitsut. Taamaattorli imm. 4 naapertorlugu malittarisassanik aalajangersaanermi § 44 imm. 2 aamma 3-mi oqaatigineqartut ilaatinneqanngitsut atuupput.

### § 46-mut

#### Imm. 1-imut

Aalajangersakkami tassani pisanik arsaarinninnermut atatillugu immikkoortitsineq. Imm. 1 malillugu pisanik immikkoortitsineq assersuutigalugu pisat angallammi nunakkoorummiluunniit iliorarnerisigut pisinnaavoq.

Immikkoortitsineq aamma pisinnaavoq pisanik nalunaaqutsiinikkut imaluunniit lastip inilluunniit paarnaarneqarnerannik nalunaaqutsiinikkut. Tamanna piumasarineqartutut isigineqarpat periarfissat taakku marluutillugit ataatsikkut atorneqarsinnaapput.

Immikkoortitsinermi nalunaaqutsersuinermiluunniit akulerutsitsinissaq pinngitsoorneqarsinnaanngippat, angallat nunakkoorulluunniit imm. 2 malillugu pisanik

arsaarinnissutunik imaluunniit nalinginik arsaarinnissutigineqartunik tulaassinissaanik peqquneqarsinnaavoq.

Imm. 2-mut

Aalajangersagaq una malillugu pisat arsaarinnissutaasut angallat nunakkoorulluunniit Kalaallit Nunaata nunakkutaalisarnikkulluunniit oqartussaaffianiitillugu immikkoortinneqassapput.

Aalajangersagaq pisat arsaarinnissutaasut angallammiiginnarneranni nunakkoorummiinneranniluunniit atorneqassaaq.

#### *§ 47-mut*

Imm. 1-imut

Akiligassiinernit arsaarinninnermiillu isertitat tigungavissamik aalajangersagaq una Namminersorlutik Oqartussanut tunniussivoq, taamaalillutik taakku Nunatta karsianut tutsinneqassapput.

#### *§ 48-mut*

Imm. 1-imut

Inatsisartut inatsisaat atortuulerpoq ulloq 1. juni 2022.

Imm. 2-mut

Tamatuma ilutigisaanik Piniarneq aallaaniarnerlu pillugit Inatsisartut inatsisaat nr. 12, 29. oktober 1999-imeersoq kingusinnerusukkut allannguutininik ilaqartoq atorunnaarsinneqarpoq.

Imm. 3-mut

Inatsisartut inatsisaat nr. 12, 29. oktober 1999-imeersoq naapertorlugu maleruagassat aalajangiinerillu Naalakkersuisut saqqummiunnikuusaat, taakku taarserneqarnissaasa imaluunniit maleruagassanit allanit atorunnaarsinneqarnissaasa tungaannut atuutissapput.

Piniarneq aallaaniarnerlu pillugit Inatsisartut inatsisaat nr. 12, 29.oktober 1999-imeersoq sioqqullugu malittarisassat atuutilersinneqartut taarserneqarnissaasa imaluunniit Inatsisartut inatsisaat una imaluunniit allat tungavigalugit maleruagassanik aalajangersaanikkut atorunnaarsinneqarnissaasa tungaannut atuutiinnassapput.



### Tusarniaanermi akissuteqaatinut allakkiq

Siunnersuut Naalackersuisut tusarniaanermi nittartagaanni piffissami 11. december 2020-imit 15. Januar 2021 ilanngullugu tamanut saqqummiunneqarnikuuvoq, soorluttaaq siunnersuut piffissami tassani tusarniutigineqarsimavoq ukununnga tulliuttutut allanneqartunut:

- Kalaallit Nunaanni Aalisartut Piniartullu Kattuffiat (KNAPK)
- Nunaqavissut Sulisitsisut Kattuffiat (NUSUKA)
- Sineriap Qanittuani Aalisartut Piniartullu Kattuffiat (SQAPK)
- Kalaallit Nunaanni Sulisitsisut
- Sulinermik Inuussutissarsiateqartut Kattuffiat (SIK)
- Tapertaralugu Piniartut Aalisartullu Kattuffiat (TPAK)
- Pinngortitaleriffik
- Kalaallit Nunaanni Politiit
- Issittumi Sakkutooqarfik
- Kommuneqarfik Sermersooq
- Avannaata Kommunia
- Kommune Qeqertalik
- Kommune Kujalleq
- Qeqqata Kommunia
- Kalaallit Nunaanni Nunaqarfinni aqutsisut peqatigiiffiat
- GrønlandsBanken
- Nunatsinni Advokatit – Grønlandske Advokater
- Transparency International Greenland
- Piniarneq pillugu Siunnersuisoqatigiit.

Taassuma saniatigut missingersuut ukiakkut 2019 Piniarneq pillugu Siunnersuisoqatigiinnut tusarniutigineqarpoq Inatsisartut Aalisarnermut, Piniarnermut Nunalerinermullu Ataatsimiititaliaata kissaateqarnera naapertorlugu. Piniarneq pillugu Siunnersuisoqatigiit februar 2020 akissuteqarput. Tusarniaanermi akissuteqaat missingersuummut ilanngunneqarpoq, ukiakkullu 2020-imi missingersuummi tunniunneqartumi ilaalluni, ukiakkut 2020-mi missingersuut tunuartinneqarpoq.

Inatsisartut Aalisarnermut, Piniarnermut Nunalerinermullu Ataatsimiititaliaata oqaaseqaatai upernaakkut 2020-mi tigunearput aasakkut/ukiakkullu 2020-mi missingersuummut ilanngunneqarlutik. Missingersuut nutaaq 15. December – 15. Januar 2021 ilanngullugu tusarniutigineqarpoq. Tusarniaanermi kingullermi akissuteqaatit missingersuummut kingullerpaamat ilanngullugit suliarineqarput.

Piffissap tusarniaaffiusup naanerata kingorna siunnersuut oqaaseqaatinik tullinnguuttuni allassimasunik kingunearpoq. Tassunga atatillugu oqaatigineqassaaq tusarniaanermi akissutit

taamaallaat pingaaruteqarneranik naliliineq tunuliaqutaralugu pingaarnersiorlugit issuarneqarmata. Tusarniaanermi akissutitut Naalakkersuisoqarfiup oqaaseqaatai uingasumik allanneqarput.

### **Piniarneq pillugu siunnersuisoqatigiit**

Piniarneq pillugu siunnersuisoqatigiit innersuussutigaat tusarniaanermi akissuteqaat februaarip 21-iani 2020-imeersoq EM2019/23, piniarneq aallaaniarnerlu pillugit Inatsisartut inatsisissaattut siunnersuummut tunngasoq, Inatsisartut 2020-mi upernaakkut ataatsimiinneranni itigartitsissutigineqartoq.

Piniarneq pillugu siunnersuisoqatigiit paasivaat, Piniarneq pillugu siunnersuisoqatigiit oqaaseqaataat 21 Februar 2020-imeersut allattorsimaffinnut Naalakkersuisut ilanngussimagaat taamaallaat angallatip takissuseq tamakkerlugu (t.t.) 15 meter-imiit 16 meter-imut t.t. allanngornera allassimanagu (siunnersuummi § 24).

*Naalakkersuisut nalilersorluaqqissaarsimavaat angallatip angissusaa 15 meter-imiit t.t. 16 meter-imut t.t. allanngortinneqassanersoq. Angallatip angissusaata allanngortinneqarnerata kingunerissavaa, pioreersut qaavatigut angallatit 43-t akuersissutinik, pisassanut piniarneqareeqisunut pigisaqalissasut. Angallatit anginerusut annertunerusumik usisinnaassuseqarput taamaattumillu akuersissutiminnik atuilluarnerusinnaallutik aammalu pisassiissutigineqartut sukkanerusumik pisarisinnaallugit. Pissutsit taamaannerisa kingunerisinnaavaa pisassiissutit sukkanerusumik pisarineqarneri aammalu immikkut pisassinneqarnissamik qinnuteqaatit amerlanerulernerinik kinguneqarsinnaalluni.*

*Naalakkersuisut nalilerpaat angallatit angissusaanik allanngunerup kingunerisinnaagaa pisassiissutinik sippuineq, piniakkanut pisassiissutigineqartunut kingunerluuteqartumik aammalu nalilerlugu pisassiissutit annertussusaannik allannguneq aqutsinermut ilungersunartorsiorfitsisinnaasoq nakkutiginninneq alaatsinaannerlu annertunerusoq pisariaqalersinnaammat.*

### **Greenland Outfitters**

Greenland Outfitters siunnersuummi § 16, imm. 6-mut (siunnersuummi saqqummiunneqartumi § 18), immikkut ittumik oqaatigiumasaqarput paasissutissiissutigaalugulu angalanerni tammajuitsussarsiniarlunilu piniarnerni tamatigut angallassisunut sakkortuunik piumasqaateqartoqartartoq - pingaartumik oqaatsinik pisariaqartunut atuisinnaanermut tunngasuni, sulianut misilittagaqarnerni assassornernilu. Greenland Outfitters ilanngullugu paasissutissiissutigaa kalaallit angallassisut periarfissaqartillugu atorneqartartut.

*Tassunga atatillugu Naalakkersuisut malugeqqaat § 16, imm. 6 piginnaatitsissutaammat Naalakkersuisut immikkut ittumik nalunaarutit aqutugalugit malittarisassiorsinnaanerannik, akiluiteqarluni angallassinermi, sullissisinnaanermut akuerisaanermut aammalu*

*annaasaqarnermut, tamatumunnga ilanngullugu akiliilluni angallassisunut atuiner  
mut akuersissuteqarnermullu.*

*Aalajangersagaq pineqartoq naapertorlugu inatsisiliornermi teknikkikkut malitassat  
pineqartunit allaffissornikkut maligassani atuisut akuutinneqarnissaannut tunngasut  
Naalackersuisuni malinneqassapput. Malugeqquneqarpoq Naalackersuisunit  
pingaartinneqarmat § 2, imm. 1-mi nr. 1-6-mut aalajangersaanermi tunngaviit  
malinneqarnissaat, pingaartumik suliffissaqartitsinermit tunngasut aammalu piffimmi  
piujuaannartitsinissamut tunngasortai, manna aalajangersagaq naapertorlugu  
malittarisassiornermi. Nalunaarutitut isikkulimmik aalajangersaanermi  
aaqqiigallartoqarsinnaavoq taamaalilluni allannguutaajumaartussanut sillimaneq  
pilersinnaalluni, matumunnga ilanngullugu angallassisunik ilinniartitsinissamik  
pilersaarusiortnermut.*

### **Kalaallit Nunaata politiivi**

Kalaallit Nunaata Politiivisa maluginiarpaat § 39, imm. 3-p (siunnersuummi  
saqqummiunneqartumi § 41, imm. 3) imarisai Pinerluttaalisitsinermit Inatsimmi § 164, imm.  
3-p imarisaalu assigiissut kiisalu Pinerluttaalisitsinermit Inatsimmi § 165, imm. 3-mi  
pisinnaatitaaffiigaanermi immikkoortumut tunngasumi. Kalaallit Nunaata Politiivisa  
paasissutissiissutigaa aalajangersagaq pisariaqanngitsoq paarlattuanilli inassutigalugu,  
pisinnaatitaaffiigaanermi pisinnaatitaaffeqaleqqinnerlu pinerluttaalisitsinermit inatsit  
naapertorlugu ingerlanneqassasoq.

*Politiivinit oqaaserineqartut Naalackersuisunit ilaatigut tusaatissatut tiguneqarput.  
Pineqartumut tunngatillugu Naalackersuisut kissaatigaat eqqartuussiveqarnermi  
malittarisassat pisariitsumik atorneqarsinnaasut piunissaat aammalu § 39, imm. 3  
allanngortillugu “Piniarsinnaanermut allagartamik arsaarinninneq ukiumik 1-miik 5-nut  
sivisussuseqassaaq, eqqartuussinerup naammassineraniit imaluunniit utaqqiisaagallartumik.  
Eqqartuussiviup utaqqiisaagallartumik atorsimangippagu ukiut 5-t qaangiunnerini  
eqqartuussivimmu suliassanngortinneqarsinnaavoq, Pinerluttaalisitsinermit Inatsimmi § 165  
naapertorlugu”*

Kalaallit Nunaata Politiivinit inassutigineqarpoq § 40-mi (siunnersuummi  
saqqummiunneqartumi § 42) erseqqissarneqassasoq imarisamigut, Kalaallit Nunaani  
Eqqartuussivikkut sullissinermit kapitel 37-mut imarisamigut assigiimmat  
innersuussutigalugulu aalajangersagaq taamatuttaaq qallunaat aalisarnermit inatsisaanni § 131,  
imm 2 aammalu § 135 (lbk. Nr. 251, 21 Marts 2019-imeersoq) oqaasertamigut  
naleqqussarneqassasoq.

Kalaallit Nunaata Politiivisa oqaatigaat oqaasertaasa allanngortinnerisigut naliginnaasumik pinngitsaaliissummik atorunnaarsitsinermi, akiliisitsinermi asssigisaanilluunniit pisoqarnerani eqqarsarnartortai eqqarsaatigineqassasut.

*Politiinit oqaatigineqartut naapertorlugit § 40 Naalackersuisunit oqaasertalerneqarpoq.*

Ilanngullugu Kalaallit Nunaata Politiivisa paasissutissiissutigaat, piniarneq aallaaniarnerlu pillugit, EM2019/23, Inatsisartut Inatsisissaattut siunnersuuteqanermi Inatsiseqarnermi Naalackersuisoqarfiup (Rigsadvokaten) immikkut ittumik tusarniaassutigisimagaa, immikkut allaffissornermi akiliisitsinermit tunngasuni Naalackersuisut piginnaatitaaffeqarnerat oqaasertaliullugu, tamatumunngalu innersuussillutik.

Rigsadvokat-imit oqaatigineqarpoq EM2019/23-mi § 42 (siunnersuutigineqartoq taanna § 44), allaffissornikkut akiliisitsineq ingerlanneqartillugu aammalu eqqartuussivik aqutiginagu arsaarinninneq ingerlanneqarsinnaasoq unioqqutitsinerit erseqqippata toqqaannarlu uppersarneqarsinnaappata suliallu aalajangiunnera, akiliisitsinerup annertussusissaata aalajangiunnera ilanngullugu, allanik naliliinernik ilaqarani pisinnaappat. Rigsadvokatip ilanngullugu oqaatigaa § 42-mi piginnaatitsissut tigummiinnarneqarsinnaasoq, taamaattoq akiliisitsisoqartinnagu suna piumasaqaataanersoq naammassineqarsimassanersorlu erseqqissumik allaaserineqassalluni. Rigsadvokatimit ilanngullugu oqaatigineqarpoq § 42-mi piginnaatitsissummi erseqqissumik allassimassasoq, eqqartuussinerup imarisaasa piumasaqaateqarnermi eqqartuussiveqarnermi inatsisit allassimassasut aammalu eqqartuunneqartoq oqaaseqarnissaminut pinngitsaalisaanngitsoq allassimassalluni, tamannalu allaffissornikkut akiliisitsinermit atatillugu taamatutaaq atorineqassalluni.

*Rigsadvokat-p Maajip pingajuat 2019 oqaaseqaatai tunngavigalugit Naalackersuisut siunnersuummi § 42-mik allannguipput tamatumani ilanngunneqarluni, aalajangersagaq unioqqutitsinerni assigiiaartuni, misissugassartaqarujussuanngitsuni aammalu qularnaatsuni atorineqarsinnaasoq.*

*Tamatuma saniatigut siunertaavoq Naalackersuisut suliassat suunerinik nalunaarsuinissaat aammalu suliassamut tunngatillugu immersugassamik suliqaassallutik, tassani eqqartuussinerup inernerani piumasaqaataasut ilaassallutik aammalu eqqartuussiveqarnermi uppersaartit qularnaarutit naammassineqassallutik. Siunnersuummi § 43-mi oqaasertaliinermi ilanngunneqarsimavoq suliassani allaffissornikkut ingerlanneqartuni § 347, imm. 1 aammalu § 437, imm 2, nr. 2-3 aammalu imm. 3-mi, Kalaallit Nunaata Eqqartuussiveqarnermi Inatsisaa atorineqarsinnaasut.*

### **Kalaallit Nunaani Aalisartut Piniartullu Kattuffiat (KNAPK)**

KNAPK-mit oqariartuutigineqarpoq siunnersuutip qallunaatuuani allaqqassasoq “Inatsisartutlov” tamatigut I angisooq atorlugi.

*Inatsisissatut siunnersuuteqarnermi Naalakkersuisunit “Inatsisiliornermi malittarisassat malinneqartarput, Namminersorlutik Oqartussani malittarisassiornermi malittarisassat”. Uani oqaatigineqassaaq inatsisartutlov-imi “I” angisooq taamaallaat atorineqartarmat qulequttatut atorineqaraangat.*

KNAPK isumaqarpoq siunnersuummi § 2, imm. 1. Nr. 2-mi aammalu § 2, imm. 2-mi allaqqassasoq, Naalakkersuisut pisussaapput piniartut ilisimasaannik katersissallutik, piniartut ilisimasaasaa pingaartinneqarnerinnaat kisiat pinnagu.

*Naalakkersuisut paasissutissiissutigisinaavaat, siunertami aalajangersagaq suliarineqarsimammat inatsisartut inatsisai allat nakkutigineqartussaammata § 2 naapertorlugu inatsisip siunertaa mallillugu.*

*Tamanna isumaqarpoq apeqqutini qularnartuni siunnersuummi § 2 atorineqarsinnaasoq inatsisini allani aalajangersakkat oqaasertalerniaraanni. Siunertat aalajangersarneqarneri pingaarnersiulluni allattugaanngillat aammalu suna suliaq pineqartoq aallaaviullunni naliliinarneq tunngavilersorneqarsinnaalluni. Tamanna tunuliaqutaralugu Naalakkersuisut aalajangersimasumik oqaatsinik atorineqartussanik pingaarnersiuinissaat pisariaqanngitsoq isumaqarput, taamaattumillu Naalakkersuisut piniartut ilisimasaannik katersissallutik immikkut pisussaataitaaanissaat eqqunneqassanngilaq.*

KNAPK-mit oqariartuutigineqarpoq siunnersuummi § 5, imm. 2-mi Naalakkersuisut periarfissinneqarsimasut Kalaallit Nunani Aalisarsinnaanermut akuersissutinik Nakkutilliisoqarfik saniatigut allanik nakkutilliisussanik toqqaasinnaanerannik, tamatumunngalu isumaqarlutik nakkutilliisut immikkut toqqakkat nakkutigineqartariaqartut immikkut piumasqaatinillu sukanganerusunik atugaqartinneqartariaqartut.

*Naalakkersuisut oqartussaaffeqarlutik aallartitanut tunngatillugu oqaatigisinnaavaat oqartussaaffeqarlutik aallartitat matumani nakkutilliinermik oqartussaaffeqarlutik aallartitat ilanngullugit innuttaasunut tunniunneqarnaviannngitsoq. Siunertaavoq nakkutilliinissamik oqartussaaffiligaalluni aallartitaq pisortat oqartussaasut iluani allamiit innuttalernerneqarsinnaasoq. Assersuutigalugu piniarnermut aallaaniarnermullu immikkoortortaqaqfimmut nakkutilliartorlutik aallartitat, kommuninut imaluunniit oqartussaasunut allanut pisortaqaqfimmut attuumassuteqartunut, Kalaallit Nunaanni Aalisarsinnaanermut Akuersissutinik Nakkutilliisoqarfik inuttassaaleqineq pissutigalugu misissorsinnaanngisaanut.*

*Oqaatigineqassaaq pisortatigoortumik aqutsiveqarfiiit saniatigut aqutsiveqarfinni nakkutilliivinnik arlalinnik peqarmat, tamatumunnga ilanngullugu Inatsisartut Ombudsmandiat.*

KNAPK-mit inassutigineqarpoq siunnersuummi § 7, imm. 5-imi isertitanut iluarsiiisuteqarnerup annertussusaa 50 pct, sinnerujussuarlugu annertussuseqartariaqartoq taamaattumillu isertitanit pissarsiaq 100 pct.-p missaaniittariaqartoq siunnersuutigalugu.

*Naalakkersuisut piniarnermit aammalu inuussutissarsiummit tassunga attuumassuteqartumit tamakkiisumik isertitammit pissarsiassap annertussusissaa nalilersoqqissaarsimavaat. Naalakkersuisut isumaqarput 50 pct.-imut killiliineq, inummut pingaarnertut piniarnermik inuussutissarsiuteqartumut naleqquttuusooq.*

KNAPK-mit inassutigineqarpoq inuit takornarialerinermit isertitaanut aammalu inuussutissarsiutigalugu piniartutut piginnaatitaaffinnut attuumassuteqartut § 8, nr. 3 naapertorlugu, siunnersuineq imaluunniit pinngortitami ilisimasassarsiorneq tamakkiisumik isertitanut ilannguttariaqaraluartoq. KNAPK-mit paasissutissiisutigineqarpoq apeqquserneqartariaqartoq inuk inuussutissarsiornermut akuersissummik tunineqarsinnaanersoq naak takornarialerinermit isertitatigut annertusigaluttuinnartumik inuuniuteqaraluartoq.

*Naalakkersuisut pissusissamisoorsorinngilaat inuussutissarsiutigalugu piniartup tamakkiisummik isertitaasa taamaattunik suliaqarnermit isertitaqarnerup nalilersuutigineqarnissaa. Aalajangersagaq atuutinneqalernikuuvoq piniarnermik inuussutissarsiorteqartut piniakkatigut akunnattoorfimminni saniatigut isertitaqarsinnaanissaat siunertaralugu. Oqaatigineqassaaq takornariaqarneq taamaallaat, siunnersuineq imaluunniit ilisimasassarsiorneq piniartutut inuunermut tunngasoq taamaallaat isertitat tamakkerlugit naatsorsorneqarnerini ilanngunneqarneq ajormat.*

KNAPK-mit kissaatigineqarpoq soqutigisat tamatumunnga ilanngullugit KNAPK-p immikkoortortaqarfii, nunaqarfinni aqutsisut assigisaaluunniit, § 10, imm. 1. Nr. 3-mi allassimasumi “immikkut ittuni”-nut naliliiniarnerni ilanngunneqassasut. KNAPK-mit ilanngulugu oqaatigineqarpoq immikkut akuerineqarnermi tapersiisummik allakkamik oqaaseqaateqartoqartassasoq.

*Naalakkersuisut aallaqqaasiullugu oqaatigiumavaat § 10, imm. 1, nr. 3 naapertorlugu immikkut akuerineqarneq Naalakkersuisunut taamaallaat atuummat. Apeqqutinut qularnaatilinnut tunngatillugu Naalakkersuisut attuumassuteqartunut tusarniaasinnaapput, tamannalu periarfissaq oqaasertaliussani takuneqarsinnaavoq.*

Tamatuma saniatigut KNAPK-mit kissaatigineqarpoq § 10, imm. 1, nr. 5-imi immikkut ittumik malittarisassiortoqassasoq, piniartut inuussutissarsiummik aallartitsinnaaneranut imaluunniit aallartitseqqissinnaaneranut periarfissiisumik, tamanna peqatigiiffisa assigisaasaluunniit taperserpassuk. KNAPK-mit oqariartuutigineqarpoq inuussutissarsiummut iseriaannaanerunermut periarfissiisumik malittarisassaqaqartariaqaraluartoq, aamma pineqartoq 18-t sinnerlugit ukioqaraluarpat aammalu piniarnermut sakkooqanngikkaluarpalluunniit.

*Naalakkersuisut isumaqarput inatsimmi inuussutissarsiummut akuersissummik pigisaqalerniarnissamut periarfissaqarluareersoq. Siunnersuummi § 10, imm. 1, nr. 10 suliarineqarsimavoq inuusunnerit inuussutissarsiummut ingerlatsisinnaalernissaat siunertaralugu piniutinik pigisaqanngikkaluarlutik, taamaalilluni inuusuttut inuussutissarsiummut pingaarutilimmut pisariaqanngitsumik akimmiffilersorneqaratik ingerlatsisinnaanngorlugit.*

KNAPK-mit kissaatigineqarpoq Naalakkersuisut pisussaassasut piniarnermik inuussutissarsiuteqalerniartut tamaasa pillugit piniarfimmi soqutigisaqaqatigiinnut akuersissummik tunniussinnginnerminni tusarniaasassasut § 13, imm. 3 naapertorlugu.

*Naalakkersuisut maluginiarpaat aalajangersagaq aqutsiveqarfinnut isorartoorujussuarmitunut taamaallaat atorneqassasoq. Aqutsiveqarfiit aalajangersarneqareertussaapput aammalu akuersissutinik arlalinnik tunniussinermi aqutsiveqarfimmi nalilersuutit tunngavissaqarluartut toqqammavigineqartarput. Aqutsiveqarfimmi nalinginnaavoq isertikkumaagassat assersuutigalugu assartuinnermut, nerisassanut atuinnermut aammalu piffissamik atuinnermut sanilliuttarneri. Naalakkersuisut soqutigisaqaqatigiinnut tusarniaaqaarsinnaapput akuersinissaq pitinnagu tamannalu periarfissaq aalajangersakkami allassimareerpoq. Taamaakkaluartoq Naalakkersuisut isumaqarput aalajangernissaq pitinnagu tusarniaanissamut pisussaaffeqalernissaq pisariaqanngitsaq.*

KNAPK-p kissaatigaa § 14, imm. 1.-imut ilanngukkusullugu saniatigooralugu piniagassanut killilersukkanut piniarnermik aallaaniarnermillu ingerlatsiniartunut akuersissummik tunniussinermut atatillugu piffimmi Aalisartut Piniartullu Peqatigiiffii tusarniarneqartassasut. KNAPK-mit oqariartuutigineqarpoq tamanna piffinni pisassakiffiusuni akuersissutinik tunniussinermi atuuttariaqaraluartoq. Matumani qularnaarniarneqarpoq piffinni pisassakiffiusuni saniatigooralugu piniartut piniarnermik inuussutissarsiuteqartunut akornutaalinnginnissaat.

*Naalakkersuisunit malugeqquneqarpoq piniartut atugaat pillugit allaffissornikkut ingerlatsinermi, piniartut atuisullu atugaat pingartinneqartassasut siunnersuummi § 2, imm. 2 naapertorlugu. Pisariaqarsorineqanngilaq peqatigiiffinnut tusarniaanissamik pisussaaffiliinissaq piniagassanut killilersukkanut saniatigooralugu piniarnissamut aallaaniarnissamullu akuersissutinik tunniussisoqannginnerani.*

KNAPK-mit maluginiarneqarpoq siunnersuummi § 15, imm. 4.-mi aqutsiveqarfiup qularnaassagaa piniartup akiligassaqarnini ilisimatinneqariissasoq, piniarnerup kililersorneqarnissaa imaluunniit akuersissummik arsaarinninnissamik pineqartoq nalunaarfigineqartinnagu.

*Naalakkersuisunit paasissutissiisutigineqassaaq allaffissornikkut piumasagaatit malinneqartussaammata, akuersissutip killilimmik atorneqaqqusaaneranut imaluunniit akuersissummik arsaarinninnermut tunngatillugu. Tamanna isumaqarpoq pineqartoq aalajangiisoqartinnagu tusarniarneqaqqaartussaammata, aalajangiineq pitinnagu pineqartoq oqaaseqarsinnaatitaassammata. Pisariaqarsorineqanngilaq aqutsiveqarfik immikkut akiligassaqaqarnermik nalunaaruteqarnissaanik pisussaaffilissallugu.*

KNAPK-mit oqariartuutigineqarpoq siunnersuummi § 17, -mi (siunnersuummi saqqummiunneqartumi § 19) erseqqissarneqartariaqartoq qaqugukkut aammalu suna tunngavigalugu Naalakkersuisut, aalajangersagaq taanna tunngavigalugu malittarisassiorsinnaanersut. Tassunga KNAPK-mit oqariartuutigineqarpoq, Naalakkersuisut qanoq annertutigisumik piginnaatitaasinnaanersut, kommuuninut imaluunniit soqutigisaqaqatigiinnut aallartitaqarnissamik, allassimasariaqaraluartoq.

*Naalakkersuisunit oqaatigineqarpoq piniarnermut misilitsinnermi aalajangersakkanik pilersitsinissaq, piniarnermut akuersissummik tunniussinnginnermi ingerlanneqarnissaanik piumasagaat Namminersornerullutik inatsisaanni 1999 eqqunneqartoq. (Piniarneq aallaaniarnerlu pillugit Inatsisartut inatsisaa nr. 12 29 Oktober 199-imeersoq). Taamaammata aalajangersagaq nutaajunngilaq.*

*Siunertaavoq Naalakkersuisut piniarnermut misilitsinnissamut malittarisassiornissaat, misilitsinnissaq pisariaqarsorinarpat, matumani piginnaasat akisussaaffimmillu ilisimaarinninneq minnerpaamik pigisarisariaqarneri eqqarsaatigalugit, piniarnermik ingerlatsilinnginnermi. Piginnaatitaaffik atorneqassappat piniarnermut misilitsinnissamut piumasagaatit nalunaarutitut saqqummiunneqarumaarput, politikkikkut kissaatigineqartut tunngavigalugit, inatsisiliornermilu teknikkikkut maleruaqqusat naapertorlugit suliarineqarumaarluni. Nalunaarut inatsisitigut teknikkikkut maleruagassat naapertorlugit tamanut tusarniutigineqarumaarpoq, soqutigisaqaqatigiit allallu attuumassuteqartut akissuteqarumaarnissaat anguniarlugu.*

*Tamatumunnga atatillugu oqaatigineqassaaq imm. 3. naapertorlugu piniarnermut misilitsittoqartillugu allaffissornikkut suliaasat kommuuninut ingerlanneqarnissai piumasarineqarsinnaammata. Tamanna aalajangersagaq naapertorlugu siunertaanngilaq Naalakkersuisut akisussaaffimmik allanut soqutigisaqaqatigiinnut tunniussiniarnerat.*

KNAPK-p kissaatigissavaa § 18 (siunnersuummi saqqummiunneqartumi § 20) naapertorlugu Naalakkersuisut aalajangersaanernik ingerlataqarpata tamanut tusarniaasoqassasoq.

*Piniarnermi, aallaaniarnermi eqqissimatitsinermilu aalajangersakkanik Naalakkersuisut ingerlataqarpata malittarisassanik suliaqarnermi soqutigisaqaqatigiit, periarfissat atorluarlugit, akuutinneqassapput. Tamanna isumaqarpoq Naalakkersuisut tamanut tusarniaasinnaasut aalajangersakkap pilersinneqarnissaa sioqqullugu. Tamannali*



*nalilersuinernik aalajangersimalluinnartunik aallaaveqassaaq taamaattumillu Naalakkersuisut iluaqutissartaqarsorinngilaat tusarniaanerup pisussaaffinngortinnissaa, malitassanik pilersitsiniarneq allaquttussaangippat. Aalajangersakkap oqaasertaani allassimavoq Naalakkersuisut periarfissaqarnera naapertorlugu tamanut tusarniaasinnaasut, aalajangersakkap atuutilinnginnerani.*

KNAPK-p maluginiarpaa Inatsisip § 20, imm. 2.-p (siunnersuummi saqqummiunneqartumi § 22, imm. 2) oqaasertai kalaallisut qallunaatullu asigiinngissuteqartut aammalu kalaallisut oqaasertai taakkuusut eqqortut. Tamatumani KNAPK-mit oqariartuutigineqarpoq aalajangersakkami uumasut sorliit pineqarnersut allassimasariaqartoq.

*Naalakkersuisut tamanna tunngavigalugu oqaasertaanik allannguipput matumanilu paasisutissiissutigisinnaallugu uumasut pissatat tamarmik pineqarmata.*

§ 33-mut (siunnersuummi saqqummiunneqartumi § 35) tunngatillugu KNAPK-mit oqaatigineqarpoq nakkutilliisut pissaanilerujussuannngussasut nakkutigineqarsinnaananilu, pingaartumik avinngarusimasuni inuinnarnik nakkutilliisut toqqarneqarsinnaaffiusuni. Tamatumunnga atatillugu KNAPK-mit oqariartuutigineqarpoq piniartup pisinnaatitaaffii sumiginarneqartartut aammalu eqqortumik nakkutilliineq ingerlanneqartanngisoq pissutigalugu nakkutilliinermik ingerlatalik pisinnaatitaaffilerneqartarmat apeqquserneqanngitsumik.

*Aallarniutitut Naalakkersuisunit paasisutissiissutigineqassaaq, nakkutilliinermik piginnaatitsineq tamatumunnga ilanngullugu nakkutilliinermi aallartitaqarluni piginnaaffiliineq inuinnarnut tunniunneqassanngimmat. Siunertaavoq nakkutilliinermik aallartitaqarluni piginnaaffiliineq pisortat oqartussaq alla aqutigalugu pisussaammat. Assersuutigineqarsinnaavoq piniarnermut aammalu aallaaniarnermut immikkoortortaqarfimmut nakkutilliisussamik aallartitaqartoqartoq, kommuuninut imaluunniit pisortatigoortumik oqartussaasunut allanut Kalaallit Nunaanni Aalisarsinnaanermut Akuersissutinik Nakkutilliisoqarfik inuttasaqartitsinnginneq peqqutigalugu nakkutilliinermik ingerlatsiviusinnaanngitsuni.*

§ 33-mut tunngatillugu KNAPK-mit piginnaatitaaffiup annertuallaalernissaanik oqariartuuteqarnermut Naalakkersuisunit oqaatigineqassaaq § 33 tamarmiusoq § 14-mi piniarneq aammalu piniarnermi inatsisip nanginnerimmagu. § 33 sakkussaavoq pitsaasoq nakkutilliinermik ingerlataqartumut, inatsisit atuuttut naapertorlugit pisussaaffimminik ingerlatsinissaannut qulakkeerinnittoq.

KNAPK-mit maluginiarneqarpoq § 34 (siunnersuummi saqqummiunneqartumi § 36) aallaavigalugu nakkutilliisoq annertoorujussuarmik periarfissinneqartoq patsisissaqarani, piniartup pisussaaffinik avaqqutaarinissaminut tassani angallatit piniarnerinnaanngitsumut atorneqartartut atorneqarsinnaammata. KNAPK-mit sakkortuumik inassutigineqarpoq

erseqqissarneqartariaqartoq, qaqugukkut aammalu pissutsit qanoq ittuuneri tungavigalugit § 34 atorneqartariaqarnersoq.

*Naalakkersuisut paasissutisiissutigisinnaavaat aalajangersagaq pingaaruteqarmat nakkutilliineq tutsuiginartoq naammattorlu ingerlanneqarsinnaaqqullugu piniartunut immakut piniartunut, assersuutigalugu arfanniarnermi. Aalajangersakkap nakkutilliinermik ingerlataqartoq periarfissippaa angallat piniarnermut atorneqartoq peqqusinnaallugu, nakkutilliisinnaasumik atortorissaaruserneqassasoq, angallatip sumiiffianik nalunaarsuisumik, ingerlaarfiata sammivianik, sukkassusianik assigisaanilluunniit, nakkutilliisumit malinnaavigineqarsinnaasumik. Aalajangersagaq taamaallaat inuussutissarsiutigalugu angallatinut atorsinnaavoq taamaattumillu siunertaanani angallatit inuinnarnik pigineqartut aalajangersakkami ilaatinneqarnissaat. Tamanna isumaqarpoq angallatit suminngaaneernertik aallaavigalugu kisitsimmik ilisarnaaserneqarsimasut peqquneqarsinnaasut sumiissusersiummik ikkussinissaannik.*

KNAPK-mit kissaatigineqarpoq § 35-mut (siunnersuummi saqqummiunneqartumi § 37) erseqqinnerusumik aammalu inatsisip atorneqarnissaanut toqqammavissaqarluartumik inatsit ilaneqassasoq kiisalu misissuinissami siunertaq ilanngunneqassasoq asseersuutigalugu unioqqutitsisoqartoqarneranik pasitsaassisoqarpat.

*Naalakkersuisut paasissutissiissutigissavaat § 35 pilersinneqarmat, nalinginnaasumik nalunaaruteqarnissamut nalunaarsuinissamullu piumasaqaammut tapiutitut, tamatumuuna qulakkeerumallugu nakkutillinermik akisussaaffeqartoq pisariaqarfiafitigut misissuinermi piumasaqaammik imaluunniit inerteqqummik pilersitsisinnaaqqullugu 1) tulaassivissamik imaluunniit pilaffissamik, 2) tulaassinissamut piffissaliusaaq pilannissamut piffissaq atugassaaq, 3) nakkutillinermik akisussaaffeqartup piniarnermi tulaassinermilu najuussinnaanera, aammalu 4) nalunaarutigineqareersumik pisanik ussersaanissaq, kiisalu ussersaanissaq uuttutimik akuerisamik pisussaaffilerneqarsimasumit ingerlanneqassalluni.*

*Aammattaaq aalajangersakkami siunertaavoq nakkutilliisussaataasup piniarnermi pisanik sukkut tamaana misileraanissaminut atortussaminik peqarnissaa, taamaanneratalu nakkutilliinermik pisussaasoq siuliini peqqusinermik aammalu inerteqquteqarnermut tunngasut taaneqartut naammassinissaanut naammattumik pisussaaffeqarnissaa siunertaalluni. Nakkutilliinissamik pisussaaffilikkap pasitsaassineq aalajangersimasumut tunngassuteqartoq kisiat misissornissaanut aalajangersakkami siunertaangilaq. Matumanili oqaatigineqassaaq aalajangersakkap oqaasertaani pingaartinneqarmat naligiissaarineramik periuseq matumani nakkutilliinissamik oqartussaasoq inerteqquteqartoqartinnagu imaluunniit peqqussuteqartoqartinnagu periutsit annertuallanngitsut atussammagit.*

*KNAPK-mit oqaaserineqartut aalajangersakkap allanngortinneqarnissaanut pissutissaqartitsinngillat.*

KNAPK-mit oqaatigineqarpoq § 36 (siunnersuummi saqqummiunneqartumi § 38) nakkutilliisussaataitaasup piginnaatitaaffilerneqarneranik imaqartoq eqqartuussiveqarfimmit akuerineqaaqaarani pisinnaatitaaffiligaanera ingasaginarmat tassami nakkutilliinissamik piginnaatitaaffilikkap naliliinera aallaaviusarmat, taamaattumik kissaatigalugu ilanngunneqassasoq, nakkutilliisussaataitaasoq pineqartup angerlarsimaffianut taamaallaat isersinnaatitaassasoq (§ 36, imm. 2), eqqartuussiveqarfimmit akuerineqarsimaguni aammalu uppersaasussap uppersaatai unioqqutitsinermik qularnaarinnippata.

*Naalackersuisut siunnersuuteqarnerminni nalilersorluaqqissaarsimavaat nakkutilliinermik akisussaaffit pitsaanerpaaffimmiinnissaata pisariaqarnera. Manna tikillugu pisariaqarsorineqarpoq nakkutilliinermik akisussaaffilerneqartoq, aalajangersakkap iluani piumasarineqartut naapertorlugit, nalunaaruteqaaqaarani pisanik piniartup inuussutissarsiutaanut attuumassuteqartunik misissuisinnaasoq. § 36, imm. 1-mi aalajangersakkami nakkutilliisoq nalinginnaasumik periarfissaqarpoq – uppersaammik atorfirmut attuumassuteqartumik takutitsinikkut – sulianut piniarnermut attuumassuteqartunut misissuinissaminut qularnaassallugulu suliasaminik inatsimmut tunngassutilinnik suliaqarsinnaanini.*

*Siunnersuummi § 36, imm. 2-mi nakkutilliinermik piginnaatinneqartoq nalunaaqaqaarani angerlarsimaffimmut isersinnaaneranik piginnaatinneqarpoq. Oqaatigineqassaaq siunnersuummi § 36, imm. 1-mi aalajangersagaq sukannernerulersinneqarmat taamaalilluni qularnaatsumik toqqammaveqarluni pasitsaassineq pineqarluni, taannalu inatsisimmi erseqqissumik allassimavoq aammalu oqaasertaliussani. Aalajangersagaq atorneqarsinnaavoq qularnaatsumik pasitsaassisoqarnerani, angerlarsimaffimmi unioqqutitsilluni pisanik peqartoqartillugu aammalu piniutinik imaluunniit unioqqutitsilluni nioqqutissiortoqarpat assigisaanilluunniit iliuuseqartoqarpat. Qularnaatsumik pasilliinermut atatillugu naammangilaq nakkutilliisussaataitaasup naliliiginnarnissaa. Pasilliineq tunngaveqassaaq, tamannalu uppersaasoqarnikkut allatigulluunniit qularnaarinninnikkut uppersasineqassalluni.*

*Oqaatigineqassaaq inatsisissatut siunnersuutip oqaasertalerneqarnerani naligiissaarinermi periuseq atorneqarmat. Tamanna isumaqarpoq nakkutilliisussaataitaasoq periutsinik annertuallaanngitsunik atuiniaqqaassammat, nakkutilliisussaataitanermik piginnaatinneqartoq angerlarsimaffimmut isertinnagu. § 36, imm. 2-mut Naalackersuisut sukannernerulersitsippat tamatumani qularnaatsumik pasilliinerup tunngaveqarnissaa piumasaqaataammat tamatumali saniatigut atorneqarnissaanut tungatillugu qasukkaanatik imaluunniit aalajangersakkap imarisaanik allannguinatik.*

§ 41-mut (siunnersuummi saqqummiunneqartumi § 43) tunngatillugu KNAPK-mit oqaatigineqarpoq, piniartoq piniarnermik ingerlatsisinnaajunnaarsinneqarpat tamanna akiliisinnaajunnaarnermik kinguneqarsinnaammat.

*Naalackersuisunit paasissutissiissutigineqassaaq siunnersuummi § 41 § 40-mut innersuussimmat tamatumani nakkutilliinermik piginnaatinneqartoq piniarnermut sakkunik aammalu pisanik kiisalu angallammik piniarnermi inatsimmut unioqqutitsinermut atorneqarsimasumik imaluunniit inatsit naapertorlugu maleruagassanik unioqqutitsinermut atorneqarsimasumik arsaarinnissinaasunngorlugu. Siunnersuummi § 41 periarfissiivoq, angallammik, piniutit tamaasa ilanngullugit eqqartuussivikkut arsaarinnissamik aalajangiisoqartillugu tigumminnikkallarnissamik, akileeqqusissutip akilerneqarnissaata aammalu suliamut aningaasartuutit akilerneqarnissaata tungaanut. Aalajangersakkami suliamik ingerlatsisoq periarfissinneqapoq akiligassammik matusiniarsinnaatillugu angallatip atortullu pinngitsaaliissummik tuniniarnerisigut, eqqartuussinerup naammassineraniit qaammatit marluk qaangiunnerini pineqartoq akiliisimangippat.*

*Oqaatigineqassaaq aalajangersagaq taamaallaat atorneqassammat piniarnermi aallaaniarnermilu inatsisip unioqqutinneqarnera tunngavigalugu eqqartuussivikkut aalajangiisoqarsimappat imaluunniit inatsit tunngavigalugu malittarisassianik unioqqutitsisoqarsimappat. Aalajangersagaq pilersinneqarpoq akiliutigeqqusap akilerneqarnissaa siunertaralugu aammalu piniarnermi inatsisinik unioqqutitsinissamut pinaveersaartitsisussaalluni.*

### **Maniitsumi Aalisartut Piniartullu Peqatigiit (MAPP)**

MAPP-mit oqaatigineqarpoq § 7, nr. 4 isumaqatigineqartoq, taamaattoq kissaatigineqarluni aalajangersakkami erseqqissumik “qamutit motorimik ingerlatillit” allassimassasoq.

*Tamanna tunngavigalugu aalajangersagaq Naalackersuisunit iluarsivigineqarpoq.*

MAPP-mit kissaatigineqarpoq piniarnermik inuussutissarsiuteqarnerup akuersissutigineqarnerani tunngavigisaq sukaterivigineqartariaqartoq, pineqartoq isertitamigut piniarnermik aallaaniarnermillu isertitai 100 %-iusariaqarlutik § 7, nr. 5-imi. MAPP-mit kissaatigineqarpoq isertitanut tunngatillugu piunasaqaat sukateriffigineqartariaqartoq tassami piniarnermik inuussutissarsiuteqartut annertusigaluttuinnartumik inangeriartorneqarmata qaangerneqartarlutillu inunnit piniarnermik inuussutissarsiuteqanngitsunit assersuutigalugu, kilisaatini aquttunit, igasunit, motorinik nakkutilliisunit aammalu nunami inuussutissarsiutilinnit. Piniarnermik inuussutissarsiuteqarnermut akuersissummik pigisaqalerniarnermut atatillugu MAPP-mit kissaatiginartinneqarpoq piffimmi piniartut peqatigiiffiit tusarniarneqartarnissaat piunasaqaataassasoq. Tassunga atatillugu MAPP-mit paasissutissiissutigineqarpoq inuit sullissivik aqutugalugu qinnuteqarsinnaalermata, kommune piniartullu peqatigiiffii avaqqullugit.

*Naalackersuisut aallaqqaasiutigalugu oqaatigissavaat isertitanit tamakkiisumik qanoq annertutigisoq piniarnermiit pissasoq eqqarsaatigilluagaammat aammalu isertitat allameersut. Naalackersuisut aalajangiunnikuuaat 50 pct.-imut killissarititaasumut*

*annertussusiliineq inuussutissarsiutigalugu piniarnermik ingerlataqartumut naleqquttoq. Tamatuma saniatigut oqaatigineqassaaq piniarnermut allagartanik akuersissuteqarneq pisortatigoortuummat, qinnuteqartorlu kinaassusersiunngitsunik piumasagaatinik arlalinnik naammassinnissimasussaataasooq. Qinnuteqartoq saniatigut piumasagaatinut naammassinnissimasutut nalilerneqarpat, piniarnermik inuussutissarsiuteqarsinnaasutut akuerineqassaaq. Taamaammatt eqqoriaanerunngilaq, taamaammallu qinnuteqaatinut atatillugu imaluunniit akuersissuteqarniarnermi, piffinni piniartut peqatigiiffiisa tusarniarnissaat pisariaqarani.*

MAPP-mit oqariartuutigineqarpoq § 12 isumaqatigineqarmat taamaattoq kissaatiginarmat aalajangersakkami akuersissuteqarnermi piniartumut akilersinnaanissaa ersersinneqassasooq siunnersuutigalugulu aalajangersakkami allassimanissaa.

*Naalakkersuisunit oqaatigineqarpoq piniartup nammineq piniarnermik inuussutissarsiuteqarneq imminut akilersinnaanersoq nalilersugassarigaa. Taamaalilluni piniartup piniartutut inuussutissarsiummik ingerlatsinera imminut akilersinnaanersoq Naalakkersuisut nalilersugassarinngilaat.*

MAPP-mit kissaatigineqarpoq § 15, imm. 1-mi allassimassasooq inuussutissarsiutigalugu piniartunut akuersissiummik tunniussisoqartillugu akitsuummumut akiliisoqartassanngitsoq piniarnermut allagartap akilerneqarnera naammammatt.

*Naalakkersuisunit oqaatigineqarpoq § 15, imm. 1 piginnaatitsinermik aalajangersagaammatt Naalakkersuisunut periarfissiisooq maleruagassanik nalunaarutitut ilusilerneqarsimasunik pilersitsinissaannut, tamatumunnga ilanngullugit akitsuusiinerup annertussusissaa, akuersissutinik aammalu piniarnermut allagartanik tunniussinermi. Aalajangersagaq una naapertorlugu maleruagqusanik suliaqartoqartillugu siunnersuut tamanut tusarniutigineqartussaavoq aammalu peqatigiiffinnut kattuffinnullu susassaqartunut nassiunneqartussaalluni, taamaalilluni attuumassuteqartut tamarmik oqaaseqarnissamut periarfissaqarniassammata.*

MAPP-mit kissaatigineqarpoq ataatsimoorussilluni piniarnerit § 19 (siunnersuummi saqqummiunneqartumi § 21) naapertorlugu ingerlanneqassasut taamaalilluni piniarneq piniartunut ulorianartorsiortitsinani. MAPP-mit oqaatigineqarpoq piniartut ulorianartorsiortartut pingaartumik qilalukkanik qaqortanik qernertanillu piniarnermi, umiatsiaararpasuit ataatsikkut piniartarmata.

*Naalakkersuisunit oqaatigineqarpoq § 19 tassaammatt Naalakkersuisut piniarneq pillugu piniakkanut aalajangersimasunut malittarisassaliornissaannut periarfissiisooq. § 19, imm. 1. Nr. 4 naapertorlugu piniarneq aallaaniarnerlu pillugit Naalakkersuisut pissuserissaarnissamut tunngasunik malittarisassaliorsinnaapput tamannalu isumaqarpoq Naalakkersuisut malittarisassiorsinnaasut, ataatsimoorussilluni piniarnerit inunnut*

*ulorianarsinnaasut pinngitsoortinniarlugit. MAPP-mit oqariartuut tunngavigalugu tamanna erseqqissarneqarpoq.*

MAPP-mit kissaatigineqarpoq saniatigooralugu piniartut pisaminnik kalaalimineerniarfimmi nittartagatigullu tuniniaasinnaassanngitsut, tak. § 22, imm. 2 (siunnersuummi saqqummiunneqartumi § 24, imm. 2). MAPP-mit maluginiarneqarpoq ukiuni kingullerni saniatigooralugu piniarnermik ingerlatallit amerligaluttuinnartut tamatumunngalu atatillugu inuussutissarsiutigalugu piniartunut tunisiniarneq ajornarsigaluttuinarsimalluni assersuutigalugu tuttunik, umimmannik, puisinik pisallu allat.

MAPP-mit kissaatigineqarpoq § 23-mi erseqqissarneqassasoq inuussutissarsiutigalugu piniartut aammalu saniatigooralugu piniartut ataatsimoorussillutik piniaqatigiittassanngitsut.

*Nalakkersuisunit oqaatigineqarpoq § 23 tassaasoq ataatsimoorussilluni piniarnermut Naalakkersuisut malittarisassiorsinnaanerannut periarfissiisoq, tamatumunnga ilanngullugu inuit ataatsimoorussullutik piniarsinnaasut pillugit malittarisassat, taakkulu oqaasertaliussani itisilerneqarsimapput.*

### **Tapertaralugu Piniartut Aalisartullu Kattuffiat (TPAK)**

TPAK-mit kissaatigineqarpoq § 2, imm. 1. Nr. 7. –mut ilanngunneqassasoq “Pisuussutit uumassusillit tamarmik Kalaallit Nunaannit pigineqarmata aammalu taakku Kalaallit Nunaata oqartussaaffigai”

*Naalakkersuisunit oqaatigineqarpoq § 2 tassaammat siunertaqarluni aalajangersagaq tamatumani aqutsisut nalornisoqartillugu inatsit siunertaa tunngavigalugu iluarsiiniartussaataalluni. Tassunga tunngatillugu oqaatigineqassaaq piniarnermut tunngasut akisussaaffigineqalernikuummata tamannalu isumaqarluni piniarneq pillugu Naalakkersuisut tamakkiisumik oqartussaassuseqarmata aammalu piniarneq oqartussaasunit malittarisassiuunneqartarmat.*

TPAK-mit kissaatigineqarpoq § 7, nr. 2-mi oqaaseq “najugaq” aalajangersakkamit peerneqassasoq taarsiullugulu oqaaseq “akileraartartoq” ilanngunneqassasoq, matumani peqqutigalugu najugaq ullormiit ullormut allanngortinneqarsinnaammat inunnik nalunaarsuivimmu allatsiinnarluni.

*Naalakkersuisunit oqaatigineqarpoq § 7, nr. 2 najugaqarnissamik piumasaqaataammat tassa imaappoq inuussutissarsiutigalugu uppersaammik pissarsiniartoq Kalaallit Nunaanni najugaqartussaataavoq aammalu qinnuteqarnermi ukiuni kingullerni marlunni najugaqareersimassalluni. Aalajangersagaq naapertorlugu Kalaallit Nunaata iluani sumi najugaqarnissaq piumasaqaataannigilaq taamaattoq piumasaqaataavoq qinnuteqarnerup nalaani qinnuteqartup Kalaallit Nunaanni najugaqarnissaa, aammalu qinnuteqarnerup*

*nalaani ukiut kingulliit marluk Kalaallit Nunaanni najugaqarsimanissaa. Oqaatigineqassaaq § 7, nr. 3.-mi akileraartartuunissaq pillugu piumasaqaat ilanngunneqarsimammat.*

TPAK-imit kissaatigineqarpoq siunnersuummi § 8, nr. 1-imi angallatip angissusaa allanngortinneqassasoq 25,5 meter-imiit 30 meter-imut. TPAK-mit kissaatigisamut tunngavilersuutigineqarpoq sinerissap qanittuani aalisartut piniartullu, umiatsiaararsorlutik aalisarnermik piniarnermillu ingerlatallit raajarniutitut kilisaatinulluunniit ilaallutik akissarsiaqarsinnaasariaqaraluartut aalisarnerup piniarnerullu akunnattoorfiunerani, annilaanngatiginagu inuussutissarsiuteqarnermi allagartap annaanissaa.

Tamatumunnga tunngatillugu TPAK-imit paasissutissiissutigineqarpoq inuit angallatini 30 meter sinnerlugu angissusilinni aalisarnermut peqataasut aammalu tassannga akissarsiaqartinneqartut periarfissaqartariaqaralartut immikkut akuerineqarlutik inuussutissarsiummut piniartuunermet uppernarsaammik qinnuteqarsinnaanermik.

*Naalackersuisunit eqqarsaatigeqqissaarneqarsimavoq inuussutissarsiutigalugu piniarnermik ingerlatalik suliffimmit sorlermiit akissarsiaqarsinnaanersoq, ukiumut isertitani ataatsimut naatsorsorneqarnerini ilanngutinnginnerini. Naalackersuisunit 25,5 meter-inik angissutsip killilerneru tulluurtuusoq piniarnermik inuussutissarsiut inuussutissarsiutitut pingaarnertut ingerlatiinnassagaanni. Naalackersuisut isumaqarput raajarniarnermiit isertitat ukiumut piniarnermit aallaaniarnermillu isertitat ataatsimut naatsorsornerinut ilannguttariaqanngittut tassami angallatinik anginerusunik isertitat suliffimmit allamit isertitatut nalilerneqartussaammata piniarnermiunngitsaq.*

TPAK-mit kissaatigineqarpoq § 9 naapertorlugu saniatigooralugu piniarnermut aallaaniarnermullu akuersissummut peqatigitillugu piumasaqaataasariaqartoq pineqartoq Kalaallit Nunaanni ukiuni kingullerni marlunni akileraartartuusimanissaa. TPAK-mit paasissutissiissutigineqarpoq najugaq ullormiit ullormut allanngortinneqarsinnaammat taamaattorli akileraartarnermut tunngasoq ullormiit ullormut allanngortinneqarsinnaanani. Tamatuma saniatigut TPAK-mit apeqquserneqarpoq saniatigooralugu piniarnermut allagartamik pissarsiniarnermi minnerpaamik ukiorititaasut 12-it 15-iusariaqannginersut.

*Naalackersuisunit eqqarsaatigilluagaasimavoq saniatigooralugu allagartaqarneq qanoq ililluni inunnit pissarsiarineqarsinnaassanersoq, tamatumanilu aalajangiunneqarsimavoq qinnuteqarnermiit ukiuni kingullerni marlunni Kalaallit Nunaanni najugaqarsimanissamik imaluunniit akileraarsimanissammik piumasaqaat, piniakkanut killilersugaanngitsunut atuutissanngitsaq. Naalackersuisut isumaqarput piniarnermut aallartisarniartunut ukiut 12-nut killiliineq naleqquttoq piniagassanut mikinernut assersuutigalugu aqissinut.*

§ 10 naapertorlugu inuit immikkut qinnuteqartut TPAK-mit paasissutissiissutigineqarpoq ukiuni kingullerni marlunni Kalaallit Nunaanni akileraartartuusimassasut – immikkut akuerineqarnissamik qinnuteqataagaluarpat, inuussutissarsiutigalugu piniarnermut

qinnuteqataagaluarpat imaluunniit saniatigooralugu piniarnermut aallaaniarnermullu qinnuteqataagaluarpat.

*Nalakkersuisunit paasissutissiissutigissavarput immikkut illuinnartut pillugit § 10 pilersitaammat, tassunga ilanngullugit inuit nunani allaniissimappata soorlu ilinniarnermik ingerlataqarlutik. Aalajangersagaq pilersitaavoq immikkut ittuni Naalakkersuisut periarfissaqarniassammata immikkut akuersissuteqarnissamut aalajangersakkami taaneqartuni.*

TPAK-imit kissaatigineqarpoq § 16, imm. 1-2 aammalu imm. 4 akiliuteqarlutik piniartartut inatsimmi periarfissinneqarnerat siunnersuummit peerneqassasoq, Kalaallit Nunaanni immikkut akuerineqarluni piniarsinnaatitaaneq akuerineqartariaqanngikkaluarmat Kalaallit Nunaannut akileraartussatitaasimannngikkaanni.

*Naalakkersuisut paasissutissiissutigissavaat § 16-imi immikkut periarfissiinerunngimmat taamaattorli neqeroorutitut akiliuteqarluni Kalaallit Nunaanni piniarsinnaanermut periarfissiinerummat. Naalakkersuisut isumaqarput aalajangersagaq allanngortittariaqanngitsoq tassami akiliuteqarluni piniarsinnaanermik periarfissaq Kalaallit Nunaanni inuppassuarnut isertitsissutaasarmat inuiaqatigiit akornanni pingaarutilik.*

TPAK isumaqarpoq inuit nunami matumani najugallit inuttut piginnaatitaaffeqarnerat Naalakkersuisunit arsaarinnissutaasariaqanngitsoq takuuk § 21, imm. 1-5 (siunnersuummi saqqummiunneqartumi § 23, imm. 1-5) aammalu inuit saniatigooralugu piniarnissamut allagartamik pigisallit pisaminnik tuniniaasinnaanerannik arsaarneqartariaqanngitsut.

*Naalakkersuisunit malugeqquneqarpoq § 21 naapertorlugu piniagassat killilersukkat tuniniarneqarnissaannut aammalu pisanik nalunaarsuinermi uppernarsaasussaatitaanermut iluarsiiisutaammat. Tamatuma saniatigut aalajangersakkami suliffeqarfinnut, paaqqinnittarfinnut aammalu neriniartarfinnut tuniniaasinnaaneq taamaallaat inuussutissarsiutigalugu piniarnermik ingerlataqartunik ingerlanneqarsinnaanera malittarisassiuunneqarpoq. Saniatigooralugu piniartut pisaminnik tuniaasinnaanerat aalajangersakkami inerteqqutigineqanngilaq taamaattorli kommuunit periarfissinneqarlutik saniatigooralugu piniartut pisaminnik tunisisinnaanerannik aaqqiissuteqarsinnaanerannik, takuuk § 22, imm. 2 (siunnersuummi saqqummiunneqartumi § 24, imm. 2). Aalajangersakkami periarfissalerneqarpoq piffimmi tuniniaaneq nakkutigisinnaallugu, taamaalilluni inuussutissarsiutigalugu piniarnermik ingerlataqartut piffimmi amerlappata saniatigooralugu piniarnermik ingerlataqartunit unammillerneqassanngimmata. Suli piumasagaataavoq pisat piumasagaatit naapertorlugit nalunaarsorneqarnissaat. Matumani qulakkeerniarlugu inuiaqatigiit inatsisit malillugit iliuuseqarneri aammalu nerisassat tuniniagassat tutsuiginartumik pitsaassuseqartut.*



TPAK paasissutissiivoq § 24-mut (siunnersuummi saqqummiunneqartumi § 26) tunngatillugu timmisartut qulimiguullillu atorlugit piniarneq akuersaarneqarsinnaanngitsoq aammalu atuuttariaqanngikkaluortoq. Tassunga ilanngullugu TPAK-imit oqaatigineqarpoq angallatit assakaasullit motorillit, snescooterit aammalu ATV-t kommuunini ileqqoreqqusat malittariaqaraat, assersuutigalugu Qeqqata Kommuniiani nunami ammaannartumi angallatinut taamaattunut ileqqoreqqusat.

*Naalackersuisunit malugeqquneqarpoq aalajangersakkami timmisartut, qulimiguullit imaluunniit angallatit motorillit atorlugit piniarnissaq aalajangersakkami periarfissinneqanngimmat. Tamatumunnga atatilugu oqaatigineqassaaq ileqqoreqqusat Inatsisartut inatsisaat nr. 12, 29 Oktober 1999-imeersoq naapertorlugu piniarneq aallaaniarnerlu pillugit pilersitat kingusinnerusukkut allanngortitat, atuuttussaammata, atorunnaarsinneqarnissamik imaluunniit allanik taarserneqarnissamik tungaannut, takuuk § 47, imm. 3 (siunnersuummi saqqummiunneqartumi § 48, imm. 3).*

### **Transparency International Greenland (TIG)**

TIG-imit siunnersuutigineqartoq ilassilluarneqarpoq aammalu oqaatigalugu siunnersuummi § 2, imm. 1, Nr. 4 naapertorlugu nunat tamat akornanni suleqatigiinnermut innersuussutitaqartariaqaraluortoq, innersuussutigalugulu Copenhagen Declaration “The International Declaration on Transnational Organized Crime in the Global (Fishing) Industry”, Kalaallit Nunaannit 2019-mi atortussanngortinneqartoq, ilanngunneqassasoq.

*Naalackersuisunit paasissutissiissutigineqassaaq § 2, imm. 1, Nr. 6 naapertorlugu Naalackersuisut pingaartissagaat immikkut isumaqatigiissuteqarnerit, nunap ilaanut tunngasut aammalu nunat tamat akornanni isumaqatigiissutit aammalu isumaqatigiissutit ataasimoorussat, tassaani pineqarlutik nunat tamaat akornanni isumaqatigiissutit Kalaallit Nunaata akuersissutiginiikuusai, oqaasertaliinerni itisilerneqarsimasut.*

### **Trophy Hunting Greenland (THG)**

THG-mit oqariartuutigineqarpoq ukiunik marlunnik sioqqutsisumik ilimasaaruteqartoqartariaqartoq, maleruagassanik akiliuteqarluni piniartitsinermik ingerlataqartunut akuerineqarnermik pissarsinissamut imaluunniit atorunnaarsitsinissamut killilersuisunik suliaqartoqassappat, matumunnga ilanngullugit angallassisunik atuneq akuersissuteqarnerlu akiliuteqarluni piniartitsinermut, § 16, imm. 6 naapertorlugu (siunnersuummi saqqummiunneqartumi § 18).

Tamatumunnga peqqutaavoq THG piniartitsinissanik ukiunik 2-nik 3-luunniit sioqqutsilluni tuniniaasarmat taamaalillluni kingusippallaamik ilimasaarisarneq, piniarnissaagaluanut akileriikkanut kingunipiloqarsinnaalluni. Matumunnga ilanngullugu THG-mit kissaatigineqarpoq angallassisutut ilinniarniq, ukiunik 1,5 – 2-nik sivisussuseqartoq

pilersinneqassasoq, assersuutigalugu Kangerlussuarmi aallaavilerlugu, taamaalilluni qularnaarsinnaallugu angallassisut najugaqavissut tunngavissaqarluarnissaat, piginnaasaqarlutillu takornarianut akiliillutik piniariartunut angallassinissaminnut. Tassunga atatillugu THG-mit ilisimatitsissutigineqarpoq Inatsisartut inatsisaat nr. 27, 30 Oktober 1992-imeersoq, Kalaallit Nunaanut avataaniit suliaqarnermik nakkutilliinermut tunngasoq malinneqarniassammat, § 16 naapertorlugu malittarisassanik suliaqarnermi.

*Naalackersuisunit malugeqquneqarpoq § 16, imm. 6. piginnaatitsineramik aalajangersagaammat allagartartaarnermut tunngasuni Naalackersuisut maleruagassiorsinnaanerannut tunngasoq tassunga ilanngullugit angallassisunik atuinerit akuersissuteqarnerillu, akiliuteqarluni piniarnermi. Aalajangersagaq pineqartoq naapertorlugu maleruagassiorneq nalunaarutiliornikkut pisussaavoq, sapinngisamik soqutigisaqatigiit matumunnga attuumassuteqartut peqatiginerisigut kingornalu inatsisiliornermi teknikkikkut piumasaqaatit maligassallu naapertorlugit tusarniutigineqarumaarlutik. Naalackersuisut matumunnga atatillugu oqaatigissavaat Kalaallit Nunaanni inatsisinut allanut tunngatillugu, soorunami, suliaqartoqartillugu inatsisiliornermi maligassat malinneqartussaammata.*

*Angallassisussanik iliniarnissamut periarfissanut tunngatillugu, Kalaallit Nunaanni erseqqinnerusunik maleruagassiortussaq tassaavoq, Ilinniartitaanermut Naalackersuisoqarfik akisussaataaasoq.*

THG-mit paasisutissiissutigineqarpoq § 21, imm. 1, (siunnersuummi saqqummiunneqartumi § 23, imm. 1) naapertorlugu tukattorujussuusinnaasoq akuersissutit aamma naqissuserneqartalissappata, piffissani pisassiissutit akuersissutigineqarnerisa avataasigut.

*Naalackersuisunit malugeqquneqarpoq aalajangersagaq suliarineqarsimammat piniagassat, akuersissuteqarani pisarineqarsimasut, tuniarneqarsinnaanerit pinngitsoorniarlugu, assersuutigalugu tikaagulliit imaluunniit qilalukkat qernertat. Ilanngullugu malugeqquneqarpoq piniagassat akuersissutigineqarsimasut pillugit ullumikkut periuseq atorneqartoq taamaammat.*

### **WWF Verdensnaturfonden (WWF)**

WWF-imit paasisutissiissutigineqarpoq aarlerinarmat siunnersuummi piniagassanut tamanut tunngatillugu aqutsinermi piujuaannartitsinissamik piumasaqaatitaqanngimmat aammalu oqaaseq “piujuaannartitsineq” inatsisip oqaasertaani ilaanngimmat.

*Naalackersuisunit malugeqquneqarpoq siunnersuummi § 2, imm. 1-imi Inatsisartut inatsisaat siunertaqarmat torersumik aammalu imminut illersorsinnaasumik uumassusilinnik atuinissamik aammalu Inatsisartut Inatsisaannik suliaqarnermi pingaartinneqassammat piujuaannartitsineq kiisalu kinguaassiornermut tunngasut, takuuk § 2, imm. 1, nr 1.*

*Tamanna isumaqarpoq piniagassanut ataasiakkaanut tamanut tunngatillugu, imminut illersorsinnaasunngorlugu uumasunik piniarnermi aqutsineq ingerlanneqassammat tassunga ilanngullugu piujuaannartitsineq.*

WWF-imit paasissutissiissutigineqarpoq inatsisip oqaasertalerneqarnerani nakkutilliinerup ilaa Kalaallit Nunaata Politiiviniit aammalu Arktisk Komando-miit Kalaallit Nunaanni Aalisarsinnaanermut Akuersissutinik Nakkutilliisoqarfik suliaqartunut nuunneqassasoq, nalilerlugulu tamatuma nakkutilliineq pitsaanerulersinnaviannigikkaa. WWF-imit inassutigineqarpoq sapinngisaq tamaat Kalaallit Nunaata Politiiviniit aammalu Arktisk Kommando-miit ikiortissaq pissarsiariniarneqartariaqartoq tamatumunngalu ilanngullugu inassutigalugu piniarnermik nakkutillisut annertuumik pitsanngorsarneqarnissaa.

*Naalackersuisunit paasissutissiissutigineqassaaq akisussaaffinnut angerlaatanut Kalaallit Nunaani Politiit aammalu Arktisk Komando nakkutilliisussaataaannigimmata. Kalaallit Nunaata Politiivi aammalu Arktisk Komando Kalaallit Nunaanni Aalisarsinnaanermut Akuersissutinik Nakkutilliisoqarfik misissuinermi pisariaqartitsineq naapertorlugu tapersisinnaapput.*

WWF-imit paasissutissiissutigineqarpoq piniakkatkillilersukkanik piniarsinnaanermi ukiuni marlunni najugaqarsimasariaqarnermik piunasaqaat paatsuunganartinneqarmat, takuuk § 14. WWF-imit oqaatigineqarpoq Kalaallit Nunaani aallaaniarneq inuunermut pingaarutilerujussuummat aammalu nunassittunut innuttaasunut akulerunnissamut periarfissaalluni pingaarutilik.

*Naalackersuisut eqqarsaatigilluarsimavaat Kalaallit Nunaannut nuuttut saniatigooralugu piniarnermut, piniagassat killilersukkanut, akuersissummik pissarsinissaminnut qanoq annertutigisumik periarfissinneqassanersut. Naalackersuisut isumaqarput ukiunik marlunnik najugaqarsimanissamik piunasaqaat tulluartuusoq, aamma eqqarsaatigissagaanni piniagassat ilaat amerlasoorsuuneq ajormata, taakkulu Kalaallit Nunaani nunaqavissunit pisarineqarnissaat pingaartinneqartariaqarmat. Qulakkeerumallugu inuit Kalaallit Nunaani piniarnermut tunngasuni paasisaqarluarsimanissaat aammalu qulakkeerumallugu inuit Kalaallit Nunaannut piniarnissaq siunertaralugu nuuttannginnissaat. Oqaatigineqassaaq inuit Kalaallit Nunaannut nooqqammersimasut periarfissaqarmata saniatigooralugu, piniagassanik killilersugaanngitsunik, piniarnissamut, soorlu aqissinik imaluunniit puisinik, takuuk § 9, kiisalu periarfissaqarmata akiliillutik piniarnissamut, akiliuteqarluni piniarneq aqqutigalugu.*